

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣 黃國琦 較釋

宗室部 十

武勇 剛正

武勇

夫泚泚之述於周雅 仡仡之著於秦誓 皆武勇之謂也 矧乃挺生公族 夾輔王室 而特資異稟 雄材傑出 或參預締構 功宣戎旅 或遭罹否阨 事以戡濟 或揚



威以克敵或奮怒以屏盜維城之重垣翰之寄於是乎在矣然而武者取其止戈勇者謂之達德矜能恃力古人所戒故曰天下有事用之於戰勝天下無事用之於禮義苟異於是雖有過人絕倫之藝搏熊扛鼎之力適足為亂亡之本可不慎乎

漢淮南厲王長高帝少子早失母嘗附呂后孝惠呂后時以故得幸無患然嘗心怨辟陽侯審食其不敢發

及孝文即位三年入朝厲王有材力扛鼎乃往詣辟陽侯辟陽侯出見之即日褒金椎椎之謂以金椎藏至褒中出其

椎命從者刑之直斷其首也馳詣闕下肉袒謝曰臣母不

嘗坐趙時辟陽侯力能得之呂后不爭罪一也趙王如意子母無罪呂后殺之辟陽侯不爭罪二也呂后王諸呂欲以危劉氏辟陽侯不爭罪三也臣謹為天下誅賊報母之仇伏闕下請罪帝傷長其志為親故不治赦之

江都易王非孝景之次子也孝景前二年立為汝南王吳楚反時非年十五有材氣上書自請擊吳景帝賜非將軍印擊吳吳已破徙王江都治故吳國治謂都之

劉潭所居也以軍功賜天子旗元光中匈奴之入漢邊非

上書願擊匈奴武帝不許非好氣力治宮館招四方



豪傑

廣陵厲王胥孝武次子也壯大好倡樂逸遊力扛鼎空手搏熊羆猛獸

後漢陳王寵善弩射十發十中中平中黃巾賊起郡縣皆棄城走寵有強弩數千張出軍都亭國人素聞王善射不敢反叛故陳獨得完百姓歸之者衆十餘萬人

魏任城威王彰太祖子也少善射御膂力過人手格猛獸不避險阻數從征伐志意慷慨太祖嘗抑之曰汝不念讀書慕聖道而好乘汗馬擊劔此一夫之用

何足貴也課彰讀詩書彰謂左右曰丈夫之爲衛霍將十萬騎馳沙漠驅戎狄立功建號耳何能作博士邪大祖常問諸子所好使各言其志彰曰好爲將太祖曰爲將奈何對曰被堅執銳臨難不顧爲士卒先賞必行罰必信太祖大笑彰北征入涿郡界叛胡數千騎卒至時兵馬未集唯有步卒千人騎數百匹用田豫計固守要隙虜乃退散彰追之身自搏戰胡騎應弦而倒者前後相屬戰過半日彰鎧中數箭意氣益厲乘勝逐北至於桑乾桑乾縣屬代郡今北虜居之號索干都去代二百餘里長史諸將皆以爲新涉遠士馬疲頓又受

山上缺一葉



節度不得過代不可深進違令輕敵彰日率師而行  
唯利所在何節度乎胡走未遠追之必破從令縱敵  
非良將也遂上馬令軍中後出者斬一日一夜與虜  
相及擊大破之斬首獲生以千數彰乃倍嘗科大賜  
將士將士無不喜悅時鮮卑大人軻北能將數萬騎  
觀望強弱見彰力戰所向皆破乃請服北方悉平大  
祖嘗在漢中而劉備栖於山頭使劉封下挑戰太祖  
罵曰賣履舍兒長使假子拒汝公平待呼我黃鬚來  
令擊之乃召彰彰晨夜進道西到長安而太祖以還  
從漢中而歸彰鬚黃故以呼之

靈壽亭侯真嘗獵爲虎所逐顧射之應聲而倒太祖  
壯其驚勇使將虎騎討靈丘賊拔之封靈壽亭侯  
晉長沙厲王又武帝第六子開朗果斷才力過人  
吳昭義中郎將靜字幼臺堅之季弟堅始興事靜糾  
合鄉曲及宗室五六百人以爲保障衆咸附焉策破  
劉繇定諸縣進功會稽遣人請靜靜將家屬與策會  
于錢塘  
丞相大將軍都督中外諸軍事峻靜之曾孫也少便  
弓馬精果膽決  
偏將軍領丹陽太守翊大帝弟也驍悍果烈有兄策



風

南齊豫章文獻王嶷太祖第二子有大才之量當桂陽王範之役太祖出垣新亭壘拔嶷爲寧朔將軍領兵衛從範率士卒攻壘南嶷執白幡督戰屢摧却之及太祖在領軍府嶷居青溪宅蒼梧王夜中微行欲掩襲宅內嶷左右儻刀戟於中庭蒼梧從墻間窺見以爲有備乃去

長沙威王晃太祖第四子也少有武力爲太祖所愛昇明二年代兄映爲寧朔將軍淮南宣城二郡太守初沈攸之事起晃便弓馬多從武客煙赫都街時人爲之語曰煥煥蕭四繖世祖嘗幸鍾山晃從駕以馬稍刺道邊祐藥士令左右數人引之銀纏皆卷聚而稍不出乃令晃復馳馬拔之應手便去舟遠州獻駿馬帝輒令晃於華林中調試之

魚復侯子響勇力絕人彎弓四斛力數在園池中帖騎馳走竹樹下身無虧傷

曲江公遙欣爲左將軍荊州刺史好勇聚畜武士以爲刑援

梁西昌侯藻武帝長兄懿之子天監初出爲持節都督益寧三州諸軍事冠軍將軍益州刺史時天下草



劄邊徼未安州民軍焦僧護聚數千據郢樊作亂藻  
年未寇集僚佐議欲自擊之或陳不可藻大怒斬于  
階側乃乘平肩輿巡行賊壘賊聚弓亂射矢下如雨  
從者舉楯禦箭又命除之繇是人心大安賊乃夜遁  
藻命騎追之斬首數千級遂平之進號信威將軍  
豫章王綜武帝第二子也有勇力手制奔馬

廬陵王續武帝第五子也少英果膂力絕人馳射游  
獵應發命中帝嘗嘆曰此我之任城也嘗與臨賀王  
正德及胡貴通趙伯超等馳射帝大悅

永安侯確邵陵王綸之次子也少驍勇有文才嘗在  
第中習騎射學兵法時人皆以爲狂左右或以進諫  
確曰聽吾爲國家破賊使汝知之除秘書丞太子中  
舍人鍾山之役確苦戰所向披靡郡虜憚之確每臨  
陣對敵意氣詳贍帶甲據鞍自朝及夕馳驟徃反不  
以爲勞諸將服其壯勇

河東王譽昭明太子之第二子也爲湘州刺史幼而  
驍勇兼有膽氣能撫循士卒甚得衆心及被圍旣久  
雖內外斷絕而備守猶固

綏建王太擘簡文之子也幼雄壯有膽氣及京城陷  
乃嘆曰大丈夫會當滅虜屬妳娼驚掩其口曰勿妄



言禍將及大摯笑曰禍至此非繇此言

後魏西河公敦平文帝曾孫道武初從征名居諸將後征中山所向無前

扶風公處真烈帝之後也少以壯烈聞位殿中尚書吐京胡曹僕渾等叛招引朔方胡爲援處真與高涼王那等討滅之

秦明王翰昭成帝次子少有高氣年十五便請征伐昭成壯之使領騎二千長統兵號令嚴明多有尅捷翰子衛王儀少能舞劍騎射絕人道武奉駕蘭部侍從出入登國初從破諸部有戰功儀膂力過人弓力將十石陳留公稍大稱異時人云衛王弓桓王稍太武之初育也道武喜夜召儀入曰卿聞夜喚乃不怪懼乎儀曰怪則有之懼實無也

儀弟陰平王烈剛武有智畧元紹之逆百僚莫敢有聲唯烈行出外詐附紹募執明元紹信之自延秋門出遂迎立明元

烈帝觚勇烈有膽氣少與兄儀從道武侍衛左右使於慕容垂垂末年政在羣下遂止觚以求賂道武絕之觚率左右馳還

衛王孫禎膽氣過人太武時從征蠕蠕忽遇賊別部



多少不敵禎乃就山解鞍被馬以示有伏賊果疑而避之

嘗山王遵昭成帝孫少而壯勇不拘小節道武初有佐命勲賜爵畧陽公慕容寶之敗也別率騎七百邀其歸雖蹙是有參合之捷

陳留王虔昭成帝孫也姿貌魁偉武力絕倫每以嘗稍細短大作之猶患其輕復綴鈴於及下其弓力倍加嘗人以其殊異於世代京武軍嘗在而志之虔嘗臨陣以稍刺人遂貫而高舉又嘗以一手頓稍於地馳馬僞退敵人爭取引不能出虔引弓射之一箭殺

二三人搥稍之徒亡魂而散徐乃令人取稍而去每從征討嘗先登陷陣勇寇當時敵無衆寡莫抗其前者

河陽王曜道武子武藝絕人與陽平王熙等並督諸軍講武衆服其勇

陽平王他道武帝孫性謹厚武藝絕人從大武討胡白龍於河西屠其城別除餘黨斬首千級

安康縣伯均長子忻之性麤武有氣力釋褐定州平北府中兵參軍

長壽子鸞以武藝著稱類爲北都大將



嘗山王素子可悉陵年十七從大武獵遇一猛獸陵遂空手搏之以獻帝曰汝才力絕人當爲國立功立事勿如此也卽拜內行阿干又從平涼州沮渠茂處令一驍將與陵相擊兩槩皆折陵抽箭射之墜馬陵恐其救至未及拔劍以力屢其頸使身首異處帝壯之卽日拜都幢將

永昌王健明元帝次子姿貌魁壯大武襲蠕蠕越涿邪山詔健殿後矢不虛發所中皆應弦而斃威震漠北健子仁亦驍勇有父風太武奇之

魏興王融字叔融貌甚短陋驍武過人莊帝謀殺爾朱榮以融爲直閣將軍

任城王澄子嵩爲左中郎將從孝文南伐齊將陳顯達率衆拒戰嵩身備三伏免冒直前將士從之顯達潰斬獲萬計嵩於爾日勇寇三軍

華山王鷲字孔雀文皇帝之後容貌魁壯腰帶十圍有武藝木訥少言

北齊清河王岳神武從父弟初神武與四胡戰於韓陵神武將中軍高昂將左軍岳將右軍中軍敗績賊乘之岳衆麾大呼橫衝賊陣高祖方得迴師表裏擊因大破賊



上黨剛肅王渙神武第七子天姿雄傑倣儻不羣雖在童幼嘗以將畧自許神武壯而愛之日此兒似我及長力能扛鼎材武絕倫元象中封平原郡公文襄之遇賊渙年尚幼在西學聞宮中譴驚日大兄必遭難矣彎弓而出

蘭陵武王長恭一名孝確文襄第四子累遷并州刺史突厥入晉陽長恭盡力擊之芒山之敗長恭爲中軍率騎五百再入周軍遂至金墉之下被圍甚急城上人弗識長恭免胄示之面乃下弩手殺之於是大捷武士共歌謠之爲蘭陵王入陣曲是也後爲太尉與段韶討栢谷又攻定陽韶病長恭總其衆前後以戰別封鉅鹿長樂樂平高陽等郡公芒山之捷後主謂長恭曰入陣大深失利悔無所及對日家事親切不覺其遂然帝嫌其稱家事遂忌之

安德王延宗文襄第五子以平陽之役後主自禦之命延宗率右軍先戰城下擒周開府宗挺及大戰延宗以麾下再入周莫不披靡諸軍敗延宗猶全軍延宗容貌充壯坐則仰偃則伏人笑之乃赫然奮發氣力絕異馳騁行陣勁挺若飛後禦周齊王於城北奮大稍往來督戰所向無前



後周東平公神舉文帝族子膂力絕人彎弓數百斤能左右馳射

莒莊公維生少任俠尚武藝及壯有大度好施愛士北州賢俊皆與之遊而才能多出其下葛榮破鮮于仲禮乃以維生爲漁陽王頌德皇帝餘衆時人呼爲維王善撫將士帳下多驍勇至於陣戰莫有當鋒者是以尅獲常寇諸軍爾朱榮定山東收諸豪傑遷晉陽維生時在虜中榮雅聞其名心憚之爲榮所害章武公遵少雄豪大祖愛之及入關遵嘗從征伐大祖討侯莫陳悅以遵爲都督鎮原州及悅走故塞遵追斬之

杞簡公連臨敵果毅隨德皇帝追賊定州戰歿

齊王憲太祖第五子也武帝保定中憲爲雍州牧及晉國公護東伐尉遲迥爲前鋒圍維陽憲爲達奚武王雄等軍於邛山自餘諸軍各分守險要齊兵數萬人奄出軍後諸軍震駭並迥退散唯憲與雄等率衆拒之而雄爲齊人所敗三軍震懼憲親自督勵衆心乃安建德五年大舉東伐憲爲前鋒憲度汾而西及帝於王壁帝又令憲率兵六萬還援晉州憲遂進軍營於陳水齊主攻圍晉州晝夜不息間諜還者或云



已陷憲乃遣柱國越王盛大將軍尉遲迥開府宇文  
神舉等輕騎一萬夜至晉州憲進據蒙坑爲其後援  
知城未陷乃歸涑水尋而高祖東轅次於高顯憲率  
所部先向晉州明日諸軍總集稍逼城下齊人亦大  
出兵陣於營南帝召憲馳往觀之憲返命曰易與耳  
請破而後食帝悅曰如汝所言吾無憂矣內史柳昂  
私謂憲曰賊亦不少王安得輕之憲曰憲受委前鋒  
情兼家國掃此逋寇事等摧拓商周之事公所知也  
賊雖衆其如我何旣而諸軍俱進應時大潰其後齊  
主遁走憲輕騎追之旣及永安高祖續至齊人收其  
餘衆後據高壁及維女柴高祖命憲攻維女破之明  
日與大軍會於介休時齊王遂奔鄴留其從兄安德  
王延據并州延宗因僭僞號帝圍其城憲攻其西面  
克之擒延宗以功封第二子質爲河間王拜第三子

寘

一作  
貞

爲大將軍仍詔憲先驅趣鄴

汝南郡公慶衛王直鎮山南引爲左右慶善射有膽  
氣好格猛獸直甚壯之後從武帝攻河陰先登攀堞  
與賊短兵相接中石乃墜死而後蘇帝勞之曰卿勇  
可以賈人也復從武帝拔晉州齊兵大至慶與齊王  
憲輕騎覘卒爲賊所窘憲挺身而前慶退據汾橋衆



賊爭進慶射之所中人馬必倒賊乃稍却及拔高壁  
尅并州下信都禽高階功並居最

隋蜀王秀高祖子有膽氣多武勇甚爲朝士所憚

唐淮陽王道玄高祖從父兄子也武德初從太宗擊  
宋金剛於介州先登陷陣時年十五太宗壯之賞物  
千段後討王世充頻戰皆捷寶建德至武牢太宗以  
輕騎誘賊令道玄率伏兵於道左會賊至追擊破之  
又從太宗轉戰於汜水麾戈陷陣直至出衆披靡後  
衝突而歸太宗大悅命副乘以給道玄又從太宗赴  
賊再入再出飛矢亂下箭如蝟毛猛氣益厲射人無

不應弦而倒東都平拜羅州總管後爲劉黑闥所擒

太宗嘗從容謂侍臣曰道玄終始從朕見朕深入賊陣所

向必尅意嘗企慕所以每陣先登蓋學朕也惜其年

少不遂遠圖因爲之流涕贈左驍衛大將軍謚曰壯

江夏王道宗道玄從父弟也武德初從太宗平竇建

德破王世充屢有殊效五年授靈州總管梁師都據

夏州遣弟維兒引突厥兵數萬至於城下道宗閉門

拒守伺隙而戰賊徒大敗高祖聞而嘉之謂僕射裴

寂中書令蕭瑀曰道宗令能守邊以寡制衆昔魏任

城王彰臨戎却敵道宗勇敢有同於彼初突厥連於



梁師都其郁尉設八居五原舊地道宗遂出之振耀  
威武開拓疆界并地千餘里邊人悅服貞觀三年爲  
大同道行軍總管遇李靖襲破頡利可汗頡利以十  
餘騎來奔其部道宗引兵逼之徵其執送頡利以數  
騎夜奔區於荒谷沙鉢羅懼馳追獲之遣使送於京  
師吐谷渾寇邊詔右僕射李靖爲崑丘道行軍大總  
管道宗與吏部尚書侯君集爲之副賊聞兵至走入  
嶂山已行數千里諸將議欲息兵道宗固請追討李  
靖然之而君集不從道宗遂率邊師并行倍道去大  
軍十日追擊之賊據險苦戰道宗潛遣千餘騎踰山  
襲其後賊表裏受敵一時奔潰十四年大軍討高麗  
令道宗與李勣爲前鋒濟遼水尅盖牟城逢賊兵大  
至軍中僉欲深溝保險待太宗至徐進道宗曰不可  
賊赴急遠來兵實疲頓恃重輕我一戰必摧昔耿弇  
不以賊遺君父我旣職在前軍當須清道以待輿駕  
李勣然之乃與壯士數十騎直衝賊陣左右出入勦  
同合擊大破之太宗旣親封高麗初遣營州都督張  
儉統輕騎先渡遼觀賊形勢儉懼敵  
不敢深入道宗固請將百騎覘賊太宗許之因問往  
還幾日對曰往十日返十日周覽十日總經一月望  
謁陛下遂秣馬束兵僞歷險阻直發遼東城南山觀  
其地形險易安營置陣之所及還賊已引兵過長城  
斷其路道宗斬關而出如期謁見太宗嗟嘆  
日責育之勇何以過此賜金五十斤絹千匹



梁柳王友裕太祖之長子也氣貌雄傑幼即明敏嘗從征伐破黃巢於陳又破賊於寬旬後討蔡寇於潞水又戰於斤溝秦宗權來寇也領軍馬翼帝於府西板橋大勝之又從破張晷於封立南破鄆之范縣寨擒都將尹萬榮敗魏卒於黎陽臨河

後唐贈大保從璟明宗長子性忠勇沈厚摧堅陷陣人罕偕焉

晉韓王暉高祖從弟高祖初爲河東節度使張敬達之圍晉陽也高祖署暉爲突騎都將嘗引所部出敵之不意深入敵戰雖夷傷流血矢鏃貫骨而辭氣益厲高祖壯之

剛正

夫有託景宸極維翰帝室奮立剛毅克揚威望非天資挺特內韜忠亮臨事有守居正不撓又曷能申疾風勁草之節彰烈火真金之操啓發憤悱昭著茂烈者乎繇漢而還可以槩舉至有外屬彊熾怙寵干紀權臣跋扈放命肆害而能激昂正說折挫驕勢嫉邪蹈險執義不迴乃至恪守官次靡受私請修明職事弗畏強禦惡無禮於君側折諸短於言下賦性質重未嘗笑譁斯亦各秉志尚以樹英聲者耳



漢朱虛侯章齊王肥子也高后稱制立諸呂為三王  
擅權用事明年章入宿衛章年二十有氣力忿劉氏  
不得職嘗入侍宴飲高后令帝為酒吏章自請曰臣

將種也請得以車法行酒高后曰可酒酣章進歌舞

已而曰請為太后言耕田欲申諷論也高后見子畜之比

於笑曰顧乃父之田耳顧念也乃汝也汝父謂高帝也若生而為王

子安知田乎章曰臣知之太后曰試與我言田意章

曰深耕穡種立苗欲疏穡稠也穡種者言多生子孫也疏立者四散置之令為藩

也輔也非其種者鋤而去之以斥諸呂也太后默然頃之諸呂

有一人醉亡酒遺酒而過章追拔劍斬之而還報曰有亡

酒一人臣謹行軍法斬之太后左右大驚業已許其

軍法亡以罪也因罷酒自是後諸呂憚章雖大臣皆

依朱虛侯劉氏為疆

魏任城王彰初治鄆陵壻薄使治中牟及文帝受禪

因封為中牟王是後大駕幸許昌北州諸侯上下皆

畏彰之剛嚴每過中牟不敢不速

晉成都王穎為車騎將軍賈謐嘗與皇太子博爭道

穎在坐厲聲呵謐曰皇太子國之儲君賈謐何得無

禮謐懼繇此出穎為平北將軍鎮鄴

嗣譙王尚之為前將軍兄弟俱典兵後將軍元顯寵



倖張法順每宴會坐起無別尚之入朝正色謂元顯曰張法順駢走小人有何才異而暴被拔擢當今聖世不宜如此元顯默然尚之又曰宗室雖多規諫者少王者尚納芻蕘之言况下官與使君骨肉不遠蒙眷累世何可坐視得失而不盡言因叱法順令下舉坐失色尚之言笑自若元顯深啣之後符下西府令出勇力二千人尚之不與曰西藩濱接荒餘寇虜無嘗兵止數千不足戍衛無復可分徹若元顯尤怒嗣譙王恬爲御史中丞值海西廢簡文帝登祿未解嚴大司馬桓温屯中堂吹警角恬奏劾温大不敬請科罪温視奏嘆曰此兒乃敢彈我真可畏也恬忠直有幹局在朝憚之

東安王繇性剛毅有威望

後魏華山王鷲字孔雀爲大司馬侍中鷲木訥少言性方厚每息直省闈雖暑月不解衣冠曾於侍中高岳之席咸陽王坦恃力使酒衆皆下之坦謂鷲曰孔雀老武官何因得王鷲答曰斬反人元禧首是以得之衆皆失色鷲怡然如故禧坦之父也

艾陵伯萇性剛毅雖有吉慶未嘗開口而笑孝文遷都萇以代尹留鎮懷朔鎮大將因別賜萇酒雖拜飲



而顏色不泰帝曰聞公一生不笑今方隔山河當爲朕笑竟不能得

美陽公暉業爲特進中書監錄尚書事齊文襄執政嘗問之曰比何所披覽對曰所尋伊霍之傳不讀曹馬之書

建忠伯志字猛畧爲雒陽令不避彊禦與御史中尉李彪爭路俱入見面陳得失彪言御史中尉避承華蓋駐論道劔鼓安有雒陽縣令與臣抗衡志言神鄉縣主普天之下誰不編戶豈有俯同衆官趨避中尉孝文曰雒陽我之豐沛自分路楊鑣自今以後可分路而行及出與彪折尺量道各取其半帝謂邢巒曰此兒竟可所謂王孫公子不鏤自彫巒曰露竹霜條故多勁節非鸞則鳳其在本枝也

東平王字建扶性耿介有氣節宣武卽位累遷給事黃門侍郎時茹皓始有寵百僚微憚之帝曾於山陵還詔建扶陪乘又命皓登車皓褰裳將上建扶諫帝推之令下皓恨建扶失色當時壯其忠蹇後爲持度支尚書時宣武委政於高肇宗室傾憚唯建扶與肇抗衡先自造棺置於廳事意欲輿棺詣闕論肇罪惡自殺切諫肇聞而惡之



東河縣公順任城王澄之子起家爲給事中時尚書  
令高肇帝舅權重天下人士望塵拜伏順曾懷刺詣  
肇門門者以其年少答云在坐大有貴客不肯爲通  
順叱之曰任城王兒可是賤也及見直往登床捧手  
抗禮王公先達莫不怪愕而順辭吐傲然若無所覩  
肇謂衆賓曰此兒豪氣尚爾況其父乎及出肇加敬  
送及爲給事黃門侍郎時領軍元叉威刑尤盛凡有  
遷授莫不造門謝謁順拜表而已曾不詣叉叉謂順  
曰卿何清也 不見我順正色曰天子富於春秋委政  
宗輔叔父宜以至公爲心舉士報國如何賣恩責人  
私謝豈所望也至於朝論得失順嘗鯁言正議曾不  
阿旨繇此見憚出除平北將軍嘗州刺史順謂叉曰  
北鎮紛紜方爲國梗桑乾舊都根本所係請假都督  
爲國捍屏又疑難不欲授以兵官謂順曰此朝廷之  
事非我所裁順曰叔父旣握國柄殺生繇已自言天  
之曆數應在我躬何得復有朝廷也又彌忿憚之又  
旣解領軍順累遷侍中初中山王熙起兵討元叉不  
果而誅及靈太后反政乃得改葬順侍坐西遊園因  
奏太后曰臣昨往看中山家葬非惟宗親哀其寃酷  
行路士女見其一家七葬皆爲潛然莫不酸泣又妻



時在太后側順指之曰陛下柰何以一妹之故不伏元乂之罪使天下懷寃太后嘿然不語後營州城民就德興反使尚書盧同往討之大敗而返屬侍中穆紹與順侍坐因語同之罪同先有近宅借紹紹頗欲爲言順勃然曰盧同終將無罪太后曰何得如侍中之言順曰同有好宅與要勢侍中豈盧罪也紹慙不敢復言後徐紇間順於靈太后出順爲護國將軍太嘗卿順奉辭於西遊圍紇侍側順指謂靈太后曰此人衛之宰嚭魏國不滅終不死亡紇脅肩而出順遂抗聲叱之曰爾刀筆小人正堪爲杻案之吏寧應忝

執戟虧我彝倫遂振衣而起靈太后默而不言尋除吏部尚書兼右僕射與城陽王徽同日拜職舍人鄭儼於正車門外先謁徽後拜順順怒曰卿是佞人當拜佞王我是直人不受曲拜儼深懷謝順曰卿是高門子弟而爲北宮幸臣僕射李思冲尚與王維誌同傳以此度之卿亦應繼其卷下見者爲之震動而順安然自得時三公曹令史朱暉素事錄尚書高陽王雍雍欲以廷尉評類煩託順順不用爲雍遂不命用之順投之於地雍聞大怒昧爽坐都廳召尚書及丞郎畢集欲待順至於衆挫之順日高方至雍襪袂撫



几而言曰身天子之子天子之叔天子叔祖四海之內尊親莫二元順何人以身成命投棄於地順鬚髻俱張仰面看屋憤氣奔涌長歎而不言久之搥一白羽扇徐而謂雍曰高祖遷宅中土創定九流官方清濁軌儀萬古而朱暉小子身爲省吏何合爲廷尉清官殿下旣先皇同氣宜遵成旨自有短坦而復踰之也雍曰身爲丞相錄尚書如何不得用一人爲官曰庖人雖不治庖尸祝不得越樽俎而代之未聞有別旨令殿下參選事順又厲聲曰殿下必如是順當依事奏聞雍遂笑而言曰豈可以朱暉小人便相忿恨

遂起呼順入室與之極飲順之容貌不撓皆此類也北齊趙郡王叡累拜大尉監與馮翊王潤安德王延宗及元文遙奏後主云和士開不宜仍居內任并入奏太后因出土開爲兗州刺史太后曰士開舊經駟使欲留過百日叡正色不許數日之內太后數以爲言有中官要人知太后密旨謂叡曰太后意旣如此殿下何宜苦違叡曰吾國家事重死且不避若貪生苟全令國家擾攘非吾志也况受先皇遺旨委寄不輕今嗣主幼冲豈可使邪臣妄側不守之以正何面戴天遂重進言詞理懇切太后令酌酒賜叡叡正色



曰今論國家大事非爲卮酒言訖便出及明日入朝  
妻子咸諫止之獻曰自古忠臣皆不顧身今社稷事  
重吾當以死効之豈容令一婦人傾危宗廟且和士  
開何物豎子如此縱橫吾寧死事先皇不忍見朝廷  
顛沛至殿門又有人曰願陛下勿入慮有危變獻曰  
吾上不負天死亦何恨入見太后太后復以爲言獻  
執之彌固出至永巷遇兵被執送華林園於雀離佛  
院令劉桃枝拉而殺之

安樂王勣性剛直有才幹甚爲時人所重斛律明月  
雅敬之每有征伐則引之爲副遷侍中尚書右僕射  
及後主爲周師所敗勣奉太后歸鄴時宦官放縱儀  
同荀子溢尤稱寵幸勣將斬之以徇太后救之乃釋  
劉文殊竊謂勣曰子溢之徒言成禍福何得如此勣  
攘袂曰今者西寇日侵朝貴多叛繇此輩弄權致使  
衣冠解體若得今日殺之明日受誅無所恨也文殊  
甚愧

唐惠文太子範睿宗子玄宗時王毛仲等本起微賤  
皆崇貴傾於朝廷諸王每相見假立引待獨範見之  
色莊

嗣吳王囁貞元中爲宗正卿性介直每與人言論好



面折其短

册府元龜卷二百七十二

册府元龜卷二百七十二

巡按福建監察御史臣李嗣京 訂正

新建縣舉人臣戴國士參閱

知建陽縣事臣黃國琦較釋

宗室部 十一

令德

夫體自帝室齒於宗戚處有惇叙之美出有蕃維之重自非挺信厚之質流愷悌之譽則何以焜耀民望表儀公族哉麟趾以來封建尤盛乃有粹和中積淑美兼著事神撫人而咸悅守法奉上而匪懈樹善以



濟物推誠而待下勞謙不伐純儉無驕體仁好施居簡多恕行已以周慎處事以方正寬厚以容眾賢明而通理是皆宗室之英本枝之秀足以隆王國之垣屏藹策書之徽譽者已蓋夫立愛親親雖古之義又曷嘗不建賢尚德以成固本之義歟

周公旦者多才多藝能事鬼神

衛康叔封冉季載周公母弟也皆有馴行於是周公舉康叔為周司寇冉季為周司空以佐成王治皆有令名於天下

蔡侯胡叔度之子也度既遷而死胡乃改行率德馴

善周公聞之而舉胡以為魯卿士魯國治

漢陽城侯德楚元王曾孫地節中以親親行謹厚封

為陽城侯子安民為郎中右曹宗家以德得官宿衛

者二十餘人德寬厚好施生言好施恩惠於人而全之每行京

兆尹事多所平反罪人反音憤番罪人辭使從輕也家產過百萬

則以振昆弟賓客飲食曰富民之怨也宗正向初以

行脩飭擢為諫大夫

淮南王安厲王之子為人好書鼓琴不喜弋獵狗馬

馳騁亦欲行陰德拊循百姓流名譽

河間獻王德修學好古及薨中尉嘗麗以聞曰王身



端行治温仁恭儉篤敬愛下明知深察惠於鰥寡大  
行令奏謚法曰聰明睿智曰獻宜謚曰獻

楚孝王囂成帝河平中入朝時被疾天子問之下詔  
曰盖聞天地之性人爲貴人之行莫大於孝楚王囂  
素行孝順仁慈之國以來二十餘年纖介之過未嘗  
聞朕甚嘉之

後漢城陽恭王祉行淳厚宗室皆敬之

宜春侯正爲人謙遜

東海頃王肅恭王彊之子性謙儉循恭王法度肅子  
孝王臻性敦厚有恩和睦兄弟恤養孤弱至孝純備

仁義兼著

楚思王孫般宣帝之玄孫也初宣帝封子囂於楚是  
爲孝王孝王生思王衍衍生王紆紆生般般自囂至般  
積累仁義世有名節而紆尤慈篤般子愷愷子茂皆  
以禮讓至三公也

沛王輔光武之子矜嚴有法度在國謹節終始如一  
稱爲賢王明帝愛重數加賞賜

琅邪孝王京光武之子京性恭孝好經學明帝尤愛  
幸賞賜恩寵殊厚莫與爲比

東平王蒼光武之子永平十一年蒼朝京師月餘還



國明帝遣使手詔國中傳曰日者問東平王處家何等最樂王言爲善最樂其言甚大副是腰腹矣著腰帶八

圍故明帝言之

彭城王恭敦厚威重舉動有節度吏人愛敬之恭子孝王和敬賢樂施國中愛之

魏鄧哀王冲幼才敏太祖尤愛之冲每見當刑者輒探覩其冤枉之情而微理之及勤勞之吏以過誤觸罪嘗爲太祖陳說宜寬宥之辯察仁愛與性俱生

吳丹徒侯桓字叔武堅族子河之子器懷聰朗大帝嘗稱爲宗室顏淵

都鄉侯松丹楊太守翊之子善與人交輕財好施鎮巴丘數咨陸遜以得失嘗有小過遜面責松松意色不平遜覩其少釋謂曰君過聽不以其鄙數見訪及是以承來意進盡言便變色何也松笑曰屬亦自忿行事有此豈有望也

假節開府慮大帝子也性聰體達所向日新以皇子之尊富於春秋遠近嫌其不能留意及至臨事遵奉法度延納師友過於衆望

晉安平王孚宣帝次弟也孚温厚謙遜性通恕以貞白自立未嘗有怨於人武帝元會詔孚乘輿車上殿



帝於阼階迎拜既坐帝親奉觴上壽如家人禮帝每拜孚跪而止之又給以雲車輦青蓋車孚雖見尊寵不以爲榮嘗有憂色

高密王泰性廉靜不近聲色事親恭謹居喪哀戚謙虛下物爲宗室儀表當時諸王惟泰及下邳王晃以以節制見稱雖並不能振施其餘莫能比焉

孝王畧泰之子也孝敬慈順小心下士少有父風東海獻王越畧之子也少有令名謙虛持布衣之操爲中外所宗

琅邪王伷宣帝拜大將軍門府儀同三司既戚屬尊重加有平吳之功克己恭儉無矜滿之色寮吏盡力百姓懷化

扶風王駿清貞守道宗室之中最爲俊望

齊獻王攸字大獻少而岐嶷及長清和平允親賢好施才望出武帝之右宣帝舟器之武帝時攸雖未之國文武官屬下至士卒分租賦以給之疾病死喪賜與之而時有水旱國內百姓則加振貸須豐年乃責十減其二國內賴之及爲驃騎將軍時驃騎當能營兵兵士數千人戀攸恩德不肯去遮京兆主言之帝乃還攸兵攸以禮自拘鮮有過事就人借書必手刊



其謬然後反之雖武帝亦憚之每引之同處必擇言而後發

長沙王又開朗果斷虚心下士甚有名譽嘆顓可爲諸國儀表

河間王顓少有清名輕財愛士與諸王俱來朝武帝會稽文孝王道子少以清澹爲謝安所稱

下邳王晃孝友廉貞謙虛下士甚得宗室之稱

譙王承爲東海太守有犯夜者爲吏所拘承問其故答曰從師受書不覺日暮承曰鞭撻甯越以立威名非政化之本使吏送令歸家其從容寬恕如此又小

史有盜池中魚者綱紀推之承曰文王之囿與衆共之池魚復何足惜耶

宋長沙王道憐子義宗愛士樂施兼好文籍世以此稱之義宗子秉泰始中累遷吏部尚書時宗室雖多才能甚寡秉少自砥束甚得朝野之譽爲太宗所委臨川王義慶性謙虛簡素寡嗜欲受任歷藩無浮淫之過

建平王寵少而開素篤學文籍爲人謙儉周慎明曉政事

南齊豫章王嶷性汎愛不樂聞人過失左右有投書



相告置鞞中竟不視取火焚之齊庫失燒荊州還資  
評直三千餘萬主局各杖數十武帝遣焜拜陵還過  
延陵季子廟觀沸井有水牛突部伍值兵執牛推問  
不許取絹一匹橫擊牛角放歸其家爲存寬厚故得  
朝野歡心及薨群吏中南陽樂藹彭城劉繪吳郡張  
稷最被親禮藹與竟陵王子良牋曰道德以可久傳  
聲風流以浸遠標稱雖復青簡縮芳未若玉石之不  
朽飛翰圖藻豈伊雕篆之無洙丞相冲粹表於天真  
淵照殆乎幾象經邦緯民之範體國成務之規故以  
業茂惟賢策功惟哲神輝眇邈睿筭不遺感纏奉車

恨百僚滯下官夙稟名節懷恩軫慕望隧結哀輟欲  
率荆江湘三州僚吏建碑壘首庶徽猶有述茂則方  
存昔子香淳德留銘江介鉅平遺烈墜淚漢南况道  
尊前往惠積聯縣者哉下官今使及假無繇躬事刊  
斷須至西州鳩集所資託中書侍郎劉繪營辦藹又  
與右率沈約書曰夫道宣餘烈竹帛有時先朽德孚  
遺事金石更非後亡丞相獨秀生民旁照日月標勝  
丘園素履穆於忠義譽應華袞功迹著於弼諧無得  
而稱理絕昭載若夫日用闕寂雖無取於錙銖歲功  
宏達諒有寄於衡石竊承貴州士民或建碑表俾我



荆南閱感無地且作紀江漢道基分陝衣冠禮樂咸  
被後昆若其望碑盡禮我州之舊俗傾壘罷肆鄙士  
之遺風庶幾弘烈或不氓墜荆江湖三州策名不少  
並欲各率毫釐少申景慕斯文之託歷選惟疑必待  
文蔚辭宗德僉茂履非高明而誰豈能騁無愧之辭  
訓式瞻之望吾西州窮士一介寂寥恩周營譽澤遍  
衣食永惟道蔭日月就遠緬尋遺烈觸目推心嘗謂  
福齊南生慶種仁壽吾儕小人賄璧惟蓋豈圖一旦  
遂投此請約答曰丞相風道弘曠獨秀生民凝猷盛  
烈方範伊旦懃遺之感朝野同悲承當刊石紀功傳  
華千載宜頌盛述實允來談郭有道漢末之匹夫非  
蔡伯喈不足以偶三絕謝安石素族之台輔時有麗  
藻迄乃有碑無表文獻王冠冕彝倫儀刑寓內自非  
一世辭宗難或與此約乃閭門鄙人名不入第歛酬  
令旨便是以禮許人聞命懃顏已不覺汗之沾背也  
建武中第二子子恪託約及太子詹事孔穉珪爲文  
臨川王映爲揚州刺史國家初創映以少年臨神州  
吏治聰敏府州曹局皆重足以奉禁令自宋彭城王  
義康以後未之有也武帝嘗問映居家何事映曰正  
使劉獻講禮顧越講易朱廣之講莊老臣與一二請



彥兄弟友生時復擊贊以此爲樂帝大賞之他日謂豫章王嶷曰臨川爲善遂至於斯嶷曰此大司馬公之次第安不爾帝仍以玉如意指嶷曰未若皇帝之次第爲善最多也嶷常戒諸子曰凡富貴少不驕奢以約失之者鮮矣漢世以來侯王子弟以驕恣之故大者滅身喪族小者削奪邑地可不戒哉映應接賓客風韻韶靡及薨朝野莫不惋惜焉

鄱陽王麟和悌美令有寵於武帝在官理事無壅官時稱之

始興王鑑爲益州刺史不重華飾器服清素有高士風與紀室參軍蔡仲熊能登張儀樓商畧先言徃行及士人物鑑言辭和辨仲熊應對無滯當時以爲盛事

南平王銳爲左民尚書朝直勤謹未嘗屬疾上嘉之十年出爲持節都督湘州諸軍事以賞銳

江夏王鑑清悟有學行爲南豫州刺史都督二州軍事雖未經庶政而雅得人心及鎮始孰於時人發櫃溫女冢得金巾箱織金葦爲之嚴器又有金蠶銀繭等物甚多條以啓聞鬱林勅以物賜之鑑曰今取往物後取今物如循環豈可孰念使長吏蔡經約自往



修復纖毫不犯永明中制諸王年未三十不得畜妾及武帝晏駕後有勸取左右者鑑曰在內不無使役既先遺旨何忍而違

竟陵王子良少有清尚京邑大水吳興偏劇子良開倉賑救貧病不能立者第北立解收養給衣及藥子良每勸人善未嘗厭倦以此終致盛名子良薨故吏范雲上表爲子良立碑事不行

南豐縣伯赤斧大祖從祖弟也歷官爲奉朝請以和謹爲太祖所知

南康王子通理性慷慨慕立功名每讀書見忠臣烈士未嘗不廢卷曰一生之內當無愧古人

梁文宣侯尚之敦厚有德器仕齊爲司徒建安王中兵叅軍一府稱爲長者琅邪王僧虔尤善之每事多與議決至天監初追謚文宣侯

吳平侯景才辨識斷益政佐時蓋宗室令望景子勵弱不好弄喜愠不形於色性率儉而器度寬裕左右嘗將羨正曾萌翻之顏色不異徐呼更衣

長沙元王弟藻性謙退不求聞達善屬文詞尤好古體自非公讌未嘗妄有所爲縱有小文成輒棄本類蒞數鎮民吏稱之推善下人嘗如弗及性恬靜獨處



一室床有膝痕宗室衣冠莫不楷則嘗以爵祿太過  
毋思屏退門庭開寂賓客罕通太宗尤敬愛之  
桂陽王象容止關雅簡於交遊位丹陽尹始親庶政  
舉無失德朝廷稱之

臨川靖惠王宏性寬和篤厚在州二十餘年未嘗以  
吏事接郡縣世稱其長者

安成王秀性方靜雖左右近侍非正衣冠弗之見繇  
是親友及家人咸敬焉秀爲平南將軍江州刺史將  
發王者取堅船以爲齋舫秀曰吾豈愛財而不愛士  
教所繇以宰者給參佐下者載齋物旣而遭風齋舫

遂破秀有容觀奇在朝百寮目爲仁恕喜愠不形於  
色左右嘗以石擲殺所養鵠齋師請案其罪秀曰吾  
豈以鳥傷人在京師且臨公事厨人進食誤而覆之  
去而登車竟朝不飯亦弗之誚也秀與高祖布衣昆  
弟及爲君臣小心畏敬過於疎賤者高祖益以此賢  
之及薨故佐吏夏侯直等表立墓碑詔許焉當時高  
才遊王門者東海王僧孺吳郡陸倕彭城劉孝標河  
東裴子野各製其文古未之有也

南平元襄王偉性多恩惠尤愍窮乏常遣腹心左右  
歷訪里閭人士貧困吉凶不舉者卽遣贍卹太厚王



曼穎亡家貧無以殯友人江革往哭之其妻兒對革號訴革曰建安王當知必爲營理言未訖偉使至給其喪事得周濟焉每祁寒積雪則遣人載樵米隨之絕者卽賦給之

鄱陽忠烈王恢通恕輕財好施凡歷四州所得俸祿隨而散之恢子範温和有氣識爲衛尉卿每夜自巡警武帝喜其勞苦

邵陵王綸武帝第六子輕財愛士不競人利府無儲積聞有輒求旣得卽散士亦以此歸之  
武陵王紀少而寬和喜怒不形於色

後梁安平王巖性仁厚善於撫接歷侍中荊州刺史尚書令

東平王岌性敦和而好學

義興王嶽幼有令德能屬文時爲明帝所愛

陳始興郡王伯茂性聰敏好學謙恭

鄱陽王伯山舉止閑雅喜愠不形於色

永陽王伯智少敦厚有器局

尋陽王叔儼性凝重舉止方正

後魏華山王鸞有武藝木訥少言性方厚每息直省聞雖暑月不解衣冠



松滋侯子華爲齊州刺史在官不爲矯察之行  
陽平王熙聰達有雅操爲宗屬所欽重

樂平王丕少有才幹爲世所稱明元愛其器度特優  
異之

東安王範爲長安鎮都大將謙恭惠下雅心撫納百  
姓稱之

東平王翰大武之子初封秦王拜侍中中軍大將參  
軍典都曹事忠貞雅正百僚憚之

淮陵王大頭性謹密文成甚重之  
嘗山王素宗屬之懿而年老文成每引入訪以政事

固辭疾歸第雅性方正居官五十載終始若一時論  
賢之

武昌悼王鑒沈重少言寬和好士  
京兆王繼寬和容裕號爲長者

繼子羅字仲綱爲散騎嘗侍雖父兄貴盛而虛已謙  
退恂恂接物

彭城王勰姿性不羣小心謹慎初無過失雖間居宴  
處亦無慢色情容愛敬儒彥傾心禮待清正儉素門  
無私謁性仁孝咸陽王禧謀反被害後諸子每乏衣  
食唯勰歲中再三賑給之



清河王懌寬仁容裕喜怒不形于色

河間公子蘭以忠謹見寵孝文初賜爵建陽子

京兆王孫棕寬和有度量美容貌風望儼然得喪之間不見於色性清儉不營產業身死之日家無餘財

趙郡王弟譚性頗強立少爲宗室所推敬

高陽王雍子叡輕忽榮利愛翫琴書起家拜通直散騎侍郎

廣陽簡王建子嘉少沈敏喜愠不形於色

任城王澄子順宣武帝時四方無事國富民康豪貴子弟率以朋遊爲樂而順篤志愛古性譽譔淡於利

北齊平陽靖翼王淹性沈謹以寬厚稱

齊安王廓字仁弘性長者無過行

趙郡王琛除使持節督定州刺史推誠撫納拔用士人甚有聲譽

北平王貞沈審寬恕武成曰此兒得我鳳毛

清河王岳長而敦直沈深有器量

蘭陵王長恭嘗入朝而僕從盡散唯有一人長恭獨還無所譴罰

後周邵公導顥第二子也導爲大將軍性寬明善撫御凡所引接人皆盡誠臨事敬慎嘗若不及太祖每



出征討導常居守深爲吏人所附朝廷亦以此重之  
國公廣文帝曾姪孫時晉公諸子及杞公亮等服  
後靡踰越制度廣獨率繇禮則朝野稱焉

虞國公仲德子興性弘厚有志度雖流離世故而風  
範可觀

廣川公測性仁恕好施在雒陽之日曾被竊盜所失  
物卽其妻陽平主之衣服也州縣禽盜并物俱獲測  
恐此盜坐之以死不認焉遂遇赦免盜旣感恩請爲  
測左右及測從孝武西遷事極狼狽盜人亦從測入  
關竟無異志測弟深少喪父事兄甚謹從弟神譽神

慶幼孤深撫訓之義均同氣世亦以此稱焉

東平公神舉莅職當官每著聲績兼好施愛士以雄  
豪自居故得任兼文武聲彰內外百僚無不仰其風  
則先輩舊齒至於今稱之

隋穆王瓚世有令名於當世時人號曰楊三郎  
衛昭王爽有器局所治甚有聲

右衛將軍處綱高祖族父爲性質直在官宏濟亦爲  
當時所稱

秦孝王俊伐陳之役以爲山南道行軍元帥督三千  
總管水陸十餘萬屯漢口爲上流節度陳將周羅侯



荀法尚等以勁兵數萬屯鸚鵡洲總管崔弘度請擊之倭慮殺傷不許羅侯亦相率而降於是遣使奉章詣闕垂泣謂使者曰謬當推轂竟無尺寸之功比多慙耳上聞而喜之

上開府達爲人弘厚有局度楊素每言曰有君子之貌兼君子之心者唯楊達耳

唐江夏王道宗敬慕賢士不以地勢凌人宗室中唯道宗及河間王孝恭昆季最爲當代所重

淮陽王道玄性謹厚好學多武藝進止閑雅廬江王瑗頗尚儒雅爲公子而勵布衣之操

河間王孝恭少沈敏有識量性寬厚以仁孝見稱大宗甚親顧之諸宗室中莫與爲比然宗退讓無矜伐驕貴之色

韓王元嘉閨門修整有類寒素士大夫其脩身潔已內外如一諸王莫能及者唯霍王元軌抑其次焉元嘉子譔少以才行見知諸王子之中與琅邪王冲爲一時之秀凡所交結皆當代名流

霍王元軌謙慎自守與物無忤爲人不妄接士在徐州唯與處士劉玄平爲布衣之交或問玄平王之所長玄平曰無長問者恠而復之玄平曰夫人有短所



以見其長至於霍王無所不備吾何以稱之哉嘗使  
 國令徵封令曰請依諸國賦物貨易取利元軌曰汝  
 為國令當正吾失乃說吾以利邪拒而不納元軌初  
 封吳王太宗嘗問郡臣曰朕子弟孰賢侍中魏徵對  
 曰臣愚闇不盡知其能唯吳王數與臣言未嘗不自  
 失太宗曰朕亦器之卿以為前代誰比徵曰經學大  
 雅亦漢之間平也繇是寵遇彌厚因令娶徵女焉  
 同安郡王珣脩身淳謹不自矜貴閨門之內默如也  
 信安郡王禕居家嚴整善訓諸子皆有令名禕子恒  
 以門蔭早仕質性簡淡好古慕善在宗室中推為循

良

榮王琬素有雅稱風俗秀整祿山反以琬為元師數  
 日薨于時士庶與琬有所成功既殂謝遠近咸失望  
 焉

嗣吳王嶽為宗正卿恤孤遺甥姪友愛過人深為士  
 大夫之有禮教者稱慕

平王道立曾孫涵簡素恭慎有名宗室官至右僕射  
 鄭王魯孫勉為太子太師真率素淡好古尚奇清廉  
 簡易為宗臣之表勉二子纘納皆廉介有節

後唐武皇季弟克寧凡征行無不衛從於昆仲之間



最推仁孝小心恭謹武皇尤友愛之

晉楚王重信歷事後唐明宗及閔帝末帝不恃貴戚能克己復禮嘗恂恂如也甚爲時論所稱

韓王暉爲曹州防禦使廉愛卹下不營財利不好妓樂部人安之

漢魏王承訓少弘厚美姿儀從帝在藩邸輯睦宗親接下僚友有士君子之風高祖器之每遣從帝主帳下親軍軍中有便宜事則馳以入奏奏必稱旨屢有恩錫嘗嘆曰此諸侯賢子弟也少帝時累官至簡轂司空及義旗南向贊開創之業人皆服其規畧車駕

入汴命爲赤尹尹正之務委親決之每因問安事其利於國者必具以聞帝帝嘉而納之及杜重威叛換帝幸鄴以爲東都留守俾之監撫內外咸畏而愛之及薨帝左右公卿大夫聞之者無不流涕

卷末

冊府元龜

冊府元龜 宗室部

卷之三百七十二

十八



冊府元龜卷第二百七十三

巡按福建監察御史臣李嗣京 訂正

知閩縣事 臣曹鼎臣 參閱

知建陽縣事 臣黃國琦 較釋

宗室部 一十二

智識

智者心之符天下之達德也大則周物而不遺小則見事於未兆折獄辯惑存乎明識而振振公族源深憑厚天姿英異不亦多乎繇漢已來可得而舉或神



鋒昭朗智慮淵妙奇謀先見越出世類至於封章奏  
議練達治體者左右應對膈合事機決政務而撥其  
煩閱簿領而糾其繆權宜以救急精辨而垂裕逮夫  
明哲保身卷舒繇道觸類而長其流寔潔非夫天下  
之至精又孰能與於此也已

漢陽城侯德有智畧少時數言事召見其泉宮武帝  
謂之千里駒

言若駒馬可致千里也  
年齒幼少故謂之駒

後漢北海靖王興為人有明畧為弘農太守明帝器  
重興每有異政輒乘驛問焉

興子敬王睦少好學博通書傳中興初禁網尚濶而

睦性謙恭好士千里交結自名儒宿德莫不造門

是聲價益廣永平中法憲頗峻睦乃謝絕賓客放心

音樂然性好讀書嘗為愛翫歲終遣中大夫奉璧朝

賀

中大夫王國官也大夫比六百石掌奉王使京  
都奉璧賀六月及使諸國本皆持節後去節

而謂之曰朝廷設問寡人

朝廷謂天子也

大夫將何辭以對

使者曰大王忠孝慈仁敬賢樂士臣雖螻蟻敢不以

實睦曰吁子危我哉此乃孤幼時進趣之行也

東觀  
記續

漢書並云是吾幼  
時任養之行也大夫其對以孤襲爵以來志意衰

惰聲色是娛犬馬是好使者受命而行其能屈申若

此



清河王慶中傳衛訢私爲臧盜千餘萬詔使按理之  
并責慶不舉之狀慶曰詔訢以師傅之尊選自聖朝  
臣愚惟知言從事聽不甚有所糾察章帝嘉其對悉  
以訢減財賜慶

魏陳思王植上疏陳審舉之義曰臣聞天地協氣而  
萬物生君臣合德而庶政成五帝之世非皆知三季  
之末非皆愚用與不用知與不知也既時有舉賢之  
之名而無得賢之實必各援其類而進矣諺曰相門  
有相將門有將夫相者文德昭者也將者武功烈者  
也文德昭則可以輔國朝致雍熙稷契夔龍是也武

功烈則可以征不庭威四夷南仲方叔是也昔伊尹  
之爲媵臣至賤也呂尚之處屠釣至陋也及其見舉  
於湯武周文誠道合志同玄謀神通豈復假近習之  
薦因左右之介哉書曰有不世之君必能用不世之  
臣用不世之臣必能立不世之功殷周二王是也若  
夫齷齪近步遵嘗守故安足爲陛下言哉故陰陽不  
和三光不暢官曠無人庶政不整者三司之責也疆  
場騷動方隅內侵沒軍喪衆干戈不息者邊將之憂  
也豈可虛荷國寵而不稱其任哉故任益隆者負益  
重位益高者責益深書稱無曠庶官詩有職思其憂



此其義也陛下體天貞之淑聖登神機以繼統冀聞  
康哉之歌偃武修文之美而數年以來水旱不時民  
困衣食師徒之發歲歲增調加東有覆敗之軍西有  
殪歿之將至使蚌蛤浮翔於淮泗鼉鼉謹譁於林木  
臣每念之未嘗不輟食而揮餐臨觴而搯腕矣昔漢  
文發代疑朝有變宋昌曰內有朱虛東牟之親外有  
齊楚淮南琅邪此則磐石之宗願王勿疑臣伏惟陛  
下遠覽姬文二虢之援中慮周成召畢之輔下存宋  
昌磐石之固昔騏驥之於吳阪可謂困矣及其伯樂  
相之孫郵御之形體不勞而坐取千里蓋伯樂善御  
馬明君善御臣伯樂馳千里明君致太平誠任賢使  
能之明效也若朝田惟良萬機內理武將行師方難  
克弭陛下可得雍容都城何事勞動鑾駕恭露於邊  
境哉臣聞羊質虎皮見草則悅見豺則戰忘其皮之  
虎也今置將不良有似於此故語曰患爲知者不知  
知之者不得爲也昔樂毅奔趙心不忘燕廉頗在楚  
思爲趙將臣生平亂長平軍又數承教於武皇帝伏  
見行師用兵之要不必取吳孫而闔與之合竊揆之  
於心嘗願得一奉朝覲排金門蹈玉陛列有職之臣  
賜須臾之間使臣得一散所懷摠舒蘊積死不恨矣



披鴻臚所下發士息書期會甚急又聞豹尾已建戎  
軒驚駕陛下將復勞玉躬擾挂神思誠竦息不遑寧  
處願得策馬執鞭首當塵露撮風后之奇接孫吳之  
要追慕卜商起予左右効命先軀畢命輪轂雖無太  
益異有小補然天高聽遠情不上通徒獨望青雲而  
拊心仰高天而歎息耳屈平曰國有驥而不知乘焉  
皇皇而更索昔管蔡放誅周召作弼叔魚陷刑叔向  
佐國三監之釁臣自當之二南之輔求必不遠華宗  
貴族藩王之中必有應斯舉者故傳曰無周公之親  
不得行周公之事唯陛下少留意焉近者漢氏廣建

藩王豐則連城數十約則饗食祖祭而已未若姬周  
之樹國五等之品制也若扶蘇之諫始皇淳於越之  
難周青臣可謂知時變矣夫能使天下傾耳注心者  
當權者是矣謀能移主威能懾下豪右執政不在親  
戚權之所在雖疏必重勢之所去雖親必輕蓋取齊  
者田族非呂宗也分晉者趙魏非姬姓也惟陛下察  
之苟吉專其位凶離其患者異姓之臣也欲國之安  
祈家之貴存共其榮沒同其禍者公族之臣也今反  
公族疏而異姓親臣竊惑焉臣聞孟子曰君子窮則  
獨善其身達則兼善天下今因臣與陛下踐冰履炭



登山浮澗寒温燥濕高下共之豈得離陛下哉不勝  
憤懣拜表陳情若有不合乞且減之書府不便城棄  
臣死之後事或可思若有毫釐少挂聖意乞出之朝  
堂使夫博古之人糾臣表之不合義者如是則臣願  
足矣帝輒優文荅報

植子濟北王志字允恭好學有才行晉武帝初為中  
撫軍迎嘗道鄉公於鄴志夜與帝相見帝與語從暮  
至旦甚器之

都亭侯仁初為議郎督騎從太祖圍壺關太祖令日  
城拔皆坑之連月不下仁言於太祖曰圍城必示之

活門所以開其生路也今公告之必死將人自為守  
且城固而糧多攻之則士卒傷守之則引日久今頓  
兵堅城之下以攻必死之虜非良計也太祖從之城  
降

晉新野王歆為荊州都督將之鎮與齊王冏同乘謁  
陵因說冏曰成都至親臣欽若等曰同建大勳今宜

留之與輔政若不能耳當奪其兵權冏不從俄而冏  
敗歆懼自結於成都

秦王東武帝子帝嘗幸宣武場以三十六軍兵簿令  
東料較之東一省便摘脫謬帝異之於諸子中尤見



寵愛後爲大將軍錄尚書事時楊駿伏誅既痛舅氏  
覆滅甚有憂危之慮屢述武帝旨請還藩而汝南王  
亮留輔政及亮與楚王緯被誅時人謂東有先識  
譙王承元帝時爲散騎嘗侍領左軍將軍王敦有無  
君之心表疏輕慢帝夜召承以敦表示之曰王敦頃  
年位任足矣而所求不已言至於此如之何承曰陛  
下早裁之難將作矣帝以承爲湘州刺史時王敦據  
上流承赴任行達武昌釋戎備見王敦敦與之宴欲  
觀其意謂承曰太王雅素佳士恐非將帥才也承曰  
公未見知耳鈃刀豈不能一割乎承以敦欲測其情  
故發此言敦果謂錢鳳曰彼不知懼而學莊語此之  
不武何能爲也聽承之鎮

宋長沙王義欣鎮壽陽時淮西河北長吏悉叙勞人  
武夫多無政術義欣陳之曰江淮左右土瘠民疎頃  
年以來荐饑相襲百城彫弊於今爲甚綏牧之宜必  
俟良吏勞人武士不經政術統內官長多非才授東  
南殷實猶或簡能况賓荒垂而可輯柔頤闕願勅選  
部必使任得其人庶不勞而治

廬陵王義貞鎮東城高祖始踐祚義貞色意不悅讀  
博士蔡茂之問其故義貞曰安不忘危休泰何可恃



江夏王義恭孝武世以西陽王子尚有盛寵解揚州以避之乃進位太宰領司徒義恭嘗慮爲孝武所疑及海陵王休茂於襄陽爲亂乃上表曰古先哲王莫廣植周親以弇帝字諸侯受爵亦願永固邦家至有管蔡梁燕致禍周漢尚乖顯授之恩下忘血食之業夫善積慶深宜享長久而歷代侯王甚乎疋庶豈異姓皆賢宗室悉不實生於深宮不覩稼穡左右近習未值田蘇富貴驕奢自然而至聚毛折軸遂及危禍漢之諸王普置傳相猶不能禁逆七國連謀實繇強盛晉氏列封正足成永嘉之災尾大不掉終古同疾

不有更張則其源莫救日者庶人恃親殆傾王業去歲西寇藉寵幾敗皇基不圖襄楚復生今釁良以地勝兵勇獎成凶惡前事之不忘後事之明兆陛下大明紹祚垂法萬乘臣年邁意塞無所知解忝皇族者長慚慨內深思管見禪崇萬一竊謂諸王貴重不應居邊當於華州優地時可薨出旣已有州不須置相若位登三事止乎長史掾屬若宜鎮御別有扞城大將若情樂冲虛不宜逼以戎事若崇文好武尤宜禁塞僚佐文學足充話語遊從之徒一皆勿許文武從鎮以時休止妻子之累不煩自隨百僚條請宜遵晉



令悉須宜必齊到備列賓王之則衡泌之士亦無煩  
於近諸王噐甲於私爲用蓋寡自金銀裝刀劍具衣  
服皆應輸送還本曲突徙薪防之有素庶善者無懼  
惡者止奸

彭城王義康爲司徒錄尚書事聰識過人一聞必嘗  
記所暫過終生不忘稠人廣席標題所憶以示聰明  
人物益以此推服之

南齊豫章王嶷太祖第二子太子帶南兗州鎮軍府  
長史在鎮憂危既切期渡江北起兵嶷諫曰主上狂  
凶人不自保單行道路以立功外州起兵鮮有尅勝

物情疑惑必生人受禍今于此立計萬不可失會蒼  
梧王頌太祖報嶷曰大事已判汝明早可入及爲荆  
州刺史禪讓之間世祖欲速定大業嶷依違其事默  
無所言建元元年太祖卽位赦詔未至嶷先下令蠲  
除國內昇明二年以前逋負後出鎮東府先是王蘊  
薦部曲六十人助爲城防實以爲內應也嶷知蘊懷  
貳不給其仗散處外省及難作搜籓皆已亡去  
始興王鑑爲益州刺史城北門嘗閉不開鑑問其故  
於虞棕答曰蜀王多夷暴有時抄掠至城下故相承  
閉之鑑曰古人云善閉無關捷且在德不在門卽令



開之戎夷慕義自是清謐

梁鄱陽忠烈侯王恢在荊州嘗從容問賓客曰中山

好酒趙王好吏二者孰愈

臣欽若等曰中山王勝趙王彭祖皆漢景帝子也

衆未有對者顧謂長史蕭琛曰漢時王侯藩屏而已

視事親民自有其職中山聽樂可得任性彭祖代吏

近於侵官今之侯王不守藩國當佐天子臨民清白

其優乎坐者咸服

長沙嗣王業幼而明敏識度過人

南海王大臨字仁宣爲輕車將軍琅邪彭城二郡太

守時侯景亂爲使持節宣惠將軍屯新亭俄又徵還

屯端門都督城南諸軍事時議者皆勸收外財物擬

供賞賜大臨獨曰物乃賞士而牛可犒軍命取牛得

千餘頭城內賴以饗士及爲吳郡太守張彪起義於

會稽吳人陸令公賴州庾孟卿等勸大臨走投彪大

臨曰彪若成功不資我力如其撓敗以我說焉不可

往也

後魏陳留王崇性沉厚初衛王義坐事賜死後道武

欲敦宗親之義詔引諸王子弟入宴恒山王素等三

十餘人或謂與衛王相坐疑懼皆出逃遁將奔蠕蠕

唯崇獨至道武見之甚悅厚加禮賜遂寵敬之素等



於是亦安

樂平王丕明元子初馮弘之奔高麗太武詔遣送之高麗不遣太武怒將討之丕上疏以爲和龍新定宜復之使廣脩農植以饒軍實然後進圖可以舉而滅帝納之乃止

元城侯屈明元時居門下出納詔命性明敏善奏事每合上旨

永昌王健所在征伐皆有大功才藝比陳留桓王而智畧過之

恒山王素爲內都大官文武卽位務從寬征罷雜調有司奏國用不足固請復之唯素曰臣聞百姓不足君孰與足帝善而從之

高陽王雍初封潁川王加侍中征南大將軍或說雍曰諸王皆待士以營聲譽王何以獨否雍曰吾天子之子位爲諸王用聲名何爲

東陽王丕獻文時爲侍中司徒公時有諸疑事三百餘條勅丕制決率皆合允及爲太尉錄尚書事孝文文明太后重年敬舊存問周渥丕聲高氣朗博記國事饗宴之際嘗居坐端必抗嘗大言叙列旣往成敗帝后敬納焉



咸陽王禧爲冀州刺史後朝京師孝文謂王公曰皇太后平日以朝儀闕然遂命百官更欲撰緝今將舉脩遺志卿等謂可行不當各盡對無以面從禧對曰儀制之事用舍各隨其時而人可使驟之不可使知之臣請宣述先志備行朝式孝文然之

任城王澄爲徐州刺史朝於京師引見於皇信堂孝文詔澄曰昔鄭子產鑄刑書而晉叔向非之此二人皆是賢士得失竟誰對曰鄭國寡弱介於強鄰民情去就非刑莫制故鑄刑書以示威雖垂古式合今權道隨時濟世子產爲得而叔向譏議示不忘古可與

論道未可與權孝文曰任城嘗欲爲魏之子產澄曰子產道合當時聲流竹素家宜文德以懷天下江外之阻車書未一季世之民易以威伏難以理治愚謂子產之法猶可暨用大同之後便以道化之孝文心方革變深善其對笑曰非任城無以識變化之體朕方創改朝制當與任城共萬世之功耳及爲尚書孝文外示南討意在謀遷齊於明堂左介詔太嘗卿王謀親令龜易筮南伐之事其兆遇革孝文曰此是湯武革命順人之卦也羣臣莫敢言澄進曰易言革者更也將欲應天順民革君臣之命湯武得之爲吉陛



下帝有天下重光累葉今日卜征乃下伐叛不得云  
革命此非君人之卦未可全爲吉也孝文厲聲曰此  
象云大人虎變何言不吉也澄曰陛下龍興既久可  
方同虎變孝文勃然作色曰社稷在我任城而欲沮  
衆也澄曰社稷誠知陛下之社稷然臣是社稷之臣  
子豫參顧問敢盡愚衷孝文既銳意必行澄此對久  
之乃解曰各言其志亦得何傷車駕還宮乃召澄未  
及昇階遙謂日向者之革卦今更欲論之明堂之祭  
懼衆人競言阻我大計故厲色怖文武耳想解朕意  
也乃獨謂澄曰今日之行誠知不易但國家興自北  
土徙居平城雖富有四海文軌未一此間用武之地  
非可文治其欲移風易俗信爲甚難嶠函故宅河鎔  
王里因茲大舉光宅中原任城意以爲何如曰伊雜  
中區均天所據陛下輝制華夏諧平荒服蒼生聞之  
此應當大慶孝文曰北人戀本忽聞將移能不驚擾  
也澄曰此旣非嘗之事當非常人所知唯須決之聖  
懷此輩亦何能爲也孝文曰任城便我之子房加撫  
軍大將軍太子少保又兼尚書左僕射及駕幸雒陽  
定遷都之策孝文詔曰遷移之旨必須訪衆當遣任  
城馳驛向北間彼百司論擇可否近日論革令真所



謂革也王其勉之既至代都衆聞遷詔莫不驚駭澄  
援引今古徐以曉之衆乃悅服澄遂南馳還報會車  
駕於滑臺孝文大悅曰若非任城朕事業不就也時  
南齊雍州刺史曹虎請以襄陽內附分遣諸將車駕  
將自赴之豫州又表虎奉誠之使不復重來孝文乃  
引澄及咸陽王禧彭城王勰司徒馮誕司空穆亮鎮  
南李冲等議之孝文曰比得邊州表云襄陽慕化朕  
將鳴鑿江沔爲聲勢今後表稱更無復信於行留之  
計竟欲如何禧等或云宜行或言宜止孝文曰衆人  
紛紛意見不等朕莫知所從必欲盡留行之勢使言

理俱暢者宜有客主共相起發任城與鎮南爲應留  
之議朕當爲宜行之論諸公俱坐聽得失長者從之  
於是孝文曰二賢試言留計也冲對曰臣以徙御草  
創人斯樂安內而應者未審不宜輕示動發孝文曰  
襄陽疑問似當是虛亦知初遷之民無宜勞役脫歸  
誠有實卽當乘其悅附遠則有會稽之會近則畧平  
江北如其迭款是虛且可遊巡淮楚問民之瘼使彼  
土蒼生知君德之所及復何所損而惜此一舉脫降  
問是實而停不撫接不亦稽阻款誠毀朕大畧也澄  
曰降問若審應有表質而使人一返靜無音問其詐



也可見今代遷之衆人懷戀本細携始就雜邑居無  
一椽之室家闕擔石之糧而使怨苦卽戎泣當白刃  
恐非歌舞之師也今茲區宇初構又東作方興正是  
子來百堵之日農夫肆力之秋宜寬彼逋誅急此民  
疾且三軍已緩無稽赴接苟其款實力足納撫待尅  
平襄汚然後動駕今無故勞涉空爲往返必挫損天  
威更成賊膽願上覽盤庚始遷之艱難下矜詩人蘇  
庚之至詠輯寧新邑惠康億兆而司空亮以爲宜行  
公卿皆同之澄謂亮曰公在外見旌鉞旣張而有憂  
色每聞談論不願此行何得對聖顏更如斯之語也

面背不同事涉欺佞非所謂論道之德更國士之體  
或有傾側當繇公輩侍臣李冲曰任城王可謂忠於  
社稷願陛下深察其言臣等在外皆憚征惟貴與賤  
不謀同辭仰願聖心裁其可否孝文曰任城適以公  
等從朕有如此論不從朕者何必皆忠而通識安在  
也小忠是大忠之賊無乃似諸澄曰小忠要是竭盡  
微疑不知大忠者竟何據孝文曰任城脫居台輔之  
任欲令大忠在已也澄曰臣誠才非台弼智闕和鼎  
脫得濫居公鉉庶當官而行不負愚志孝文大笑澄  
又謂亮曰昔汲黯於漢武前面折公孫食脫粟飯卧



布被云其詐也於時公孫謙讓下之武帝嘆曰汲黯  
至忠公孫長者二人稱賢公既道均昔士願思長者  
之言孝文笑曰任城欲自比汲黯也且所言是公未  
知得失所在何便謝司空也駕遂南伐宣武時總督  
楊江二州伐梁獲其冠軍將軍張惠紹後梁武有移  
求換惠紹澄表請不許詔付八座會議尚書令廣陽  
王家等奏宜遂之詔乃聽還後果復寇邊孝明時澄  
以北邊鎮將選舉既輕恐賊虜闕邊山陵危迫奏求  
重鎮將之選脩警備之嚴詔不從賊虜入寇至於舊  
都鎮將多非其人所在叛亂犯逼山陵如澄所慮

彭城王勰孝文時爲中書令孝文與侍臣昇金墉城  
顧見堂後桐竹曰鳳凰非梧桐不栖非竹實不食今  
桐竹並藏詎能降鳳乎勰對曰鳳凰應德而來豈桐  
竹能降孝文曰何以言之勰曰昔在虞舜鳳凰來儀  
周之興也鸞鷟鳴於岐山未聞降桐食竹孝文笑曰  
朕亦未望降之也後從孝文征河北爲使持節都督  
南征諸軍事中軍大將軍開府詔曰明使交敵可勅  
將士肅參軍儀勰於是親勒大衆須臾有二大鳥從  
南而來一向行宮一向幕府各爲人所獲勰言於孝  
文曰始有一鳥望旗顛仆臣謂大吉高祖戲之曰鳥



之畏威豈獨中軍之畧吾亦分其一耳此乃大善兵法成說至明便大破齊將崔惠景蕭衍其夜大雨帝曰昔聞國軍獲勝每逢雲雨今破新寧南陽及摧此賊果降時潤誠哉斯言總對曰水德之應遠稱天心宣武時爲太師議律令總與高陽王雍八座朝士有才學者每旦集參論軌制應否之宜而總夙侍孝文兼聰達博覽凡所裁決時彥歸仰

清河王懌宣武初爲尚書僕射懌才長從政明於斷決剖判衆務甚有聲名

廣陽王嘉之子深孝明時以沃野鎮人破六韓陵拔

反叛臨淮王彧討之失利詔深爲北道大都督受尚書令李崇節度乃李崇徵還深專總戎政拔陵避蠕蠕南移渡河先是別將李叔仁以拔陵來逼請求迎援深赴之前後降附二十萬人深與行臺六纂表求恒州北別立郡縣安置降戶隨宜賑濟息其亂心不從詔遣黃門郎楊置分散之於冀定瀛三州就食深謂纂曰此輩復爲乞活以禍亂當繇此作旣而鮮于修禮叛於定州杜維周反於幽州

恒山王素孫暉宣武初爲黃門侍郎初孝文遷維舊貴皆難移時欲和衆情遂許冬則居南夏便居北宣



武頗惑左右之言外人遂有還北之問至於虜賈田宅不安其居暉乃請間言事具奏所聞曰先皇移都以百姓戀土故發冬夏二居之詔權寧物意耳乃是當時之言先皇深意且北來遷人安居歲久公私計立無復還情伏願陛下終高祖既定之業勿信邪臣不然之說劾之

北齊趙郡王琛子獻閑習吏職有知人之鑒

後周齊王憲字昆賀拔太祖嘗賜諸子良馬唯其所擇憲獨取駿者太祖問之對曰此馬色類既殊或多駿逸若從軍征伐收圍易分太祖喜曰此兒智識不凡當成重器後從獵隴上經官馬牧太祖每駿報曰此我兒馬也因令左右取以賜之

汝南公慶字神慶沉浮有器局少以聰敏見知初受業東觀頗涉經史既而謂人曰書記姓名而已安能功授都督從事筆硯爲腐儒業乎時文州賊亂慶應募從征以

隋河間王弘性明悟有文武幹畧數從征伐累遷開府儀同三司

觀德王雄高祖族子也有器度或奏高頴朋黨者高祖詰雄於朝雄對曰臣忝衛宮闔朝夕左右若有朋



附豈容不知至尊欽明睿哲萬機親覽頻用心平允  
奉法而行此乃愛憎之理惟陛下察之高祖深然其  
言

唐河間王孝恭性寬恕退謙無驕矜自伐之色嘗張  
然謂所親曰吾所居宅微有壯麗非吾心也將賣之  
別營一所粗令充事而已身歿之後諸子若才守此  
足矣如其不才冀免他人所利也初爲山南道招慰  
大使自金州出于巴蜀招攜以禮降附者三十餘州  
孝恭進擊朱粲破之諸將曰此食人賊也爲害寔深  
請坑之孝恭曰不可自此以來皆爲寇竟若聞此事

豈有來降者乎盡赦而不殺繇是書檄所至相繼降  
款又輔公祿據江東反發兵寇壽陽命孝恭爲行軍  
元帥以擊之孝恭自荊州趣九江時李靖李勣黃君  
漢張鎮州盧祖尚並受孝恭節度將發與諸將宴集  
命取水忽變爲血在坐者皆失色孝恭舉止自若徐  
諭之曰禍福無門唯人自召自顧無負於物諸君何  
見憂之深公祿惡積禍盈今承廟筭以致討益中之  
血乃公祿授首之徵遂盡飲而罷時人服其識度而  
能安衆後公祿窮蹙棄揚州東走孝恭命騎將追之  
至武康擒公祿及其僞僕射西門君儀等數十人致



於麾下江南悉平

江夏王道宗為禮部尚書時侯君集立功於高昌潛有異志道宗嘗因待宴從容曰君集知小言大舉止不倫以臣觀之必為戎首太宗曰何以知之對曰見其恃有微功深懷矜伐耻在房玄齡李靖之下雖為吏部尚書未滿其志非毀時賢嘗有不平之語太宗曰豈可臆度浪生猜貳其功勳才用無所不堪朕豈惜重位但次第未到耳俄而君集謀反太宗笑謂道宗曰君集之事果如公所揣

霍王元軌為定州刺史突厥之入寇也州人李嘉運

與賊相連謀為內應高祖令收按其黨元軌以強寇在境人心不安唯殺嘉運餘無所及因自劾違制高宗覽表大悅謂使者曰朕亦悔之向無王則失定州矣後因入朝屢上疏陳時得失多所裨益高宗甚尊重之及在外藩朝廷每有大事或密制問焉  
穎王璠天寶末祿山之亂璠為劔南節度大使初奉命之藩卒遽不皇受節綿州司馬史賁進說曰王帝子也且為節度大使今之藩而不持節單騎徑進人何所瞻請建大纛蒙之油囊為旌節狀先驅道路是以威眾璠笑曰但為真王何用假旌節



嗣曹王臯多智數善因事以自便奉太妃鄭氏  
晉秦王萬友子暉生而龐厚剛毅雄直有器局行不  
繇徑臨事多智故高祖於宗屬之中獨優禮厚遇

冊府元龜卷第二百七十三

冊府元龜卷第二百七十四

巡按福建監察御史臣李嗣京具訂正

知甌寧縣事臣孫以敬參閱

知建陽縣事臣黃國琦較釋

宗室部 一十三

友愛 辨惠 畏慎 悔過

友愛

夫因心則友詩所美也教人以悌禮之經也若乃鍾  
天倫之愛厚同氣之親人無間言家敦輯睦故曰友  
忝兄弟施於有政矧夫肺腑之親本枝之重而能協



比式好敦叙著稱以貴介之英修布衣之行長惠幼順發於天性字孤撫弱篤於人倫崇棣繇是騰芳葛藟無所興刺也

漢陽城侯德為宗正家產過百萬則以振昆弟振舉救也

與賑同

楚王紆尤慈篤早失母同廬弟原鄉侯平尚幼紆親自鞠養嘗與共卧起飲食及成人未嘗離左右病卒紆哭泣歐血數月亦歿

春陵侯敞謙儉好義盡推父時金寶財產與昆弟荆州刺史上其義行拜廬江都尉南陽郡是荆州所晉故刺史上其行義也

侯等助祭明堂以例益戶二百敞以有行義拜為廬江都尉

後漢趙孝王良字次伯光武之叔父也平帝時舉孝廉為蕭令光武兄弟少孤良撫循甚篤

北海王睦靖王興子既嗣王爵悉推財產與諸弟雖王車服珍寶非列侯制皆以為分然後隨以金帛賜之

薩南王香篤行好經書初叔父篤有罪不得西封平昌侯昱坐法失侯香乃上書分爵土封篤子允昱子嵩皆為列侯

東海王臻性敦厚有恩嘗分租秩賑給諸父昆弟國



相籍褒具以狀聞順帝美之詔曰東海王臻和睦兄弟恤養孤弱至孝純備仁義兼弘朕甚嘉焉今始臻封五千戶

魏陳王植黃初四年封雍丘王其年朝京師是時待遇諸國法峻任城王彰暴薨諸王既懷友于之痛植及白馬王彪還國欲同路東歸以叙隔闕之思而監國使者不聽

晉臨川獻王郁孝武世其兄會稽王世子道生初以無禮失旨郁數勸以敬慎之道道生不納郁為之涕泣簡文帝深器異之

宋晉熙王景文帝之子孝武孝建三年景兄竟陵王誕反伏誅前廢帝即位景為征北將軍徐州刺史道經廣陵上表曰竊聞淮南中實眷求遺緒楚英流殛愛存丘墓並難結兩臣義聞二主法雖事斷禮情申伏見故賊劉誕稱戈犯節自貽逆命膏斧嬰戮在憲已彰但尋屬忝皇枝位叨列辟而一以罪終魂骸莫赦生均宗籍死同匹豎族寔委雜封樹不修今歲月逾邁愆流釁往踐境興懷感事傷目陛下繼明升運咸與維新太德方臨哀矜未及夫樂布哭市義犯雷霆田叔鉗赭志於夷戮况在天倫何獨無感伏願稽



若前準降申丹志乞薄改楸拊微表窳安則朽骨知榮窮泉識荷臨紙哽慟辭不自宣詔曰徃北表如此省之慨然誕及妻女並可以庶人禮葬并置守衛南齊豫章王嶷以弟長沙王晃畜私仗武帝將紮以法嶷弟御前稽首流涕曰晃罪誠不足宥陛下當憶光朝念白象白象晃小字帝亦垂泣又武陵王曄亦嶷弟也曄數以言語忤武帝武帝幸嶷東田宴諸王獨不召曄嶷曰風景殊美今日甚憶武陵帝乃呼之曄善射命發屢中願謂四座曰手何如帝神色甚恠嶷曰阿五曄高帝第五子也嘗日不爾今可謂仰藉天威帝意乃釋

竟陵王子良初送文惠太子葬夾石先是豫章王葬金牛山子良臨望祖塋山悲嘆曰北瞻吾叔前望吾兄死而有知請葬茲地既薨遂葬焉

曲江公暹欣子幾字德玄年十歲能屬文早孤有弟九人並皆穉小機恩愛篤睦聞於朝野

梁始興王憺為荊州刺史同母兄安成康王秀偏孤憺尤篤愛自天監中嘗以所得俸中分與秀秀稱心愛之亦不辭多也昆弟之睦當世歸之憺天監十四年為都督荆湘雍寧梁南北秦七州諸軍事鎮石



軍荊州刺史秀將之雍州薨於道愴聞哀自投于地  
席藁哭泣不飲食者數日傾財產贖送部伍大小皆  
取足焉天下稱其悌

後魏中山王英子熙少有文才而輕躁英浮慮非保  
家主欲廢之而立弟四子畧爲世子宗議不聽畧又  
固請乃止

臨淮王昌弟爲冀州刺史後爲葛榮所陷爲榮所執  
而兄祐爲防城都督兄子禮爲錄事參軍榮欲先害  
子禮孚請先死以贖子禮叩頭流血乃捨之又大集  
將士議其死事孚兄弟各誣已引過爭相爲死又州

人張孟都潘紹等數百人皆叩頭就法請活使君榮  
曰此魏之誠臣義士也凡同禁五百人皆得免

北齊安德王延宗兄蘭陵王死妃鄭氏以頸珠施佛  
廣寧王使贖之延宗手書以諫而淚滿紙河間王琬  
死延宗哭之淚亦甚河間王孝琬兄河南王之死諸  
王在宮內莫敢舉聲唯孝琬大哭而出

後周安化公深性仁愛從弟神舉神慶幼孤深撫訓  
之義均同氣世以此稱焉

隋觀德王雄周時爲邦國公高祖受禪封廣平王以  
邦公別封一子雄請封弟士貴朝廷許之



唐襄邑王神符淮安王通弟也幼孤事兄以友悌聞  
韓王元嘉與其弟靈夔甚相友愛兄弟集見如布衣  
之禮

信安郡王禕少有志尚撫繼母所生弟祗等以友愛  
稱

褒信郡王璆許王素節子為宗正卿友弟聰敏宗子  
中有一善無不薦拔故宗枝居省闈者多璆之所舉

辯惠

傳曰生而知之詩云克岐克嶷皆幼惠早成之謂也  
乃有席天宗之貴出帝者之胄流光憑厚蘊靈毓德

肇自童州迥彰聽悟強記默識經目而不忘知幾會  
理發言而可述藻翰道發知畧超邁挺老成之美有  
先見之明孝心夙著政術懸解嗜好絕俗才辯超世  
用能馳微名于宗彛聳偉望於王室隆肺腑之懿增  
本支之睦者也

周王孫滿魯僖公三十三年春秦師過周北門左右  
免胄而下王城之北門胄兜鍪兵車非大將御者在中故左右下御不下超乘者三

百乘王孫滿尚幼觀之言于王曰秦師輕而無禮必

敗謂過天子門不卷甲東兵超乘示勇輕而寡謀無禮則脫又不能謀

能無敗乎後秦師果為晉敗于穀



漢陽城侯德楚元王交之後有智畧少時數言事召見其泉宮武帝謂之千里駒

言若駿馬可致千里也年齒幼少故謂之駒

魏陳思王植字子建年十歲餘誦讀詩論及辭賦數十萬言善屬文

鄧哀王冲字蒼舒少聰察岐嶷生五六歲智意所及有若成人之智時吳曾致巨象太祖欲知其斤重訪之羣下咸莫能出其理冲曰置象大船之上而刻其水痕所至稱物以載之則較可知矣太祖大悅即施行焉

晉扶風武王駿字子臧宣帝子幼聰慧年十五六歲能書疏諷誦經籍見者竒之齊王立駿年八歲為散騎常侍侍講焉

武陵王澹宣帝孫有罪徙遼東其子禧年五歲不肯隨去曰要當為父求還無為俱徙陳訴歷年然後得還

武陵王遵年十二右將軍桓伊嘗詣遵遵曰門何為通桓氏左右曰伊與桓温踈宗相見無嫌遵曰我聞人姓木邊便欲殺之况諸桓乎繇是少稱聰惠

齊獻王攸字大獻文帝子少而岐嶷

臨川獻王郁字深仁簡文帝子幼而敏惠其兄道生



初以無禮失旨郁數勸以敬慎之道道生不納郁爲之涕泣深器重之

年十七而薨

宋南譙王義宣子恢字景獲旣嫡長少而辯惠義宣甚愛重之年十一拜南譙王世子

南齊臨川王映少而警悟美言笑喜容止

江夏王鋒十歲便能屬文

宜都王鑑年十歲時與吉景曜商畧先言徃行左右誤排柵墮屏風倒壓其背顏色不異言談無輟亦不顧視

巴陵王昭胃初爲竟陵世子舅袁彖監吳興郡事坐

逆用祿錢免官付東治昭胃時年八歲見武帝而形容慘悴帝問其故昭胃流涕曰臣舅負罪今在尚方臣母悲泣不食已積日臣所以不寧帝曰特爲兒赦之旣而帝遊孫陵望東治曰治中有一好貴囚數日與朝臣幸治履行庫藏因宴飲賜囚徒罪肉勅見彖與語明日釋之

曲江公暹欣年七歲出齋時有一左右小兒善彈飛鳥無不應弦墜落暹欣曰樂事多端何急彈此鳥自空中翔飛何關人事無趣殺此生亦復不惡左右感其言遂不復彈鳥時少年通好此事所在遂止



竟陵王子良幼聰敏武帝為贛縣時與裴后不諧遣  
 船送后還都已登路子良時年少在庭前不悅帝謂  
 曰汝何不讀書子良曰孺今何處何用讀書帝異之  
 即召后還縣

南康縣侯子恪豫章王嶷第二子年十二和從兄司  
 徒竟陵王高松賦衛將軍王儉見而奇之

子恪弟寧都侯子顯幼聰惠嶷異之愛過諸子

梁鄱陽忠烈王恢字弘達太祖子幼聰穎年七歲能

通孝經論語義發適無所遺

失平侯景字子紹高祖從父弟八歲居喪以毀聞既

長好學才辯能斷

定襄侯祗美風儀幼有令譽

南康簡王續高祖子為南徐州刺史時年七歲王者

有受貨洗改解書長史王僧孺弗之覺續見而輒詰

之便即時首服眾咸歎其聰警

續子會理字長才少聰惠好文史年十一而孤特為

高祖所愛

尋陽王大心簡文子年十三出為郢州刺史雖不親

州務發言每合于理眾皆驚服

建平王大球簡文子性明惠夙成初侯景圍京城高



祖素歸心釋教每發誓願嘗云若有衆生應受諸苦  
悉諱身代當時大球年甫七歲聞而驚謂母曰官家  
尚爾兒安敢辭乃六時禮佛亦云凡有衆生應受諸  
苦報悉大球代受其早慧如此

西陽王大均簡文子年七歲高祖嘗問讀何書對曰  
學詩因命諷誦音韻清雅高祖因賜王羲之書一卷  
陳衡陽獻王昌高祖子爲吳興太守時年十六昌雅  
性聰辯明習政事高祖遣陳郡謝誓濟陽蔡景歷輔  
昌爲郡又遣吳郡杜之偉授昌以經書一覽便誦明  
於義理剖析如流

晉安王伯恭字肅之宣帝子初爲平東將軍吳郡大  
守置佐吏時伯恭年十餘歲留心政事官曹治理  
南平王嶷字承嶽後主第二子方正有器局年數歲  
風采舉動有若成人

後魏任城王澄子順字子和九歲師事樂安陳豐書  
王羲之小學篇數千言晝夜誦旬有五日皆通利豐  
奇之白澄曰豐十五從師迄白首耳目所經未見此  
比江夏黃童不得無雙也澄笑曰藍田生玉何容不  
爾

彭城王勰字孝和獻文帝子少而岐嶷姿性不羣



江陽王繼子爽字景喆少而機警尤為父寵愛  
清河王懌字宣文幼而敏惠孝文愛之

元文遙昭成皇帝六世孫也敏惠夙成濟陰王暉業  
每云此子王佐才也暉業嘗大會賓客有人將何遜  
集初入雜諸賢皆贊賞之河間邢邵試命文遙誦之  
幾遍可得文遙一覽便誦時年十歲濟陰王曰我家  
千里馬今定如何邢云此殆古未有

北齊永安王浚字定樂神武第三子八歲時問於博  
士盧景裕曰祭神如神在為有神耶無神耶對曰有  
神浚曰當云祭神神在何如字景裕不能答

彭城王浹字子深神武第五子元象二年拜通直散  
騎嘗侍封長樂郡公博士韓毅教浹書見浹筆迹未  
工戲浹曰五郎書畫如此忽為嘗侍開國今日后宜  
更用心浹正色答曰昔甘羅幼為秦相未聞能書凡  
人惟論才具何如豈必動誇筆迹博士當今能者何  
為不作三公時年蓋八歲矣毅甚慙

清河王岳子勳字敬德幼聰敏美風儀以仁孝聞為  
高祖所愛年七歲襲爵

後周齊殤王憲字思賀拔太祖第五子性通敏有度  
量雖在童齒而神彩嶷然世宗初除益州總管益寧



巴瀘等一十四州諸軍事益州刺史進封齊國公邑萬戶初平蜀之後太祖以其形勝之地不欲使宿將居之諸子之中欲有推擇遍問高祖已下誰欲安此任並未及對憲先請太祖曰刺史當撫衆治人非爾所及以年授者當歸爾兄憲曰才用有殊不關大小試而無効甘受面欺太祖悅之以憲年幼未之遣也世宗追遵先旨故有此授時年十六

憲子貴字乾福少聰敏涉獵經史尤便騎射始讀孝經便謂人曰讀此一經足爲立身之本天和四年年十歲封安定郡公邑一千五百戶

東平公神舉太祖族子早歲而孤有夙成之量族兄安化公深器異之

宇文深字奴手太祖族子性鯁直有器局年數歲便累石爲營伍併折草作旗旌布置行列皆有軍陣之勢父永遇見之乃大喜曰汝自然知此於後必爲名將

宋獻公震字彌俄突幼而敏達年十歲誦孝經論語毛詩尚書

隋趙王果煬帝子年七歲聽令帝有所製詞賦果多能誦之



唐衛王玄霸高祖第三子也幼而聰敏言詞辯惠有異嘗覽

許王素節高宗子六歲封雍王能日誦古詩賦五百餘言授學於學士徐齊暉精勤不倦帝甚愛之

永王璘玄宗子少聰敏好學

壽王瑁玄宗子開元十五年封永王已下幼小不於殿前引謝瑁纔八歲請從諸兄行玄宗異而許之殿庭拜伏舞浮合禮法

晉高祖幼子重睿少帝嗣位初拜開封尹以年幼未出閣命左散騎嘗侍邊蔚知府事時少帝戲謂重睿曰已降銜命使臣有何例物待之重睿曰例物出於內庫臣何憂焉少帝許之

畏慎

中庸曰戒慎乎其所不覩恐懼乎其所不聞蓋耳目之未能思言動之必中是故夕惕若厲君子所以無咎日嚴祗肅大夫所以有家若乃聯輝本支席寵天族表穎寤於異稟挺淑哲於令器爵祿之重冠絕於等倫車服之崇輝映於表著復有權參機要職分內外紀律斯在休戚攸繫而能處貴思降居安慮危裁損儀衛之容罔專賞罰之柄凡所興事必遵旨意至



有罷去娛玩謝絕還往特避盛勢靡求虛稱語默兢  
慄出處端莊協克已之方得率性之理茲所謂淑人  
君子歟

後漢清河孝王慶章帝子母曰宋貴人慶初立為皇  
太子後被譖廢慶時雖幼而知避嫌畏禍言不及宋  
氏帝更憐之勅皇后令衣服與太子齊等太子特親  
愛慶入則同室出則同輿慶小心孝恭自以廢黜尤  
畏事慎法每朝謁陵廟嘗夜分嚴裝衣冠待明約勅  
官屬不得與諸王車騎競驅

北海敬王睦性謙恭好士千里結交自名儒宿德莫

不造門繇是聲價益廣永平中法憲頗峻睦乃謝絕  
賓客放心音樂然性好書嘗為愛翫歲終遣中大夫  
奉璧朝賀召而謂之曰朝廷設問寡人大夫將何辭  
以對使者曰大王忠孝慈大敬賢樂士臣雖嬖賤敢  
不以實睦曰吁子危我哉此乃幼孤時進趣之行也  
一云是吾幼時  
狂恣之行也大夫其對以孤襲爵以來志意衰情  
聲色是娛犬馬是好使者受命而行

魏中山恭王衮少好學每兄弟游娛衮獨覃思經史  
文學防輔相與言曰受詔察公舉錯有過當奏及有  
善亦宜以聞不可匿其美也遂共表稱陳衮美衮聞



之大驚懼責讓文學曰修身自守嘗人之行耳而諸君乃以上聞是適所以增其負累也且如有善何患不聞而遽共是非益我者其誠慎如此

晉安平獻王孚武帝時爲太宰父子位極人臣子孫咸居大官出則旌旗節鉞入則貂蟬衮冕公族之寵未始有也享年九十然而夙夜謙恭常有履冰之懼元會詔孚輿車上殿帝親奉觴上壽如家人禮又給以雲母輦青蓋車孚雖見尊寵不以爲榮嘗有憂色宋臨川王義慶少善騎乘及長以世路艱難不復跨馬

南齊豫章王嶷武帝時爲侍中先是宋元嘉世諸王入齋閣得白馬帟帽見人主自此以來此事一斷帝與嶷同生相友睦宮內曲宴許依元嘉嶷固辭啓自陳曰臣自還朝便省儀刀捉刀左右十餘亦省唯郊外遠行或儀復暫有入殿亦省服身今所牽仗二俠轂二白直共七八十人事無大小臣必欲上啓伏度聖心脫未垂曲或有言其事實仰希卽賜垂勅又啓揚州刺史舊有六白領合扇二白拂臣脫以爲疑不審此當云何行圍苑中乘輦出籬門外乘輦鳴角皆相仍如此非止於帶神州者未審此當云何方有行



亦不可失表帝笑曰儀刀捉刀不應省也俠轂白直  
乃可共百四五十以還正是耳亦不曾聞人道此吾  
自不使諸王無仗况復汝耶在私園苑中乘此非疑  
郊外鳴角及合扇并拂先有不復施用此來甚久凡  
在鎮自還異京師先廣州乃立鼓吹交部遂有輦事  
隨時而改亦復有所得依舊者汝若有疑可與王衛  
諸人量衷但令人臣之儀無失便行也又啓曰臣拙  
知自處闖於疑訪嘗見素性扶詔或著布屨不意爲  
異臣在西廟拜王儀飾悉依宋武陵事例有二郭扇  
仍此下都脫不爲疑小兒奴子並有青布袴衫臣齋

中亦有一人意謂外庶所服不疑與羊車相類曲荷  
慈旨今悉改易臣昔在邊鎮不無羽衛自歸朝以來  
便相分遣俠轂白直格置三百許人臣須所引不過  
一百嘗謂京師諸王不煩牽仗若郊外遠行此所不  
論有仗者非臣一人所以不容方幅啓省又因王儉  
備宣下情臣出入榮顯禮容優泰第宇華曠事乖素  
約雖宋之遺制恩處有在猶浮非服之慙威衛之請  
仰希曲炤帝答曰傳詔臺家人耳不足涉嫌郭扇吾  
識及以來未見故有勅耳小兒奴子本非嫌也吾有  
所聞豈容不勅汝知令物致議耶吾已有勅汝一人



不省依轂但牽之吾昨不通仗事儉已道吾卽令答  
不煩有此啓須閑言自更一二又啓曰違遠侍宴將  
踰一紀憂若間之始得開顏近頻侍坐不勝悲喜沾  
飲過量實欲仰示恩矜令自得知見以杜遊塵陛下  
留恩子弟此情何異外物政自強生間節聲其後薄  
伏度或未上簡臣前在東田承恩過醉實思歎徃秋  
之謗故言啓至切亦令羣物聞知伏願已昭此心前  
侍幸諱宅梁之帝也臣依嘗乘車至仗監司不能示臣可  
否便互競啓開云臣通突黃屋旄如欲相巾推此用  
意亦何容易仰賴慈明卽賜垂勅不爾臣終不知關

貽此累比日禁斷整密此自嘗理外聲乃云起臣在  
華林輒捉御刀因此更嚴度情推理必不容爾爲復  
上啓知其風塵易至和會實難伏願猶憶臣石頭啓  
無生間者比開侍無次畧附茹亮口宣臣踪華素已  
具上簡每欲存哀知慮不存或有乖當且臣五十之  
年爲翫幾時爲此亦復不復以理內自剝北第舊邸  
本自甚華臣改脩正而已小製置已自抑簡徃歲收  
合得少雜材並蒙賜故振啓榮內許作小眠齋始欲  
成就皆補接爲辦無乖格製要是樗柏之華一二處  
任時雜淨東府又有齋亦爲華屋而臣頓有二處任



止下情竊所未安訊訪東宮玄圃乃有柏屋製甚古  
拙內中無此齋臣乃欲壞取以奉太子非但失之於  
前且補接既多不可見移亦恐外物或爲異論不審  
可敢垂許送東府齋理不臣公家任止率爾可安臣  
今之啓實無意識亦言者太子不知臣有此屋正以  
東宮無而臣有自處之體不宜爾耳所啓蒙允臣便  
當敢成第屋安之不疑陛下若不昭體臣心便當永  
廢不脩臣自謂今啓非但是自處宜然實爲微臣往  
事伏願必垂降許伏見以諸王與貨屢降嚴旨少拙  
營生已應上簡府州郡邸舍非臣私有今巨細所資  
皆自是公潤臣私累不少未知將來罷州之後或當不  
能不試學營覓以自贍連年惡疾餘顧影單迴無事  
畜聚唯遂手爲樂耳帝荅曰如亮今啓汝所懷及見  
別紙汝勞疾亦復那得不動何意爲作煩長啓事凡  
諸並勅此意可尋當不關汝一人也宜有勅事吾亦  
必道頃見汝自更悉委書不欲多及屋事慎勿強曆  
此意自澤亦當不解何違耶

江夏王鋒明帝輔政時藩邸危懼江祐嘗謂王晏曰  
江夏王有才行亦善能匿迹以琴道授羊景之著名  
而江夏掩能於世非十絃而已百氏亦復如之鋒聞



嘆曰江祐遂復爲混沌畫眉欲益弊耳寡人聲酒是  
耽狗馬是好豈復一毫於平生哉當時以爲話言嘗  
忽忽不樂著脩柏賦以見志

河東王鉉建武初爲散騎嘗侍鎭軍將軍置兵佐建  
武之世高武子孫憂危鉉朝見嘗鞠躬俯僂不敢平  
行直視

梁南平王偉子靜何敬容欲以女妻之靜忌其太盛  
拒而不納時論服焉

南郡王大連與兄大臨並從高祖征朱方高祖問曰  
汝等習騎否對曰臣等未奉詔不敢輒習勅各給馬

試之

後梁宜都郡王大圓簡文帝子侯景之亂歸江陵時  
元帝多忌大圓恐讒慙生焉乃屏絕人事門客左右  
不過三兩人不妄遊狎兄弟之間上牋而已嘗以讀  
詩禮書易爲事

後魏廣平文貞王正景穆帝孫爲洛州刺史嘗忤茹  
皓懼爲所害廉慎自脩甚有聲績

北齊蘭陵王長恭在定陽其屬尉相願謂曰王旣受  
朝寄何得如此貧賤長恭未答相願曰豈不露芒山  
大捷恐以威武見忌欲自穢乎長恭曰然相願曰朝



廷若忌於此犯便當行罰求福反以速禍長恭泣下  
前滕請以安身術相願曰王前既有勲今復告捷聲  
大重宜屬疾在家勿預事長恭然其言未能退及江  
淮寇擾恐復爲將嘆曰我年面腫今何不廢自是有  
疾不瘳

後周代曩王達爲荊州刺史所管豐州刺史蔡澤  
貨被訟賊狀分明達以其世著勲庸不可加戮若由  
法貸之又非奉上之體乃令所司精加按察密表奏  
之事竟得釋終亦不言其處事周慎如此

隋蔡王智積父景王昔高祖龍潛時景王與高祖不  
睦其太妃尉氏又與獨孤皇后不相諧以是智積常  
懷危懼每自貶損高祖知其若是亦哀憐之人或勸  
智積治產業者智積曰昔平原露朽財帛苦其多也  
幸無可露何更營乎有五男止教讀論語孝經而已  
亦不令交通賓客或問其故智積答曰卿非知我者  
其意思兒子有才能以致禍也開皇二十年徵還京  
第無他職任閫門自守非朝覲不出場帝卽位滕王  
集以讒構得罪高陽公智明亦以交遊奪爵智積愈  
懼大業七年授弘農太守委政寮佐清淨自居

悔過



蓋崇高莫大於富貴而晏安斯為之醜毒若夫貴而思降富而無驕乃良士之吉德也其或憑藉威寵熏灼勢望未嘗知其憂懼寧復畏於盛滿溺於因習狗乎耳目自非大雅明哲上智不君者又孰能無過哉乃有克已引咎悼心追悔折節改行銜媿沒齒春秋傳曰人孰無過過而能改善莫大焉易所謂不遠而復斯可尚也矣

漢梁孝王文帝子也時鄒陽為上客羊勝公孫詭欲使王求為漢嗣王又嘗上書願賜容車之地徑至長樂宮自使梁國士舉築作甬道朝太后表盎等皆建

以為不可

建謂立議

天下不許梁王怒令人刺殺盎帝疑

梁殺之使者寇蓋相望責梁王梁王始與勝詭有謀

陽爭以為不可故見讒枚先生嚴夫子皆不敢諫

先生

枚乘夫子嚴忌

及梁事敗勝詭死孝王恐誅廼思陽言浮辭

謝之初孝王怒下陽吏將殺之陽客游以讒見禽恐

死而負絛廼從獄中上書書奏孝王孝王立出之卒

為上客

膠東康王寄以孝景中二年立淮南王謀反時寄微

聞其事私作兵車鏃矢

樓車也所以看敵國營壘之虛實也又一說兵車止謂戰

車耳鏃矢大鏃之矢今所謂兵箭者也

戰守備淮南之起及吏治淮南



事出之辭語所連寄於帝最親寄母王夫人即王后之妹於上為從母故

寄於兄弟之中又更親也此下有桓山王云天下為最親其義亦同意自傷發疾而死

不敢置後

東平王宇事太后內不相得元帝遣使奉璽書勅諭

之宇慙懼因使者頓首謝死罪願洒心自改後又殺

姬胸臆有司奏請逮捕有詔削樊元父二縣後三年

天子乃詔有司曰蓋聞仁以親親古之道也前東平

王有闕闕謂過失也有司請廢朕不忍又請削朕不敢專

惟王之至親未嘗忘於今聞王改行自新尊脩經術

親近仁人非法之求不以奸吏朕甚嘉焉傳不云乎

朝過夕改君子與之其復前所削縣如故

後漢梁節王暢少貴驕頗不遵法度又聽從官卜忌

乳母王禮等諂媚言王當為天子暢心喜與相應答

永元五年豫州刺史梁相舉奏不道考訊不服有司

請徵詣廷尉詔獄和帝不許有司重奏除暢國徙九

真帝不忍但削成武單父二縣暢慙懼上疏辭謝曰

臣天性狂愚生在深宮長養傅母之手信惑左右之

言及至歸國不知防禁從官侍史利臣財物熒惑臣

暢無所昭見悻自悔無所復及自謂當即時伏顯誅

魂去身歸黃泉不意陛下聖德枉法曲平不聽有司



曲平曲法申恩平處共罪橫貸赦臣戰慄連月未敢自安上念以

負先帝而令陛下為臣收汗天下汗惡也天下以帝

惡天下也誠無氣以息筋骨不相連臣暢知大貸不可再

得自誓束身約妻子不復敢出入繩墨不敢復有所

橫賫租人有餘乞裁食睢陽穀熟虞蒙寧陵五縣還

餘所食四縣臣暢小妻三十七人其無子者願還本

家自選擇謹勅奴婢二百人其餘所受虎賁官騎及

諸王技鼓吹蒼頭奴婢兵弩廐馬皆上還本署臣暢

以骨肉近親亂聖化汗清流既得生活誠無心面目

以凶惡復居大宮食大國張官屬藏什物願陛下加

大恩開臣自悔之門假臣小善之路今天下知臣蒙

恩得去死就生頗能自悔臣以公卿所奏臣罪惡詔

書嘗置於前晝夜讀誦臣小人貪見明時不能即時

自引惟陛下哀臣令得喘息漏刻若不聽許臣實無

顏以父生下入黃泉無以見先帝此誠臣至心臣欲

多還所受恐天恩不聽許節量所留於臣暢饒足詔

報曰朕惟王至親之屬淳淑之美傳相不良不能防

邪至今有司紛紜有言今王深思悔過端自克責朕

惻然傷之志匪繇子咎在彼小子一日克已復禮天

下歸仁王其安心靜意茂率休德易不云乎一謙而

謂由下忌及  
王礼等也



四益小有言終吉彊食自愛暢固讓數上卒不許  
魏陳思王植任性而行不自彫勵飲酒不節嘗乘車  
行馳道中開司馬門出太祖大怒植內不自安及曹  
仁爲關羽所圍太祖以植爲南中郎將征行虜將軍  
欲遣救仁呼有所勅戒植醉不能受命文帝卽位植  
與諸侯並就國黃初二年監國謁者灌均希指奏植  
醉酒悖慢劫脅使者有司請治罪帝以太后故貶爵  
安鄉侯其年改封鄆城侯三年立爲鄆城王四年徙  
封雍丘王其年朝京都上疏曰臣自抱寡歸藩刻骨  
追思罪戾晝分而食夜分而寢誠以天網不可重離

聖恩難可再恃竊感相鼠之篇無禮遄死之義形影  
相弔五情愧赧以罪棄生則爲古賢夕改之勸恐活  
苟全則犯詩人胡顏之譏伏惟陛下德象天地思隆  
父母施暢春風澤如時雨是以不別荆棘者慶雲之  
惠也七子均養者尸鳩之仁也舍罪責功者明君之  
舉也矜愚愛能者慈父之恩也是以愚臣徘徊於恩  
澤而不能自棄者也前奉詔書臣等繼朝心離志絕  
自分黃耇無復執珪之望不圖聖詔猥垂齒召至止  
之日馳心輦轂僻處西館未奉闕庭踴躍之懼瞻望  
反仄謹拜表獻詩二篇文帝嘉其辭義優詔荅勉



中山恭王衮明帝青龍中來朝犯京師禁爲有司所  
奏削縣衮畏懼戒勅官屬愈謹帝嘉其意二年復所  
削縣

樂陵王茂性傲狠無寵於太祖文帝太和元年徙封  
聊城公少不開禮教長不務善道先帝以爲古之立  
諸侯也皆命賢者故姬姓有未爲侯者是以獨不王  
茂太皇太后數以爲言如聞茂頃來少知悔昔之非  
今封茂爲聊城王

晉司馬彪字紹統高陽王睦之長子也出後宣帝弟  
敏少篤學不倦然好色薄行爲睦所責故不得爲嗣  
雖名出繼實廢之也彪跡此不交人事而專精學習  
故得博覽羣情籍終其輟集之務

宋彭城王康義輔政十餘年素無學術闇於大體長  
史劉斌等以朋黨伏誅義康出鎮豫章帝遣沙門釋  
惠琳視之義康曰弟子有還理不惠琳曰恨公不讀  
數百卷書後以范曄謀反事免爲庶人徙安城因讀  
書見淮南厲王長事廢書嘆曰前代乃有此我得罪  
爲宜

南齊豫章王嶷後房千餘人潁川荀丕獻書於嶷極  
言其失嶷咨嗟良久爲書荅之爲之減遣



梁蕭昱字子真高祖從父弟也少而狂狷不拘禮度異服危冠交遊冗雜尤善屠牛業以爲嘗於宅內沽酒好騎射位中書侍郎每求試邊州帝以其輕脫無威望抑而不試遷給事黃門侍郎上表請自解帝手詔責之坐免官因此杜門絕朝覲普通五年坐於宅鑄錢爲有司所奏下廷尉得免死徙臨海郡行至上虞有勅追還令受菩薩戒旣至恂恂盡禮改意蹈道持戒又精潔帝甚嘉之以爲晉陽太守

南平王恪位雍州刺史年少未開庶務委之羣下百姓每通一辭數處輸錢方得聞徹賓客有江仲舉蔡遠王臺鄉庾仲容四人俱被接遇並有蓄積故人間歌曰江千萬蔡五百正王新車庾大宅遂達武帝接之曰主人憤憤不如客尋以盧陵王代爲刺史恪還奉見武帝以人間語之恪大慙不敢一言後折節學問所歷以善政稱

後魏秦明王翰孫纂太武踐祚爲定州刺史封中山王纂好酒愛佞政以賄成太武殺其親嬖人後悔過修謹拜內大將軍居守清約簡慎更稱廉平

濟陰王鬱孫暉業少險薄多與寇盜交通長乃變節涉子史亦頗屬文而慷慨有志節歷位司空太尉



北齊永安簡平王浚及長嬉戲不節曾以屬請受納大見杖罰拘禁府獄既而見原後稍折節頗以讀書為務

安德王延宗為定州刺史驕縱多不法武成使撻之殺其昵近九人從是深自改悔

唐彭王元則高祖第十二子初為遂州都督坐事免及遷澧州折節自脩甚著聲績

後唐太祖母弟嗣昭沈毅不羣初嗜酒樂太祖微申戒約自是終身不飲

冊府元龜卷第二百七十四 十一月初六日校

冊府元龜卷第二百七十五

巡按福建監察御史臣李嗣京 訂正

新建縣舉人 臣 戴國士參閱

知建陽縣事 臣 黃國琦較釋

宗室部 十四

褒寵

古之有天下者莫不封建宗子夾輔王室親之以賑膳之禮厚之以寶玉之賜既以旌賢而彰德亦以脩睦而申恩成周以來或加之殊禮推以蕃錫異其車服之數厚以宴私之意寵遇官屬增給騎從徙國益



賦懋賞延世圖像以昭其美下詔以揚其善乃至耆  
年尊屬優以几杖之賜送終卽遠殊其寃宥之制極  
禮命之優渥聳藩維之風望皆所以彊幹固本興仁  
宣化法敦族於唐典遵立愛於商訓者也

周公旦武王弟歸政成王欲老成王留之為太師履  
赤舄赤舄人君之盛履也周公既卒成王乃命魯得郊祭文王

魯有天子禮樂者以褒周公之德也又分魯公以大  
輅大旂魯公伯禽大輅金輅錫同姓之諸侯車也交龍為旂周禮同姓以封夏后氏之

璜封父之繁弱封父古諸侯也繁弱大弓名以昭周公之明德  
衛康叔封武王弟也成王賜衛寶祭器以章有德分

康叔以大路少帛績花旃旂少帛雜帛也績花大赤取染草名也通帛為旂折羽為旌大呂鐘

唐叔虞武王子成王分唐叔以大路密須之鼓密須國名  
闕鞏甲名沽洗鐘名魯公康叔唐叔三叔者有令德故昭

之以分物  
漢楚元王交高祖同父少弟六年立為楚王文帝尊

寵元王子生爵比皇子元王生子封爵皆比皇子所以為尊寵也  
濟北王勃淮南厲王長子初封廬江王七國反吳使

者至廬江廬江王不應堅守無二心孝景四年吳楚  
已破衡山王朝帝以為貞信遇勞苦之日南方卑濕



徙王王於濟北以褒之

梁孝王武文帝子竇太后少子太后愛之賞賜不可勝道得賜天子旌旗從千乘萬騎

江都易王非景帝子吳楚反時非年十五上書自請擊吳景帝賜非將軍印擊吳吳已破以軍功賜天子旌旗

淮南王安菑川王志元朔二年冬皆賜几杖母朝廣陵王胥武帝子昭帝初立益封胥萬三千戶元鳳中入朝復益萬戶賜錢二千萬黃金二千斤安車駟馬寶劍及宣帝卽位封胥四子聖曾寶昌皆爲列侯又立胥小子弘爲高密王所以褒賞甚厚

陽城侯德楚元王曾孫少時數言事召見其泉宮武帝謂之千里駒地節中以親親行謹厚封爲陽城侯子安民爲郎中右曹宗家以德爵官宿衛者二十餘人其露三年單于始入朝帝思股肱之美乃圖畫其人麒麟閣法其形貌署其官爵姓名凡十一人其八曰宗正陽城侯劉德皆有功德知名當世是以表而揚之明著中興輔佐列於方叔召虎仲山甫焉淮陽王欽宣帝子成帝卽位以淮陽王屬爲叔父敬寵之異於它國



楚孝王囂宣帝子成帝河平中入朝時被疾天子聞之下詔曰蓋聞天地之性人爲貴人之行莫大乎孝楚王囂素行孝順仁慈之國以來二十餘年纖介之過未嘗聞朕甚嘉之今乃遭命離於惡疾夫子所痛茂之命矣夫斯人也而有斯疾也朕甚閔焉夫行純厥善今王朝正月詔與子男一人俱從王入朝也其以廣戚縣戶四千二百封其子勲爲廣戚侯河間王良獻王後也脩獻王之行太后薨服喪如禮哀帝下詔褒揚曰河間王良喪太后三年爲宗室儀表益封萬戶

後漢城陽王祉光武族兄建武二年封賜乘輿御物車馬衣服十一年疾病上城陽王璽綬願以列侯奉先人祭祀帝自臨其疾安成侯賜光武族兄以列侯奉朝請帝以賜有恩信故親厚之數蒙宴私時幸其第恩賞特異賜輒賑與故舊無有遺積帝爲營家起祠堂置吏卒如春陵孝侯

成武侯順與光武同里開少相厚武成邑戶最大租入倍宗室諸家建武十一年卒帝使使者迎喪親自



臨弔

杼秋侯劉般宣帝玄孫建武十九年行幸沛詔問郡中諸侯行能太守薦言般束脩至行爲諸侯師帝聞而嘉之乃賜般緡錢百萬緡二百匹二十年復與車駕會沛因從還雒陽賜穀什物留爲侍祠侯永平元年徙封居巢侯就國數年揚州刺史觀恂薦般在國口無擇言行無怨惡宜蒙旌顯明帝嘉之十年徵般行執金吾事從至南陽還爲朝侯明年兼屯騎校行時五轂官顯職闕而府寺寬敞輿服光麗伎巧畢給故多以宗室肺腑居之每行幸郡國般嘗將長水胡

騎從帝卽位以爲長樂少府建初二年遷宗正般妻卒後加賜贈及賜家塋地於顯節陵下

東海恭王彊光武長子建武十年封爲東海王二十八年就國帝以彊廢不以過去就有禮故優以大封兼食魯郡合二十九縣賜虎賁苑頭宮殿設鐘簾之懸擬於乘輿彊臨之國數上書讓還東海又因皇太子固辭帝不許深嘉嘆之以彊章宣示公卿初魯恭王好宮室起靈光殿甚壯麗是時猶存故詔彊都魯永平元年疆病顯宗遣中嘗侍鉤盾令將太醫乘驛視疾詔沛王輔濟南王康淮陽王延詣魯及薨臨命



上疏謝曰臣蒙恩得備藩輔特受二國宮室禮樂事  
事殊異巍巍無量訖無報稱而自修不謹連年被疾  
爲朝廷憂念皇太后陛下哀憐臣疆感動發中數遣  
使者太醫令丞方伎道術絡驛不絕臣伏惟厚恩不  
知所言臣內省視氣力羸弱日夜浸困終不復望見  
闕庭奉承帷幄孤負重恩啣恨黃泉身旣天命孤弱  
復爲皇太后陛下憂慮誠悲誠慙息政小人也猥當  
襲臣後必非所以全利之也誠願還東海郡天恩愍  
哀以臣無男之故處臣二女小國侯此宿昔嘗計今  
天下新罹大憂惟陛下加供養皇太后數進御食臣  
疆困劣言不能書願並謝諸王不意永不復相見也  
天子覽書悲慟從太后出幸津門亭發哀使太司空  
持節護喪事太鴻臚副宗正將作大匠視喪事贈以  
喪禮升龍旄頭鸞輅龍旂虎賁百人詔楚王英趙王  
栩北海王興館陶公主北陽公主及京師親戚四姓  
夫人小侯皆會葬帝追惟疆深執謙儉不欲厚葬以  
違其意於是特詔中嘗侍杜岑及東海傅相曰王恭  
謙禮以德自終遣送之物務從約省衣足斂形茅車  
瓦噐物減於制以彰王卓爾獨行之志將作大匠留  
起陵廟



東平王蒼光武子好經書雅有智思明帝甚愛重之及即位拜為驃騎將軍置長史掾史員四十餘位在

三公上四府掾史皆無四十人今特置以優之蒼上疏乞上驃騎將軍

印綬退就蕃國優詔不聽其後數陳乞辭甚懇切永

平五年乃許還國而不聽上將軍印綬以驃騎長史

為東平太傅掾為中大夫令史為王家郎加賜錢五

千萬布十萬疋六年冬帝幸魯徵蒼從還京師明年

蒼乃歸國特賜宮人奴婢五百人布二十五萬疋及

珍寶服御器物蒼為人美須頰腰帶八圍明帝手詔

國中傳曰日者問東平王處家何等最樂言為善最

樂其言甚大副是要腹矣今送列侯印十九枚諸王

子年五歲已上能趨拜者皆令帶之十五年春行幸

東平賜蒼錢千五百萬布四萬疋章帝即位尊重恩

禮踰於前世諸王莫與焉比建初元年地震蒼上便

宜三事朕親自覽讀反覆數周心開目明曠然發矇

帝昭注國語曰有眸子而無見曰矇間吏人奏事亦有此言但明智淺

短或謂儻是復慮為非何者災異之降緣政而見今

改元之後年饑人流此朕之不德感應所至又冬春

旱甚所被尤廣雖內用克責而不知所定得王滌策

快然意解詩不云乎未見君子憂心冲冲既見君子



我心則降思惟嘉謀以次奉行冀蒙福應彰報至德

特賜王錢五百萬六年冬蒼上疏求朝明年正月帝

許之特賜裝錢千五百萬其餘諸王各千萬帝以蒼

冒涉寒露遣謁者賜貂裘說文曰貂鼠屬也犬而黃黑出丁零國及太

官食物珍果使大鴻臚竇固持節郊迎帝乃親自循

行邸第豫設帳牀其錢帛器物無不充備下詔曰禮

伯父歸寧乃國儀禮曰覲禮諸侯至於郊王使皮弁用璧勞侯氏侯氏亦皮弁迎於推門

之外再拜天子賜舍曰賜伯父舍同姓西面北上異

姓東面北上侯氏裨寬釋幣乘龍車載龍旂孤鞞乃朝以瑞玉有纁天子負斧宸曰伯父實來余一人嘉之又奉束帛匹馬再拜侯氏降天子辭於侯氏

曰伯父無事歸寧乃拜詩云叔父建爾元子詩魯頌

元子謂封伯禽也敬之至也昔蕭相國加以不名優

忠賢也見前漢王莽傳况兼親尊者乎其沛濟南東平中山

四王讚皆勿名讚謂讚者不唱其名蒼既至升殿乃拜天子親

荅之舊典諸王女皆封鄉主乃獨封蒼五女為縣公

主三月大鴻臚奏遣諸王歸國帝特留蒼賜秘書列

仙圖道術秘方至八月飲酎畢有司復奏遣蒼乃許

之手詔賜蒼曰骨肉天性誠不以遠近為親疎然數

見顏色情重昔時念王久勞思得還休欲署大鴻臚

奏不忍下筆顧授小黄門中心戀戀惻然不能言太

奏王事國小於於是車駕祖送流涕而訣復賜乘輿服

黃門受詔者宗室部



御珍寶鞍馬錢布以億萬計蒼還國疾病馳遣名醫  
 小黄門侍疾使者冠蓋不絕於道又置驛馬千里傳  
 問起居明年正月薨詔遣太鴻臚持節五官中郎將  
 副監喪及將作使者凡六人令四姓小侯諸王主悉  
 會詣東平奔喪賜錢前後一億布九萬疋及葬策曰  
 惟建初八年三月巳知皇帝曰咨王丕顯勤勞王室  
 親受策命昭於前世出作藩輔克慎明德率禮不越  
 傳聞在下昊天不弔報上仁俾屏余一人夙夜兢兢  
 靡所有終今詔有司加鑾輅乘馬龍旂九旒虎賁百  
 人送王行匪我憲王其孰離之魂而有靈保茲寵榮

嗚呼哀哉元和三年行東巡狩幸東平宮帝追感念  
 蒼謂其諸子曰思其人至其鄉其處在其人亡因泣  
 下沾襟遂幸蒼陵為陳虎賁鑾輅龍旂以章顯之祠  
 以太牢親拜祠坐哭泣盡哀賜御劍于陵前  
 中山王焉光武子以郭太后少子故獨留京師顯宗  
 永平二年冬諸王來會辟雍事畢歸藩詔焉與俱就  
 國從以虎賁官騎焉疏辭讓明帝報曰凡諸侯出境  
 必備左右故夾谷之會司馬以從今五國各官騎百  
 人稱媿稱媿謂齊整也前行皆北軍胡騎便兵善射弓不空  
 發中必決皆夫有文事必有武備所以重藩職也王



其勿辭帝以為郭太后偏愛特加恩寵獨得往來京師永平二年焉薨自中興至和帝時皇太子始封薨者皆賻錢三十萬布三萬匹嗣王薨賻錢千萬布萬匹是時竇太后臨朝竇憲兄弟擅權太后及憲等東海王出也故睦於焉而重於禮加賻錢一億詔濟南東海二王皆會大為脩冢塋開神道平夷吏人家墓以千數作者萬餘人發恒山鉅鹿涿郡柏黃腸雜木三郡不能備復調餘州郡工役及送致者數千凡徵發搖動六州十八郡制度餘國莫及

瑯邪孝王京光武之子性恭孝好強學顯宗尤愛幸賞賜恩寵殊異莫與為此

楚王英光武子少時好遊俠通賓客晚節更喜黃老學為浮屠齋戒祭祀明帝永平八年詔令天下死罪皆入縑贖英遣郎中令奉黃縑白紵三千匹詣國相曰託在蕃輔過惡累積歡喜大恩奉送縑帛以贖愆罪國相以聞詔報曰楚王誦黃老之微言尚浮屠之仁惻潔齋三月與神為誓何嫌何疑當有悔吝其還贖以助伊蒲塞桑門之盛饌

伊蒲塞即優婆塞也中華翻為近住言受戒行

堪近僧任也因以班示諸國中傳

下博侯張齊武王續孫以善議論永平十六年與奉



車都尉竇固等並出擊匈奴後進者多害其能數被  
譖訴建初中卒章帝下詔褒揚之復封張子它人奉  
其祀

下邳王衍明帝子永平十五年封衍有容貌章帝卽  
位嘗在左右建初初冠詔賜衍師傅已下官屬金帛  
各有差

清河王慶章帝子建初四年立爲皇太子十年廢爲  
清河王母宋貴人自殺慶時雖幼而知避嫌畏禍言  
不敢及帝憐之勅皇后令衣服與太子齊等太子特  
親愛入則共室出則同輿及太子卽位是爲和帝待

慶尤渥諸王莫得爲此嘗共議私事永元四年移幸  
于北宮章德殿講於白虎觀慶得入省止宿中傳衛  
訢私爲贓盜千餘萬詔使案理之并責慶不舉之狀  
慶曰訢以師傅之尊選自聖朝臣愚唯知言從事聽  
不甚有所糾察帝嘉其對悉以訢贓財賜慶殤帝卽  
位諸王就國鄧太后時聽清河王置中尉內史賜什  
物取乘輿上御以外家宋衍等並爲清河中大夫鄧  
太后以殤帝襁抱留慶長子祐居清河邸後立是爲  
安帝慶薨遣司空持節與宗正奉弔祭使車騎將軍  
鄧騭護喪事又使長樂謁者僕射中謁者二人副護



喪事賜龍旂九旒虎賁百人儀比東海恭王太后使掖庭丞送安帝所生母左姬喪與王合葬廣丘濟北惠王壽章帝子立三十一年薨永初以後戎狄叛亂國用不足始封王薨減贖錢爲千萬布萬疋嗣王薨五百萬布五千疋時惟壽最尊親特贖錢三千萬布三萬疋

東海王臻恭王彊曾孫性敦厚有恩嘗分租秩賑給諸父昆弟國相籍褒具以狀聞順帝美之制詔大將軍三公太鴻臚曰東海王臻以近籓之尊少襲王爵膺受多福未知艱難而能克已率禮孝敬自然事親盡愛送終竭哀降儀從士寢苦二年和睦兄弟恤養孤弱至孝純備仁義兼弘朕甚嘉焉夫勸善厲俗爲國所先曩者東平孝王敞兄弟行孝喪母知禮有增戶之封詩云永世克孝念茲皇祖今增臻封五千戶臻弟儉五百戶光啓土宇以酬厥德

彭城王和性至孝太夫人薨行喪陵次毀瘠殊禮傳相以聞桓帝詔使牛酒迎王還宮

魏任城王彰武帝子黃初初就國詔曰先王之道庸勲親親並建母弟開國承家故能藩屏太宗禦侮厥難彰前受命北伐清定朔土厥功茂焉增邑五千前



萬戶四年朝京都疾薨于邸謚曰威至葬賜鸞輅旌旆虎賁百人如漢東平王故事

陳思王植武帝之子初封雍丘王黃初六年文帝東征還過雍丘幸植宮增戶五百

彭城王據武帝子初封義陽文帝以南方下濕又以據太妃彭城人徙封彭城

中山恭王衮武帝子黃初三年封北海王其年黃龍見鄴西漳水衮上章贊頌詔賜黃金十斤詔曰昔唐叔歸禾東平獻頌斯皆骨肉贊美以彰懿親王研精墳典耽味道真文雅煥炳朕甚嘉之王其克慎明德以終令聞衮有令德青龍三年秋得疾病詔遣太醫視病殿中虎賁齋手詔賜珍膳相屬又遣太妃沛王林並就省疾及薨詔沛王林留訖葬使大鴻臚持節典護喪事宗正弔祭賻贈甚厚

安陽鄉侯休太祖族子少值喪亂渡江至吳太祖舉義兵北歸見太祖太祖謂左右曰此吾家千里駒也使與大帝同止見待如子嘗從征伐使領虎豹騎宿衛及爲鎮南將軍假節都督諸軍事車駕臨送帝乃下輿執手而別

陳侯仁太祖從弟也爲征南將軍以從事鄢陵侯彰



北征烏丸文帝在東宮爲詩戒彰曰爲將奉法不當如征南邪及卽玉位拜仁車騎將軍督都荆揚益州諸軍事增邑二千前三千五百戶追賜仁父獻謚曰陳穆侯置守冢十家

邵陵侯真太祖族子也明帝時爲大將軍蜀諸葛亮圍祁山真督諸軍事亮圍陳倉已有備而不能克增邑并前二千九百戶四年朝維陽遷大司馬賜劔履上殿入朝不趨真病帝自幸其第省疾真薨帝追真功詔曰大司馬蹈履忠節佐命三桓內不恃親戚之寵外不驕白屋之士可謂能持盈守成勞謙其德者也其封真五子爲列侯

武安侯爽邵陵侯真子少以宗室謹重明帝在東宮甚親愛之及卽位累遷城門較尉加散騎嘗侍轉武衛將軍寵待有殊齊王卽位賜劔上殿入朝不趨贊拜不名

晉安平王孚宣帝次弟武帝受禪拜太宰持節都督中外諸軍有司奏諸王未之國者所置官屬權未有備帝以孚明德屬尊遂備置官屬焉又以孚內有親戚外有交遊惠下之費而用不豐奉絹二千疋元會詔安平王孚乘輿車上殿帝於阼階迎拜跪坐帝親



奉觴上壽如家人禮帝每拜孚跪而上之又給以雲  
母輦青蓋車孚雖見尊寵不以為榮嘗有憂色孚薨  
武帝於太極東堂舉哀三日詔曰王勲德超世尊寵  
無二期願在位朕之所依庶永百齡諮仰訓導奄忽  
殂隕哀慕感切其以東園溫明秘器朝服一具衣一  
襲緋練百匹絹布各五百疋錢百萬穀千斛以供喪  
事諸所施行皆依漢東平獻王蒼故事帝每臨喪盡  
哀及葬又幸都亭望柩而拜哀動左右給鑿輅輕車  
介士虎賁百人吉鹵導從二千餘人前後鼓吹配饗  
太廟

平原王幹宣帝子武帝踐祚給鼓吹駙馬二匹加侍  
中之服太康末加侍中特假金章紫綬班次三司惠  
帝卽位劔履上殿入朝不趨

瑯邪武王佃宣帝子太康四年薨疾篤賜牀帳衣服  
錢帛杭梁等物遣侍中焉

扶風武王駿宣帝子咸寧中以氐戶在國界者增封  
給羽葆鼓吹病薨追贈大司馬加侍中假黃鉞

汝南王亮宣帝子武帝踐祚封扶風王三年徙封汝  
南王鎮南大將軍都督豫州諸軍事開府假節之國  
給追鋒車阜輪犢車錢五十萬徵為侍中武帝寢疾



出爲大司馬假黃鉞大都督豫州諸軍事出鎮許昌  
加軒懸之樂六佾之舞楊駿誅亮爲太宰錄尚書事  
入朝不趨劔履上殿增掾屬十人給千兵百騎爲楚  
王瑋矯詔所殺瑋死追復爵位給東園溫明秘器朝  
服一襲錢三百萬布萬疋絹三百疋喪禮如安平王  
故事廟設軒懸之樂

義陽王望安平王子泰始三年詔進位太尉中領軍  
如故置太尉軍司一人參軍事六人駉司馬五人又  
增置官騎十人弁前三十假羽葆鼓吹

高陽元王珪安平王子泰和十年薨詔遣兼大鴻臚  
持節監護喪事贈車騎將軍儀同三司珪有美譽於  
世而帝甚悼惜之

彭城穆王權宣帝弟東武城侯廆子武帝受禪爲北  
中郎內都督鄴城守諸軍事泰始中入朝賜袞冕之  
服

太原王瓌安平王孫泰始二年就國四年入朝賜袞  
冕之服遷東中郎將十年薨詔曰瓌乃心忠篤智器  
雅亮歷位文武有幹事之績出臨封土夷夏懷附鎮  
守許都思謀可紀不幸早薨朕甚悼之今安厝在近  
其追贈前將軍



齊獻王攸文帝子景帝無後命攸爲嗣武帝踐祚封齊王太康三年詔曰齊王攸明德清暢忠允篤誠以母弟之親受台輔之任佐命立勲劬勞王室宜登顯位以稱具瞻其以爲大司馬都督諸軍事侍中如故假節將本營千人親騎帳下司馬大軍皆如舊增鼓吹一部官騎滿二十人置騎司馬五人明年詔攸曰惟我有晉受天明命光建羣后越造王國于東是錫茲青社用藩翼我邦家茂哉無怠以永保宗廟又詔下太嘗議崇錫之物以濟南郡益齊國又以攸子寔爲北海王於是備物典策設軒懸之樂六佾之舞黃鉞朝車乘輿之副從焉攸薨詔喪禮依安平王孚故事廣設軒懸之樂配饗太廟

河間王顥太原王瓌子初襲父爵咸寧三年改封河間少有清名輕財愛士與諸王俱來朝武帝嘆顥可

以爲諸國儀表

西陽郡王羨汝南王亮子永嘉南渡元帝承制拜撫軍大將軍及元帝踐祚進位侍中太保以羨屬尊元會特爲設牀大興初錄尚書事尋領太宗師加羽葆斧鉞班劍六十人進位太宰及王敦平領太尉明帝卽位以羨宗室元老特爲之拜明帝寢疾羨與王導



令受顧命輔成帝時帝幼冲詔秉依安平獻王孚故事設牀帳於殿上帝親拜迎

汝南王祐汝南王亮孫永安中從惠帝北征帝遷長安祐反國及帝還雒以征南兵八百人給之特置四部牙門

秦王東武帝子於諸子中尤是寵愛以左將軍居齊獻王故府甚貴寵為天下所屬元康元年薨朝野痛惜之葬禮如齊獻文王攸故事廣設軒懸之樂

武陵王晞元帝子穆帝卽位累遷太宰太和初加羽葆鼓吹入朝不趨贊拜不名劔履上殿因讓

瑯邪王煥元帝子鄭夫人所生母有寵元帝特所鍾愛疾篤帝為之徹膳及薨年二歲帝悼念無已將葬以煥旣封列國加以成人之禮詔立凶門柏歷備吉凶儀服營起陵園功役甚衆

會稽王昱元帝子太和元年進位丞相錄尚書事入朝不趨贊拜不名劔履上殿給羽葆鼓吹班劔六十八人昱固讓

會稽王道簡文子太元初進驃騎將軍錄尚書六條事領司徒謝安薨詔領揚州刺史錄尚書假節都督中外諸軍事衛府文武一以配驃騎府固讓不受公



卿又奏進位丞相揚州牧假黃鉞羽葆鼓吹並不受  
安帝卽位有司奏進位太傅假黃鉞備殊禮又不受  
後並世子元顯俱爲桓玄所害及玄敗大將軍武陵  
王遵承制下令曰故太傅公阿衡二世契闊皇家親  
賢之重地竟與二騎驃大將軍內總朝維外宣威畧  
志蕩世難以寧國祚天未靖亂禍酷備鍾悲動區宇  
痛貫人鬼感惟永往心情摧隕今皇祚反正幽顯式  
叙宜崇明國體以述舊典便可追崇太傅爲丞相加  
殊禮一依安平獻王故事追贈驃騎爲太尉加羽葆  
鼓吹丞相墳塋翳然飄薄非所須南道清通便奉迎  
神柩太尉宜便遷改可下太史詳吉日定宅兆於是  
遣通直嘗侍司馬珣之迎道子柩於安成時寇賊未  
平喪不時達義熙元年合葬於王妃陵追謚會稽文  
孝王道子世子元顯曰忠

武陵忠敬王遵威王子桓玄篡位安帝蒙塵於尋陽  
義旗興密詔遵總攝萬機及安帝反正更拜太保加  
班劍二十人義熙四年薨詔賜東園温明秘噐朝服  
一具衣一襲錢百萬布千疋策贈太傅葬加殊禮  
琅邪王德文安帝母弟元興初桓玄執政進位太宰  
加衮冕之服綠綬綬桓玄平拜大司馬領司徒加殊



禮義熙五年置左右長史司馬從事中郎四人加羽  
葆鼓吹詔曰大司馬明德懋親太尉道勳光大並徽  
序藝倫燮和二氣髦俊引領思佐鼎飪而雅尚冲挹  
西門弗闕誠合大雅謙虛之真實違急賢贊世之務  
昔蒲輪載徵異人並出東平開府奇士嚮臻濟濟之  
盛朕有欽焉可勅二府依舊辟召必將明敷俊乂嗣  
軌前賢矣於是始辟召掾屬時太尉裕都督中外諸  
軍詔曰大司馬地隆任重親賢莫二雖府受節度可  
身無珍敬

册府元龜卷第二百七十五 十一月初七日校

册府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

宗室部 十五

褒寵二

宋長沙景王道憐高祖中弟末初二年朝正入住殿  
省三年高祖不豫加班劔三十人六月薨追贈太傅  
持節侍中都督刺史如故祭禮依晋太宰安平王故  
事鸞輅九旒黃屋左纛輜輶挽歌二部前後部羽葆



鼓吹虎賁班劍百人

長沙成王義欣景王道憐子元嘉七年遷使持節監豫司雍并四州諸軍事征虜將軍如故給鼓吹一部十一年夏入太廟太祖厚加恩禮

臨川烈武王道規高祖少弟晉義熙末位至荊州刺史征西將軍高祖受命贈大司馬追封臨川王文帝少爲道規所養後文帝還本以長沙王子義慶嗣慶爲荊州廟主當隨任江陵文帝下詔褒美勲德及慈蔭之重曰褒道崇德經國之盛典尊親追遠因心之所隆故侍中大司馬臨川烈武王体道欽明至德淵

邈睿哲自天孝友光備爰始協規則翼贊景業陵威致討則尅翦梟鯨逮妖逆交侵方難孔棘勢踰累棊人無固志武王神謨獨運靈武宏發輯寧內外誅履群凶故已化被江漢勲高微管遠猷侔於二南英雅邁於兩獻矣朕幼蒙殊愛德廕特隆豐恩慈訓義深情戚永惟仁範感慕纏懷今當擁移寢祐初祀西夏恩崇嘉禮式脩徽章庶以昭宣風度允副幽顯其追崇丞相加殊禮鸞輅九旒黃屋左纛給節鉞前後部羽葆鼓吹虎賁班劍百人侍中如故及長沙太妃檀氏臨川太妃曹氏後薨祭皆給鸞輅九旒黃屋左纛



輜輳車挽歌二部前後部羽葆鼓吹虎賁班劍百人  
江夏文獻王義恭高祖之子高祖特所鍾愛諸子莫  
及元嘉十七年徵爲侍中司徒錄尚書事給班劍二  
十人置兵加仗二十一年進位太尉領司徒相府年  
給錢二千萬他物稱此而義恭性奢用嘗不足太祖  
又別給錢年千萬二十六年領國子祭酒時有獻五  
百里馬者以賜義恭二十七年出鎮彭城二十九年  
冬還朝帝以御乘蒼鸞船上迎之元凶弑逆義恭上  
表勸進世祖踐祚特授使持節侍中都督揚南徐三  
州諸軍事太尉錄尚書六條事楊南徐二州刺史給

鼓吹一部班劍二十人又假黃鉞事寧進位太傅領  
大司馬增班劍爲三十人以藩所服玉環大綬賜之  
增封二千戶孝建元年南郡王義宣臧質魯爽等反  
加黃鉞白直百人入六門事平以臧質七百里馬賜  
義恭又增封二千戶大明三年省兵佐加領中書監  
以崇藝昭武永化三營合四百三十七戶給府更增  
吏僮千七百人合爲二千九百人六年解司徒府太  
宰司依舊辟召又年給三千匹布撰國史孝武自爲  
義恭作傳永光元年八月爲廢帝所害明帝定亂追  
崇使持節侍中都督中外諸軍事丞相領太尉中書



監錄尚書事並如故給九旒鸞輅虎賁班劍百人前後部羽葆鼓吹輜輶車又下詔曰皇基崇建屯剝維難弘啓熙載底績忠果故從享世祀勒勲宗彞世祖定亂定業實資翼亮故使持節侍中都督中外諸軍事丞相領太尉中書監錄尚書事江夏文獻王義恭故使持節中都督南豫三州軍事太尉南豫州刺史巴東郡開國忠烈公元景故侍中司空始興郡開國襄公慶之故持節征西將軍雍州刺史洮陽縣開國肅侯懋或体道冲玄變化康世或盡誠致效夷難龕逆宜式遵國典陪祭廟廷

義恭子伯禽孝建三年生元亮作逆義恭諸子皆遇害朝廷哀之至是孝武名之曰伯禽以擬魯公伯禽周公旦之子也

衡陽王義季高祖之子太祖爲荊州高祖使隨往繇是特爲太祖所愛元嘉十六年代臨川王義慶爲荊州給鼓吹一部義季素拙書帝聽使餘人書啓事唯自署名而已義季病篤帝遣中書令徐湛之省疾召還京師未及發薨於彭城時年三十三

彭城王義康高祖之子太祖卽位進號驃騎將軍加散騎常侍給鼓吹一部元嘉二年改授都督荆湘等八



州諸軍事給班劔三十人九年太妃薨辭班劔解侍  
中十二年復加侍中班劔

南郡王義宣高祖之子世祖即位以爲中書監進號  
中軍將軍加散騎嘗侍給鼓吹一部又都督楊豫二  
州丞相錄尚書六條加羽葆鼓吹給班劔四十人  
竟陵王誕文帝第六子元嘉二十六年爲會稽太守  
加鼓吹一部孝武既平元兗進號驃騎將軍加班劔  
二十人

建平王宏文帝第七子也文帝寵愛殊嘗爲立第於  
鷄籠山盡山水之美建平國職高他國一階

廬州王禧文帝第八子大明二年爲散騎嘗侍中書  
令領驍騎將軍給鼓吹一部明帝踐祚加侍中中書  
監給班劔三十人

桂林王休範文帝第十八子永光初以驃騎大將軍  
還爲江州進督越州諸軍事給三望車一乘明帝遺  
詔進位司空侍中加班劔三十人

始平王子鸞孝武第八子母殷淑儀寵傾後宮子鸞  
愛冠諸子凡爲帝眄遇者莫不入子鸞之府國及爲  
南徐州又割吳郡以屬之六年以本官兼司徒進號  
撫軍司徒給節禮儀並依正公又加都督南徐諸軍



事八年加中書令領司徒

成安王準明帝第三子拜撫軍將軍置佐史元徽二年進號軍騎將軍都督揚南豫州諸軍事給鼓吹一部刺史如故四年又進驃騎大將軍號開府儀同三司班劔三十人都督刺史如故

營浦侯遵考高祖族弟也明帝即位爲侍中特進右光祿大夫領崇憲太僕給親侍三十人泰始五年賜几杖太官四時賜珍味疾病太醫給藥固辭几杖

當陽侯秉長沙王道憐孫也爲尚書左僕射參選元徽元年領吏部加兵五百人桂楊王休範爲逆中領軍勳出守石頭秉權兼領將軍所給加兵自隨入殿南譙王世子恢南郡王義宣子也晉氏過江不置城門較尉及衛尉官孝武欲重城禁故復置衛尉卿以恢爲侍中領衛尉衛尉之置自恢始也

南齊豫章王嶷太祖第二子特所鍾愛太祖即位以爲都督荆湘等八州諸軍事南蠻較尉荆湘二州刺史持節侍中將軍開府如故晉宋之際刺史多不領南蠻別以重人居之至是二府二州荆州資費歲錢三千萬布萬疋米六萬斛南蠻資費歲錢三千萬布萬疋米千斛近代莫比也尋給油



絡夾望車又給班劍二十人入爲都督楊南徐三州諸軍事中書監司空加兵置佐以前軍臨川王映府文武配司空府世祖卽位進位大尉永明二年中詔曰漢之梁孝寵異列藩晉之秦猷秩殊嘗序况乃地侔前准勲兼徃式雖天倫有本而因事增情宜廣田邑用申恩禮增封爲四千戶元嘉世諸王入齋閣得白服郡帽見人主唯出大極四廟乃備朝服自此已來此事一新帝與嶷同生持相友睦官中曲宴許依元嘉嶷固辭不奉勅唯車駕幸第乃白服烏紗帽侍宴大明八年給皂輪車妃庾氏嘗有疾瘳帝幸後堂設金石樂宮人畢至每臨幸輒極日盡歡嶷疾篤表解職不許賜錢百萬營功德嶷又啓曰臣自嬰今患亟降天臨鑒降術宮泉開藏府慈寵優渥備極人臣生年疾迫遽陰無幾願陛下審賢與善極壽蒼旻強德納和爲億兆御臣命違昌數奄奪恩憐長辭明世伏涕嗚咽薨日帝再視疾至薨乃還宮詔曰嶷明哲至親勲高業始德懋王朝道光區縣奄至薨逝痛酷抽割不能自勝奈何今便臨哭九命之禮宜脩其制歛以交冕之服温明秘噐命服一具衣一襲喪事一依漢東平王故事大鴻臚持節護喪事太官朝夕送



莫大司馬太傅二府文書悉停過葬竟陵王子良上  
啓曰臣聞春秋所以稱王母弟者以尊其所重故也  
是以禮秩殊品爵命崇異在漢則梁王備出警入蹕  
之儀在晉則齊王具殊服九命之贈江左以來尊親  
是闕故致衮冕之典廢而不傳寔繇人缺其位非禮  
虧省齊王故事與今不殊締構王業功迹不異凡有  
變革隨時之宜者正緣恩情有輕重德義有厚薄若  
事籌前規禮無異則且梁齊闕令終之美猶饗褒贈  
之榮况故大司馬仁和著於天性孝弟終於立身節  
義表於勤王寬猛彰於御物奉上無艱劬之貌接下  
無毀傷之容淡矣止於清貞無喜愠之色悠然棲於  
靜默絕馳競之野詩有云靡不有初鮮克有終夫終  
之者理寔爲難在於今行無廢斯德東平樂於小善  
河間悅於詩書况勲績無間艱危不涉尚致桌爾不  
群英聲萬代况今協贊皇基經綸霸始功業高顯清  
譽踰彰富貴隆重廉潔彌峻等古形今孰類茲美臣  
愚忖度未有斯例凡庶族同氣愛睦尚少豈有仰觀  
陛下垂友于之性若於此者乎共起布衣俱登天貴  
生平游處何事不同分其均味何珍不等未嘗不觀  
貌而天心惟見形而聖儀悅爰及臨危捨命親瞻喘



息萬分之際沒在聖目號哭動乎天地感動驚乎鬼神乃至撤膳移寢坐泣遷祖神儀損耗隔宿改容奉瞻聖顏誰不悲悚歷古所未聞記籍所不載既有若斯之大德寔不可見典服之贈不彰如其脫致虧志追改爲煩不令千載之下物有違限其德不具美者尚荷嘉隆之命况事光先烈者寧可缺茲盛典臣恐有識之人容致其議且庶族近代桓温庾亮之類亦隆殊命伏度天心已當有在又詔曰寵章所以表德秩禮所以紀功慎終追遠前王之盛策累行疇庸列代之通詔故使持節都督揚南徐二州諸軍事大司

馬領太子太傅揚州刺史新除中書監豫章王嶷体道秉哲經仁締義挺清譽於弱齡發韶風於早日締綸霸業之初翼贊皇基之始孝睦著於鄉閭忠諄彰乎邦邑及秉德論道摠收神甸七教必荷六符咸理振風潤雨無踰於時候卹民拯物有篤於矜懷雍容廊廟之華儀刑列郡之觀神凝自遠具瞻允集朕友于之深情兼家國方授以神圖委諸廟勝緝頌九絃陪禪五嶽不憖遺德奄焉薨逝哀痛傷惜震動乎厥心今先遠戒期龜筮襲吉宜加茂典以協徽猷可贈假黃鉞都督中外諸軍事丞相揚州牧綠絛綬具九



服錫命之禮侍中大司馬太傅王如故給九旒鸞輅黃屋左纛虎賁班劍百人輜輶車前後部羽葆鼓吹葬送儀依平王故事

臨川獻王映太祖第三子出爲都督荆湘等九州諸軍府鎮西將軍給鼓吹一部永平二年給油絡車七年薨詔賜東園秘噐朝服一具衣一襲贈司空

長沙威王晃太祖第四子世祖卽位進號車騎將軍侍中如故給油絡車鼓吹一部永明八年薨賜東園秘噐朝服一具衣一襲卽本號贈開府儀同三司太祖嘗曰此我家任城也世祖緣此意謚曰成

武陵昭王曄太祖第五子母羅氏從太祖在淮陰以罪誅故曄見愛世祖卽位爲丹陽尹嘗侍將軍如故始不復置行事得自親政轉侍中護軍將軍給油絡車又給扶二人世祖遺詔爲衛將軍開府儀同三司給鼓吹一部隆昌元年薨賜東園秘噐朝服贈司空侍中如故給節班劍二十人

鄱陽王鏘太祖第七子鏘和悌美令有寵於世祖末明十一年爲領軍將軍領軍之授齊室諸王所未爲車駕遊幸嘗甲仗衛從恩待次豫章王疑其年給油絡車隆昌元年俄遷侍中驃騎將軍開府儀同三司



領兵置佐

桂陽王鐸太祖第八子性清羸有冷疾嘗枕卧世祖臨視賜床帳衾禱

始興簡王鑑太祖第十子永明九年進爲散騎嘗侍領石頭戍事世祖以與鑑久別車駕幸石頭宴會賞賜

竟陵王子良武帝第二子建元二年爲丹陽尹制東宮官僚以下致敬子良永明元年徙爲侍中都督南兗徐青冀五州征北將軍南兗州刺史持節如故給油絡車明年入爲護軍將軍兼司徒領兵置佐侍中

如故鎮西州三年給鼓吹一部四年進號車騎將軍五年進位司徒給班劍二十人至八年給與三望車欽林及即位進位大傅增班劍三十人隆昌元年加殊禮劍履上殿入朝不趨贊拜不名其年薨鬱林嘗慮子良有異志及薨甚悅詔給東園温明秘噐歛以袞冕之服東府施喪位大鴻臚持節監護大官朝夕送祭又遣追崇假黃鉞侍中都督中外諸軍事太宰領大將軍揚州牧綠綬綬綬備九服錫命之禮使持節中書監王如故給九旒鸞輅黃屋左纛輜輶車前後部羽葆鼓吹挽歌虎賁班劍百人葬禮依晋安平王



孚故事

晉安王子懋武帝第七子末明十一年爲使持節都督齊梁等四州二郡諸軍事征北將軍雍州刺史給鼓吹一部豫章王喪服未畢帝以邊州湏威望許得奏之

隋郡王子隆武帝第八子帝以子隆能屬文謂王儉曰我家東阿重出寔爲皇家藩屏末明八年爲使持節六州諸軍事荊州刺史給鼓吹一部

南康王子琳武帝子以母寵故最見愛太尉王儉因請婚武帝悅而許之郡臣奉寶物名好盡直數百金武帝爲之報荅如此及應封而好郡已盡乃以宣城封之既而以宣城屬揚州不欲爲王國改封南康公褚齊爲巴東公以南康爲王國封子琳

新吳侯景先太祖從子也武帝卽位爲侍中領左軍將軍尋兼領軍將軍景先事帝盡心故恩寵特密初西還帝坐景陽樓召景先語故舊惟豫章王一人在席而已轉中領軍車駕射雉郊外行游景先聳甲仗坐庶察左右末明五年爲征虜將軍丹陽尹摠率步騎屯義陽遇疾卒帝傷惜之詔曰西信適至景先奄至喪逝悲懷切割不能自勝今便舉哀賻錢十萬布



二百疋景先喪還詔曰新吳侯景先器懷開亮幹局  
通敏綢繆少長義兼勲戚誠著夷險績茂所司方升  
寵榮用伸任寄奄至喪逝悲痛良深贈侍中征北將  
軍南徐州刺史給鼓吹一部假節鉞侯如故謚曰忠  
侯  
南豐伯赤斧太祖從祖弟也世祖親遇與蕭景先相  
比及卒無儲積無絹爲衾帝聞之愈忱惜詔賻錢五  
萬上材一具布百疋蠟二百斤追贈金紫光祿大夫  
謚曰懿伯子穎胄起家秘書郎太祖謂赤斧曰穎胄  
輕肥被身覺其進轉羨足慰人意遭父喪感脚疾數  
年然後能行世祖有詔慰勉賜醫藥穎胄好文弟穎  
基好武世祖登烽火樓詔賦詩合旨帝曰卿文弟武  
宗室便不乏才明帝廢立賜穎胄嘗所乘白犢牛中  
興元年爲侍中尚書令監八州軍事行荊州刺史及  
卒和帝出臨詔賜侍中丞相本官如故前後部羽葆  
鼓吹班劍三十人輜輶車黃屋左纛  
曲江縣公遙光太祖兄衡陽元王道度子明帝初郎  
位誅賞諸事唯遙光共謀議建武二年進號撫軍將  
軍加散騎嘗侍給通幃車鼓吹後加侍中中書令給  
仗末元元年給班劍二十人郎本號開府儀同三司



豐城縣公遙昌遙光弟也建武中官至征虜將軍豫州刺史末泰元年卒帝愛遙昌兄弟如子甚痛惜之贈車騎將軍儀同三司帝以問徐孝嗣孝嗣曰豐城本貧尚輕贈以班台如爲小過帝曰卿乃欲存萬代準則此我孤兄弟子不得與計

南郡王昭業文惠太子長子末明七年有司奏給班劔二十人鼓吹一部高選友學十一年給皂輪三望車詔高選國官

巴陵王寶義明帝長子爲南徐州刺史東昏即位進征北大將軍開府儀同三司給使末元元年給班劔二十人

梁長沙王業武帝長兄懿之子也仕齊至侍中尚書令征虜將軍爲東昏侯所害和帝中興元年追贈侍中中書監司徒太后臨朝改贈太傅天監元年追崇丞相王爵給九旒鸞輅輶車黃屋左纛前後部羽葆鼓吹挽歌二部武賁班劔百人一依晉安平王故事

臨川靖惠王宏太祖第六子天監元年爲後軍將軍揚州刺史又給鼓吹一部七年三月以疾累表自陳詔許改揚州餘如故四月薨自疾至於薨輿駕七出



臨視及葬詔曰侍中大尉臨川王宏器宇冲貴雅量  
弘通爰初弱齡行彰素履逮于應務嘉猷載緝自皇  
葉起基地惟介弟久司神甸歷位台階論道登朝物  
無異議朕友于之至家國兼情方弘燮贊儀刑列辟  
天不憖遺奄焉弗求哀痛抽切震動于厥心宜增峻  
禮秩式昭懋典可贈侍中大將軍揚州牧假黃鉞王  
如故并給羽葆鼓吹一部增班劍爲六十人給温明  
秘器歛以袞服

安成康王秀太祖第七子天監五年以右將軍加領  
軍中書令給鼓吹一部十六年爲雍州刺史寧蠻較尉  
十七年薨高祖聞之甚痛惜遣皇子南康王績緣道  
迎候

南平元襄王偉太祖第八子齊和帝以爲雍州刺史  
寧蠻較尉天監元年進督荆寧二州俄給鼓吹一部  
十三年改爲左光祿大夫加親信四十人歲給米萬  
斛布絹五千匹藥直三百四十萬厨供月二十萬并  
二衛兩營雜役二百人先置防閣白直左右職局一  
百人偉末年疾浸劇不復出藩故俸秩加焉大通四  
年遷中書令大司馬五年薨詔歛以袞冕給東園秘  
器又詔曰矜德紀功前王令典慎終追遠列代通規



故加侍中中書令及大司徒南平王偉器宇宏曠監  
識弘簡爰在弱齡清風載穆翼佐草昧勲高樊汚契  
濶艱難劬勞任寄及贊務論道弘茲袞職奄焉薨逝  
朕用震慟于厥心宜降寵命式昭茂典可贈侍中大  
宰王如故給羽葆鼓吹一部并班劍四十人  
鄱陽忠烈王恢太祖第九子天監十一年爲平西將  
軍雍州刺史給鼓吹一部七年爲荊州刺史進號驃騎  
大將軍普通七年九月薨于州詔曰故使持節散騎  
常侍都督荆湘雍涼益寧南比秦八州諸軍事驃騎  
大將軍開府儀同三司荊州刺史鄱陽王恢風度開  
朗器清凝質爰在弱歲美譽克宣洎于從政嘉猷載  
緝方入政論道弘變台階奄焉薨逝朕用傷悼于厥  
心宜隆寵命以申朝典可贈侍中護喪事  
始興忠武王憺太祖第十子天監初爲平西將軍荆  
州刺史三年加鼓吹一部十四年遷鎮右將軍荊州  
刺史十八年徵爲侍中中撫將軍開府儀同三司領  
軍將軍普通三年十一月薨追贈侍中司徒驃騎將  
軍給班劍三十人羽葆鼓吹一部册曰咨故侍中司  
徒驃騎將軍始興王夫忠爲令德武謂止戈于以用  
之載在前志王有佐命之元勲利人之厚德契濶二



紀終始不渝是用方軌往賢稽擇故訓鴻名美號允  
臻其極今遣大鴻臚程爽謚曰忠武魂而有靈歆茲  
顯號嗚呼哀哉

西昌侯藻長沙王懿之子大通三年為中將軍太子  
詹事出為丹陽尹高祖每嘆曰子弟並如迦葉吾復  
何憂迦葉者藻之小名也

吳平侯景高祖從父弟天監初為冠軍將軍南兖州  
刺史詔景母毛為國太夫人禮如王國大妃假金章  
紫綬十三年又徵為鎮軍將軍直殿省知十州損益

事月加祿五萬十九年為安西將軍郢州刺史將行  
幸建興苑餞別為之流涕給鼓吹一部

廬陵威王績高祖第五子中大通二年為雍州刺史  
南蠻較尉平北將軍給鼓吹一部

邵陵雋王綸高祖第六子普通七年拜侍中大通元  
年加信威將軍置佐史

武陵王紀高祖第八子授揚州刺史中書詔成武帝  
加四句曰貞白儉素是其清也臨財能讓是其廉也  
知法不犯是其慎也庶事無留是其勤也紀特為帝  
所愛

南郡王大連簡文帝大同十年高祖幸朱方與兄大



臨並從高祖各給馬試之俱得馳驟之節高祖大悅他日謂太宗曰昨見大臨大連風韻可愛足以慰吾老年不肖長其地也忠壯世子方等元帝長子也征河東王溺死世祖後追思其才贈侍中中軍將軍揚州刺史爲招魂以哀之

陳末脩侯擬高祖疎屬也文帝卽位爲丹陽尹天嘉元年卒贈領軍將軍凶事所湏並官資給二年配饗高祖廟廷

宜黃侯惠紀高祖之從孫也至德二年遷雲麾將軍荆州刺史賜女妓一部

南康愍王曇朗高祖母弟忠壯王休先子也休先爲質於齊爲齊所害時與齊絕尚弗之知高祖踐祚以曇朗襲封南康郡王奉忠壯王祀禮秩一同皇子天嘉二年齊人結好方始知之世祖詔曰夫追遠慎終抑聞前誥南康王曇朗明哲懋親藩維是屬入質北齊用紓時難皇運肇興未獲旋反未言跋望日夜不忘齊使始至函問奄出追懷痛悼兼倍嘗情宜隆寵數以光尊序可贈侍中安東將軍開府儀同三司南徐州刺史謚曰愍



衡陽獻王昌高祖第六子荊州陷與高祖俱遷閔右  
天嘉元年乃得還百寮上表曰扞城之寄匪親勿屈  
宜啓服衡疑兼崇徽飾臣等參議請以爲散騎嘗侍  
都督湘州諸軍事驃騎將軍湘州刺史衡陽郡王加  
給皂輪三望車後部鼓吹一部班劔二十人啓可奉  
行三月入境詔令中書舍人緣道迎接丙子濟江干  
中流船壞以溺薨柩至京師上親出臨哭乃下詔曰  
夫寵章所以嘉德禮數所以崇親乃歷代之通規固  
前王之令典新除使持節散騎嘗侍都督湘州諸軍  
事驃騎將軍湘州牧衡陽王昌明哲在躬挂璋早秀  
孝敬內湛聰睿外宣梁季艱虞宗社顛墜西京淪覆  
陷身闕隴及鼎業初基外藩逆命聘問斯阻音信莫  
通睠彼機橋將憐烏白今者群公戮力多難克清輕  
傳入邪無勞假道周朝敦其繼好駿駕歸來欣此朝  
聞庶歡昏定報施徒語曾莫輔仁人之云亡殄碎斯  
在奄焉薨殞倍增傷悼津門之慟空在崑岫之竊不  
追靜言念之心焉如割宜隆懋典以協徽猷可贈侍  
中假黃鉞都督中外諸軍事太宰揚州牧給束園溫  
明秘噐九旒鑿輅黃屋左纛武賁班劔百人輜輶車  
前後部羽葆鼓吹葬送之儀一依漢東平獻王齊豫



章文獻王故事仍遣大司空持節迎護喪事大鴻臚副其羽衛殯送所須隨繇備辦始興王伯茂文帝第三子帝纂位詔封始興王以奉昭烈王道談嗣時舊制諸王受封未加戎號者不置佐吏於是尚書八座奏曰夫增崇徽號飾表車服所以闡彰厥德下變民望第二皇子新除始興王伯茂体自尊極神姿明穎玉映鵬辰蘭芬綺歲清暉美譽日茂月昇道鬱平河聲超袞植皇情追感聖性天深以本宗闕緒纂承藩嗣雖珪社是膺而戎章未襲豈所以光崇睿哲寵樹皇枝臣等參議宜加寧遠將軍置佐吏詔曰可以太子母弟深愛之征北軍人盜發晉邨曇墓大獲晉右將軍王羲之書及諸名賢遺迹文帝以伯茂好古多以賜之

鄱陽王伯山文帝第三子帝深器之高祖時天下草創諸王受封儀注多闕及伯山受封帝欲重其事天嘉元年七月八座奏封伯山乃遣持節兼太宰蕭睿告于太宰王質告于大柱十月帝臨軒冊命策訖令王公以下讌于王第



冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

宗室部

褒寵三

後魏陳留桓王虔昭成帝孫也武力絕倫與慕容垂  
戰沒道武追惜傷慟者數焉配享廟庭封其子悅為  
末提王悅外和內狠道武以桓王死王事特加親寵  
秦明王翰子儀道武之孫為左丞相從征討有功太



武之初育也道武喜夜召儀入曰卿聞夜喚乃不恠懼乎儀曰恠則有之懼寔無也帝告以太武生因賜儀御馬御帶縑錦等道武以儀器望待之尤重數幸其第如家人禮

中山王纂秦明王翰孫初道武養於宮中太武踐祚除定州刺史封中山公進爵爲王賜步挽車以優異之

嘗山王遵子素道武之曾孫明元從母所生特見親寵

陳留王虔兄覬性嚴重少言道武嘗敬之雅有謀策從平中山以功賜爵蒲城侯平盧太守特見寵厚給鼓吹羽儀禮同岳牧蒞政以威信著稱

陽平王熙道武子明元治兵於東部詔熙督十二軍較閱甚得軍儀明元嘉之賞賜隆厚泰嘗六年薨明元哀勵不已賜溫明秘噐禮物備焉

河間公輿都初封樂成子猷文初以子東陽王丕貴重進爵樂城侯謝老歸家帝益禮之賜几杖服物致膳於第其妻婁氏爲東陽王太妃卒追贈定州刺史河間公

任城王雲景穆之子爲征東大將軍徐州刺史以大



妃蓋氏薨表求解任百姓所遺錢貨一無所受顯祖聞而嘉之復拜侍中賜錢千貫羊千口出爲雍州刺史州民頌之者千人文明太后嘉之賜帛千匹薨於州喪至京師車駕親臨哭

北海王詳獻文之子孝文自雒北巡詳嘗與侍中彭城王勰並在輿輦陪侍左右至文成射銘之處詔詳與侍臣皆試射遠近唯詳箭箭不及文成箭所十餘步孝文嘉之拊掌欣笑遂詔勒銘親自爲製車駕南伐行中領軍留守給鼓吹一部甲仗三百人

咸陽王禧獻文之子太和中爲冀州刺史孝文餞於南郊來朝京師將還州親餞之賦詩叙意入爲司州牧都督司豫荆郢雒東荆六州諸軍事詔以禧元弟之重食邑三千戶自餘五王皆食二千戶

趙郡靈王幹獻文之子孝文南伐以幹爲車騎將軍都督閔右諸軍事給銅虎符十別賜詩書班師遷雒除都督冀定瀛三州諸軍事征東大將軍冀州刺史開府如故賜雜物五百段又密賜黃金十斤孝文親餞於近郊後轄司州牧車駕南討詔幹都督中外諸軍事給鼓吹一部甲士三百人出入殿門太和二十三年薨給東園秘噐飲服十五稱贈帛三千疋陪葬



長陵

廣陵惠王羽獻文之子太和中進號驍衛將軍征東大將軍開府青州刺史孝文幸羽第與諸弟言曰朕昨親受人訟始知廣陵之明了咸陽王禧曰臣年為廣陵兄明為廣陵弟孝文曰我為汝兄汝為羽昆汝復何恨親餞之華林園宣武即位面受司徒薨於宣府武親臨哀慟給東園溫明祕器朝服一具衣一襲錢六十萬布一千匹蠟三百斤大鴻臚護喪事大殮帝親臨之舉哀于都亭贈使持節侍中驃騎大將軍司徒公冀州刺史給羽葆鼓吹班劍四十人及葬帝親

臨送

彭城王勰獻文之子孝文南討漢陽假勰中軍大將軍加鼓吹一部及為中書令孝文宴大臣於清徽堂日宴移於流化池芳林之下孝文曰向宴之始君臣肅然及將軍觴也而流景將頽竟不盡適戀戀餘光故重引卿等因仰觀桐葉之茂日其桐其椅其寔離離愷悌君子莫不令儀今林下諸賢足敷譎詠遂令黃門侍郎崔光讀暮春群臣應詔詩至勰詩孝文仍為之改一字曰昔祁奚舉子天下謂之至公今見勰詩始知中令之舉非私也勰對曰臣露此拙方見聖



朝之私賴蒙神筆賜刊得有令譽孝文曰雖雕琢一字猶是玉之本體勰曰臣聞詩三百一言以蔽今陛下賜刊一字足以價等連城後從孝文征沔北大破梁將崔慧景孝文不豫內侍醫藥孝文有瘳車駕還京會百僚於皇極堂行飲至策勲之禮命舍人宣旨勰翼弼六師纂戎荆楚沔北之勲每毗廟筭從討新野有尅城之謀受命鄧城致大捷之効功爲群將之最也別當受賞不替厥庸孝文謂勰曰吾與汝等早罹艱苦中逢契闊妄詐情意隨事而踈比纏患經歲危同寒葉非汝孔懷情敦忠孝孰能動止躬親必先藥膳每尋此事感思殊遠勰悲泣對曰臣等宿遭不天酷恨長世賴陛下撫育得參人伍豈謂上靈無鑒復使聖躬違和萬國所懸蒼生繫望寢興之勞豈申荼蓼以破慧景等勲增邑五百戶又詔曰朕形疲稚年心勞長歲積思成痾頃發汝潁第六弟勰孝均周弟誠佯姬旦遺食捨寢動止必親敦醫勸膳誠力俱竭求言保康是賴同氣又秉務緝政百司是憑綱維折衷萬揆獲濟撫師於霖浩之辰處戎於荐逼之日安外靜內功濟大道侍省之績可以孔懷無褒翼亮之勤實乃勲高社稷宜有酬賞以旌國功可增邑一



千戶勰辭曰臣受遇緣親榮枯事等以此獲賞深乖  
情願乞追成旨用息謗言詔曰汝在私能孝處公必  
忠比來勤憂足布朝野但可祗膺尋以勰爲司徒太  
子太傅侍中如故宣武卽位以有功任宰輔勰固讓  
宣武雖許之猶逼以外尚書令王肅等奏臣等聞旌  
功表德道貴前王庸勲親親義高盛典是故姬旦翼  
周光宅曲阜東平宰漢寵絕列蕃彭城王勰景思內  
昭英風外發協廓乾規掃氛漢沔厲先帝在天鳳旌  
旋旆靜一六師肅寧南服登聖皇於天衢開有魏之  
靈祐論道中鉉王猷以穆七德丕宣九功在詠臣等  
參議宜增邑一千五百戶詔曰覽奏倍增殞絕未足  
以上酬勲德且可如奏勰頻表固讓宣武與勰書曰  
諱奏辭暨今悲戀哽咽歲月易遠便迫暮冬每思聞  
道奉承風教父旣辭榮開外無容頃違至德出蕃累  
朝荒馳寔深今遣主書劉道斌奉宣悲戀願父來望  
必當留京展洩哀窮枯不云遠勰乃朝於京師景明  
初齊豫州刺史裴叔業以壽春內屬詔勰都督南征  
諸軍事餘如故與尚書令王肅迎接壽春詔曰五教  
治樞古難其選自非親賢兼切莫應斯舉王以明德  
懋親任屬保傳出居藩陝入御袞章內外克諧民神



攸屬今董率戎麾威號宜重可復授司徒以光望寔  
又詔勳以本官領揚州刺史

廣川剛王諧莊王畧之子大和中薨將大殮孝文素  
服深衣哭之入室哀慟撫尸而出詔贈諸武衛將軍  
及葬孝文親臨送之東陽王丕孝文嗣位累遷大尉  
錄尚書事淮南王他淮陽王尉元河東王苟頹並以  
舊老見禮每有大事引入禁中乘步挽杜子朝進退  
相隨文明太后爲王叡造宅故亦爲丕造甲第第成  
帝后幸之率百官文武享燕焉使尚書令王叡宣詔賜  
丕金卮一鈕又特賜金券帝北巡狩丕留守賜所乘  
車馬往來府省帝幸平城子隆謀逆丕免死爲太原  
百姓丕年垂八十猶自平城力載隨駕至雒留雒陽  
帝每遣左右慰勉之乃還晉陽孝文沒丕自并來赴  
宣武引見之以丕舊老禮有加焉尋勅晉雒陽後宴  
于華林都亭特令二子扶持坐起丕歷仕六世年垂  
七十位極公輔而還爲庶人然猶心戀京邑不能自  
絕人事詔以丕爲三老襲嘗山宣王忠字仙德孝文  
世累遷右僕射賜爵城陽公太和四年疾篤辭退養  
病於高柳輿駕親送都門之外群僚友臣執別者莫  
不涕泣及卒皆悼之命有司爲立碑銘



淮南王他陽平王熙之子太和初拜侍中轉征西大將軍遷司徒賜安車几杖入朝不趨太和十二年薨孝文有事宗廟始薦聞他薨為之廢祭輿駕親臨慟詔有司監護喪事

南平王渾陽平王熙之第二子太武器其藝能掌引侍左右賜馬百匹子霄嗣霄好直言正諫孝文特垂欽重詔曰自今奏事相稱可去姓名唯南平王一人可直言某封太和十七年薨賜朝服冥衣一襲東國第一秘器絹千疋孝文總衰臨霄喪哀慟左右醺不舉樂贈衛將軍定州刺史賜帛五百疋

江陽王繼南平王霄第二子義先納靈太后妹及太后臨朝數與孝明幸繼宅置酒高會班賜有加尋遷侍中驃騎大將軍儀同三司特進領軍如故徙封京兆王繼疾患積年就養于家每至靈太后與孝明遊幸於外時令扶入宮守禁內及節慶宴饗皆力疾參焉特轉太保侍中加後部鼓吹孝明詔曰至節嘉辰禮有朝慶親尊戚老理宜優異王位高年宿可依齊郡王簡故事朝訖引坐甄其拜伏轉太傅侍中類讓不許大官給酒饌供賓客又詔令乘步挽至殿庭兩人扶侍禮秩與丞相高陽王相埒後除使持節侍中



太師大將軍錄尚書事大都督節度西道諸軍出師之日車駕臨餞傾朝祖送賞賜萬計繼啓求還復江陽詔從之繼長子义娶靈太后妹孝明初以侍中領軍輔政威振於内外乃封其子亮平原郡開國公食邑一千户及拜孝明御南門臨觀并贈賜御馬帛千疋

廣陽王嘉簡王廷之子宣武時拜衛大將軍尚書令除儀同三司嘉好飲酒或沉醉在宣武前言笑自得無所顧忌帝以属尊年老嘗優容之與彭城北海高陽諸王每入宴集極懽彌夜數加賞賜帝以時幸其

第

廣陵侯衍陽平王新成之次子爲徐州刺史至州病重孝文勅徐成伯乘傳療疾差成伯還帝曰卿定名醫賚絹三千疋成伯辭請受一千帝曰詩云人之云亡邦國殄瘁以是而言豈惟三千疋乎其爲帝所重如此

南安惠王楨性忠謹事毋以孝聞孝文賜帛千疋以褒之徵赴講武

楨子英字虎兒時梁平三關戍宣武詔曰知賊城已下復克三關展威闡境聲略宣振公私稱泰良以欣



然將軍淵規內斷忠謀外舉受律揚旌克申廟筭雖  
方叔之制蠻荆召虎之掃淮浦匹茲蔑如也新州初  
附宜廣經略想善簡督必令周固有所委付然後凱  
旋耳

安定靖王休太和中爲大司馬從駕幸鄴命休率從  
駕文武迎家于平城孝文親餞休於漳水之北十七  
年春與大保齊郡王簡並蠲朔望之禮十八年休寢  
疾高祖幸其第流涕問疾中使醫藥相望於路薨贈  
帛三千疋自薨至殯車駕三臨孝文至其門改服楊  
衰素并加經皇太子百官皆從行吊禮及將葬又贈  
布帛二千疋詔假黃鉞加羽葆鼓吹虎賁劔班六十  
三人悉准三老尉元之儀孝文親送出郊慟哭而返  
諸王恩禮莫比焉宣武世配饗廟庭

任城文宣王澄從孝文征南至懸瓠以篤疾還京駕  
餞之汝墳賦詩而別崑山刺史穆泰反以澄行州事  
遂授節銅虎竹使符御使左右孝明世爲司空侍中  
西域之厭達波斯諸國各因公使並送澄駿馬一疋  
澄請付公僕以充國閑詔曰至廉貞之德也有過楚  
湘可勅付廐以成君子大哉之美後爲司徒尚書令  
薨詔百寮會喪贈假黃鉞使持節都督中外諸軍事



太傅領大尉公加以殊禮備九錫依晉大司馬齊王攸故事謚曰文宣澄之葬也凶飾甚盛靈太后親送郊外停輿悲哭哀慟左右百官會赴千餘人莫不歔歔當時以爲哀榮之極

澄子嵩爲安南將軍楊州刺史累戰有功後爲蒼頭李太伯所害宣武爲嵩舉哀於東堂贈絹一千匹贈車騎將軍領軍

嵩弟順爲左僕射爾朱榮之亂爲鮮于康奴所害家徒四壁無物殮尸止有書數千卷而已門下通事令史王才達裂裳覆之莊帝還宮遣黃門侍郎山備巡

喻京邑備臨順喪悲慟無已既還莊帝恠而問曰黃門何爲聲散備以狀對莊帝勅侍中元祉曰宗室亡非一不可周賸左僕射清苦之節死乃益彰特贈絹百疋餘不得爲例贈驃騎大將軍尚書令司徒公定州刺史謚曰文烈

高陽王雍獻文之子爲驃騎大將軍司州牧宣武時幸雍第盡家人之禮孝明初詔入居太極西柏堂詔決大政給溫信二十人又詔雍爲宗師進大傅侍中領大尉公王如故別勅將作營國子學寺給雍居之靈太后詔雍乘步挽入掖門又以本官錄尚書事雍



類表辭遜優答不許詔侍中敦喻孝明覽政詔雍乘車出入大司馬門進位丞相給後部羽葆鼓吹倍加班劔催令速拜詔雍依齊郡順王簡太和故事朝訖引坐特優拜伏之禮孝昌初詔曰比相府弗開陰陽未變王秉哲居宗勲望隆重道庇蒼生威被華裔躰國猶家匪躬在節可開府置佐吏又詔曰丞相高陽王道德淵廣明允篤誠儀刑太階垂風下國寔所以予違汝弼致治責成宜班新制宜之遐邇其州郡先上司徒公文悉可改上相府施所符告皆亦如之後遇害於河陰贈假黃鉞相國

城陽王徽爲安西將軍秦州刺史詔書且至夕發徽以將之秦部請詣闕恭授仍表啓固陳請不之職改授輔國將軍加度支尚書元顥入雒徽從莊帝北巡及車駕還宮以與謀之功除侍中大司馬大尉公加羽葆鼓吹增邑通前三萬戶

章武王融與葛榮戰敗見殺孝明舉哀於東堂賜東園秘噐朝服一具絲二千八百段尋以融死事進贈司徒加後部鼓吹

襲崑山王素孫暉孝明世爲尚書令攝吏部選事神龜元年卒賜東園秘噐贈使持節都督中外諸軍事



司空公將葬給羽葆鼓吹班劍二十人羽林二百二十人

趙部王謐靈王幹之子除都官尚書加安西將軍正光四年薨給東園秘器朝服一具衣一襲贈帛五百疋

謐弟惠羽林監直閣將軍早卒贈帛五百疋贈鎮遠將軍寧州刺史

武川鎮將軍蘭子志爲雒陽令與御史中尉爭路帝謂那巒曰此兒竟可謂王孫公子不鏤自雕巒曰露竹霜條故多勁節非鸞則鳳其在本枝也

武昌王鑒宣武時爲征虜將軍徐州刺史尅梁角城帝詔鑒曰知獲角城威謀展稱良以欣然此帶淮滸州路衝要自經昔筭未能尅之蟻固積紀每成邊害將軍淵規潛運妙略克宣闢境尅城功著不日據要扼喉津徑勢阻可謂勲高三捷朕甚嘉焉守御諸軍善以量度宣慰之使尋當別遣

上黨王天穆以平邢杲之亂莊帝加太宰羽葆鼓吹增邑通前七萬戶

北齊廣平公盛神武從叔祖也歷位太尉天平三年薨贈假黃鉞太尉太師錄尚書事



平秦王歸彥神武族弟天保中以討侯景功封爲長  
郡公除領軍大將軍領軍加大自歸彥始也文宣誅  
高德政金寶財貨悉以賜之及爲司空時孝昭將入  
雲龍門都督成休寧列拒而不內歸彥論之然後得  
入進向指閣末巷亦如之孝昭踐祚以此彌見優重  
每入嘗在平原王段韶上以爲司空兼尚書令齋宮  
內唯天子紗帽臣下皆戎帽特賜歸彥紗帽以寵之  
平陽王淹神武子皇建初爲太傅與彭城王浹河間  
王孝琬並給仗身羽林百人

彭城王浹神武子爲太師錄尚書事河清三年車駕  
巡幸浹留鄴爲郡盜所害贈假黃鉞大師大尉錄尚  
書事給輜輶車

襄城王消神武子天保三年薨朝明元年贈假黃鉞  
大師大尉錄尚書事

高陽王湜神武子廢帝初薨乾明初贈假黃鉞大師  
司徒錄尚書事

馮翊王澤神武子爲太師太宰薨贈假黃鉞左丞相  
琅琊王儼武成第三子也爲領軍大將軍領御史中  
丞魏氏舊制中丞出清道與皇太子分路行王公皆  
遙住車去牛頓輒於地以待中丞過其或遲違則赤



捧捧之自都鄴後此儀浸絕武成欲雄寵儼乃使一  
依舊制儼初從北宮出將上中丞凡京畿步騎領軍  
之官屬中丞之威儀司徒之鹵簿莫不畢備帝與后  
在華林園東門外張幕隔青紗步障觀之觀者傾京  
邑儼嘗在宮中坐含光殿以視事

後周晉公護太祖兄子爲大冢宰明帝立拜太師賜  
路車冕服又爲雍州牧并賜金石之樂武帝保定三  
年詔曰大冢宰晉國公智周萬物道濟天下所以克  
成我帝業安養我蒼生况親則懿昆任當元輔而可  
同班庶品齊位衆臣自今詔誥及百司文書並不得  
稱公名以彰殊禮護固讓五年詔曰先宅曲阜魯用  
郊天之樂地處參虛晉有大蒐之禮所以言時計功  
昭德紀行使持節太師都督中外諸軍事柱國大將  
軍大冢宰晉國公體道居貞含和誕德地居戚右才  
表棟隆國步艱難寄深夷險皇綱締構事均休感故  
以迹冥殆庶理契如仁今文軌尚隔方隅猶阻典策  
未備聲名多闕宜賜軒懸之樂六佾之舞  
趙王招陳王絕越王盛滕王迨皆文帝子靜帝即位  
加招等入朝不趨劔履上殿  
代王達字度介天性果決善騎射初封代公出爲荆



州刺史在州有政績高祖手勅褒美之高祖東伐以爲將軍摠管齊淑妃馮氏尤爲齊後主所幸齊平帝以達不遜聲色以馮氏賜之靜帝即位詔與趙王招等入朝不趨歛履上殿

蔡公廣太祖兄邵惠王顥孫也廣母李氏以廣患彌年憂而成疾因此致卒廣乃以毀薨武帝素服親臨百寮畢集故吏儀同李充信等上表褒述申其宿志庶存儉約詔曰昔河間才藻追叙于中尉東海謙約見稱於身後可掛約前典率繇舊章使易簣之言得申遺志黜殞之請無虧令終於是贈本官加大保隴右十四州諸軍事秦州刺史謚曰文葬於隴右所司一遵儉約之典

廣陵公孝伯與武帝同日生嘗謂曰公於我猶漢高與盧縮也賜以十三環金帶自是嘗侍左右出入卧内朝務皆預焉

隋安德王雄初進封廣平王改封清漳王仁壽初高祖曰清漳之名未允聲望命職方進地圖上指安德郡以示群臣曰此號足以名德相稱於是改封安德王遂寧子達開皇中爲鄴鄭趙三州刺史俱有能名平陳之後四海大同帝差品天下牧宰達爲第一賜



雜絲五百段加以金帶擢拜工部尚書

秦王俊爲并州總管三十四州軍事頗有令聞高祖聞而大悅下書獎勵焉

齊王暕煬帝第三子大業初爲豫州牧俄而元德太子薨朝野注望咸以暕當爲嗣文帝勅吏部尚書牛弘妙選官屬公卿繇是多進子弟明年轉雍州牧尋徙河南開府儀同三司元德太子左右二萬餘人悉隸於暕寵遇益隆自樂平公主及諸戚屬競來致禮百官稱謁填咽道路

唐淮安王神通高祖從父弟也爲河北道行臺尚書左僕射太宗即位是月甲戌詔曰褒崇賢戚有國典厚秩清階式隆朝望左武衛大將軍上柱國淮安王神通宗室之長德器優弘締構之初早樹勲績右武衛大將軍上柱國燕郡王藝夙著嘉庸志懷疆毅久司戎禁見稱貞確宜加榮寵式允具瞻並可開府儀同三司四年薨太宗爲之廢朝鴻臚護喪事贈司空謚曰靖

淮陽王道玄高祖從父兄子也從太宗擊宋金剛先登陷陣時年十五太宗壯之賞物千段後擊劉黑闥戰沒太宗每追痛之嘗從容謂侍臣曰道玄始終從



朕深入賊陣所向必尅意嘗企慕所以每陣先登蓋學朕也惜其幼少力不遂心及於難平後以其弟武都王道明徙封於淮陽國

河間王孝恭高祖從父兄子也武德二年授信州摠管承制拜假蕭銑平高祖大悅拜孝恭荊州大摠管使盡工貌而視之及平輔公祐璽書褒賞賜甲第一區女樂二部奴婢七百人金寶珍翫甚衆授東南道行臺尚書右僕射太宗甚加親待諸宗室中莫與比焉貞觀十四年暴薨太宗素服舉哀哭之甚慟

江夏王道宗高祖從父兄子爲吏部尚書太宗討高麗爲前鋒大破賊兵太宗至深加賞勞賜奴婢四十人道宗在陣損足太宗親爲其針賜以御膳

濟北公城河間王孝恭弟也爲尚書左丞貞觀十年夏五月幸其第敦親親也

襄邑郡王神符貞觀三年爲宗正卿後以疾辭位歸第拜光祿大夫每月別給羊酒太宗將幸九成宮就第問疾賜以縑帛又令乘小輿引見紫微殿以其脚疾遣三衛輿之而升

齊王元吉高祖子武德四年太宗討竇建德於滎陽留元吉與屈突通圍王世充於東都世充出兵拒戰



元吉設伏擊破之斬首八百級生擒其大將軍樂仁  
昉甲士千餘人世充平拜司空加賜袞冕之服前後  
部鼓吹樂二部班劍二十人黃金二十斤與太宗各  
聽三鑪錢以自給九年詔曰三台望重仰叶辰曜五  
教任隆俯安邦國實資懿德式寄親賢侍中并州大  
都督左衛大將軍上柱國齊王元吉器量凝邈風神  
爽邁徽猷夙著嘉譽早隆出蒞方岳政績兼懋入侍  
帷宸獻納允屬推轂闡外倫展勲庸職司禁旅戎章  
以緝燮理之任朝典攸宜可司徒餘如故

鄴王元亨高祖子貞觀二年爲金州刺史及之藩太  
宗以其幼小甚思之中路賜以金盞遣使爲之設晏  
徐王元禮高祖子貞觀十七年爲絳州刺史以善政  
聞太宗降璽書勞勉賜以錦綵

鄭王元懿高祖子總章中爲絳州刺史元懿頗好學  
數斷大獄甚有公平之譽高宗特降璽書褒美賜物  
三百段

舒王元名高祖子元名性高潔矜莊門庭清肅嘗誠  
其子豫章王亶等曰藩王所之不慮無錢財官職但  
勉行善事忠孝持身此吾志也及亶爲江州刺史以  
善政聞高宗手勅褒美元名以賞其義方之訓



魏王泰太宗第二子也貞元十四年太宗幸泰延康坊宅因曲赦雍州及長安大辟罪已下免延康坊百姓無出今年租賦又賜泰府官僚帛有差泰好事愛文學特令就府別置文學館任自引召學士又以泰腰腹洪大趨拜稍難復令乘小輿至於朝所其寵異如此

營州都督晦河間王孝恭子也乾封中以善政聞璽書勞問賜物三百段

紀王慎太宗第十子爲襄州刺史以善政稱高宗璽書勞勉

宋王憲初名成噐睿宗長子睿宗將建儲貳以成噐嫡長而玄宗有平帝氏之功成噐涕泣固讓儲副玄宗又抗表固讓睿宗不許乃下制曰左衛將軍宋王成噐朕之元子當踐副君以隆基祚社稷大功人神僉屬繇是朕前懇讓言在必行天下至公誠不可奪爰示立季之典庶叶從人之願可雍州牧揚州大都督太子太師別加實封二千戶賜物五千段細馬二十疋奴婢十房甲第一區良田三十頃其年十一月拜尚書左僕射尋遷司徒景雲二年兼同州刺史賜物二千匹殿中馬二十疋開元二十八年冬憲寢疾



玄宗令中使送鑿藥及珍膳相望於路僧崇一療憲稍瘳帝大悅特賜緋袍魚袋以賞異崇一時申王等皆先薨唯憲獨在上施加恩貸每年至憲生日必幸其宅移時晏樂居嘗無日不賜酒酪及異饌等尚食摠監及四方有所進獻食之稍甘即皆分以賜之憲嘗奏請年終錄付史官每年數百紙

汝陽王璿憲子也天寶九載薨輟朝一日制曰睦親之恩理貫存歿飾終之禮義表哀榮故特進上柱國汝陽郡王璿植性謙和執心恭懿聞詩禮而稟訓用忠信而飭躬脩詞立誠不虧於道依仁遊藝克著於名况久踐崇班彌彰勤勵冀其未固藩翰有光公族奄茲殞歿良多憫念宜加寵贈用旌幽宥可贈太子

太師應緣喪量事官供仍令京兆尹一人簡較葬事

嗣申王珣憲子

珣出繼申王馮

開元二十五年薨玄宗甚悼

之輟朝三日制曰猶子之恩特深於情禮睦親之義必備於哀榮同安郡王珣稟氣浮和執心忠順邦國垣翰宗枝羽儀磐石䟽封將期末固逝川不捨俄歎促齡悼徃之懷因心所切宜增寵命用飾幽泉可贈太子少保葬事官給陪葬橋陵

榮王滉

後名彥

玄宗開元十五年授京兆牧二十三年



七月以京兆牧榮王滉廣州都督領南牧儀王濞後名

璿後名荆州大都督末王澤後名益州大都督壽王清後名

瑁安西大都護延王涸一作涸後名玠揚州大都督盛王沐

琦後名第二十二男濟王濫後名環第二十三男信王沔

瑁後名第二十四男義王泚後名玠第二十五男陳王淮

珪後名並加開府儀同三司第二十六男豐王澄後名珪

為左衛大將軍第二十八男崑王漙後名璜為右衛大

將軍第二十九男涼王淀後名璿為左千牛衛大將軍

第三十男汴王滔後名璿為右千牛衛大將軍滉等謝

恩于朝悉命詣尚書省上自慶王已下咸送之命有

司帳設置饌大嘗供樂教曰榮王滉等既已封建近

又拜官在於府寮合依典故有司准式十二月慶王

潭忠王浚棣王洽鄂王洵榮王滉儀王濞穎王灃末

王澤壽王清延王涸盛王沐濟王濫義王泚陳王淮

豐王澄崑王漙涼王湜汴王滔加上柱國

故邠王男承宣承籙承奕承寧承為承寧等天寶七

載六月皆授朝請郎東宮六品官員外置同正員仍

賜緋魚袋詔曰故邠王男承宣等地惟戚屬器表温

良伯仲輝光温温有裕推恩之典既叶於分官賜服

之榮宜崇於寵命八月勅諸王長子及先帝郡王名任職事官階卑諸並聽著紫佩金



魚袋

濟南郡王雋棣王之子也天寶十四年十月與濟王  
 男光祿卿平樂郡王慨信王男太嘗卿新安郡王修  
 陳王男太嘗卿臨淮郡王佗義王男大僕卿舞陽郡  
 王儀盛王男太嘗卿真定郡王儋末王男太嘗卿餘  
 姚郡王儋陳王男殿中監安南郡王倫穎王男鴻臚卿  
 高邑郡王儋延王男殿中監平陽郡王徕信王男光  
 祿卿晉陵郡王侗豐王男宗正卿齊安郡王佻涼王  
 男大僕卿宜春郡王仙盛王男殿中監信都王佩壽  
 王男鴻臚卿廣楊郡王僊儀王男宗正卿高密郡王

僂涼王男殿中監安定郡王仕延王男大僕卿佐末

王男國子祭酒儀徐王男秘書監任靖德太子男太

嘗卿韓國公傲靖德太子男太僕卿倫棣王男光祿

卿安棣王男太僕卿僚棣王男國子祭酒俠棣王男

殿中監仁棣王男大僕卿史失其名棣王男秘書監優永

王男衛尉卿莒國公偵末王男秘書監邠國公儗永

王男國子祭酒伶壽王男光祿卿薛國公伉壽王男

殿中監滕國公侑壽王男國子祭酒傑延王男宗正

卿魯國公保延王男國子祭酒荆國公偃濟王男衛

尉卿沛國公佺濟王男國子祭酒俸信王男秘書監



吳國公保信王男國子祭酒越國公伋義王男國子  
祭酒曹國公佳義王男秘書監魏國公倓陳王男秘  
書監代國公仿陳王男太僕卿代國公倂義王男光  
祿卿虢國公供穎王男國子祭酒楚國公倪穎王男  
光祿卿夔國公傳盛王光男光祿卿徐國公倓盛王  
男國子祭酒許國公係豐王男國子祭酒江國公佺  
梁王男衛尉卿蒲國公侶涼王男秘書監鄭國公佺  
榮王男衛尉卿僚榮王男秘書監儂榮王男鴻臚卿  
佩等五十五人並授上柱國  
韓王迥代宗第七子以母寵既生而受封雖冲幼恩  
在鄭王之亞

嗣吳王祗爲簡較工部尚書兼太子賓客大曆五年  
詔祗集賢院待制時四郊無虞勲勞大臣在闕下者  
雖爵秩崇高多無職事永泰初乃詔左僕射裴冕等  
一十三人同於集賢院待制特給殮錢及繕修廨宇  
以厚其禮自後遷者非一無代之者以祗宗室勲舊  
加寵之也

宗正卿嗣吳王獻貞元十三年奏簡王府諮議參軍  
嗣寧王子淑葬請鹵簿宰臣等議以子淑官卑不合  
給因下詔自今以後嗣薨日宜令所司供鹵簿末爲



賞式

梁廣王全昱大祖兄乾化元年還睢陽命內臣拜餞都外親王出宿至於偃師仍詔其子衡王友諒侍從以歸

後唐開府儀同三司簡較大尉克北都留守興聖宮使判六軍諸軍事兼御史大夫上柱國隴西縣開國伯食邑七百戶繼岌同光元年授簡較大尉同中書門下平章事仍進封開國侯加食邑三百戶充東京留守餘如故繼岌皇子也魏州興建時宰相豆盧革奏曰皇子之職故事合帶宮使革因進擬以興聖爲名秦王從榮明宗長子也天成二年自鄴中至泊於至德宮帝幸其第宣禁中女伎及教坊樂歡宴至曉後爲天下兵馬元帥四年九月勅從榮位隆將相望重盤維委任既崇等威合異班位宜在宰臣之上亳州團練使重吉末帝子早薨清泰元年詔贈太尉仍令宋州選隙地置廟

洋王從璋明宗猶子泰清元年詔從璋及涇王從敏月各給俸錢一十萬米麥各五十石僦三十人衣糧馬五十疋芻粟二王自方鎮入朝自是留雒陽私第隴西郡公重美末帝子清泰元年授成德軍節度等



使命樞密使韓昭嘗送重美領鎮州旌節官牒于府署重美迎授其禮甚盛

晉皇子重信高祖第二子也高祖即位出鎮孟津到任踰月去民病十餘事朝廷有詔褒之是歲范延光叛命於鄴詔遣前雲武節度張從賓發河橋屯兵東討延光從賓與延光合謀爲亂遂害重信於理所時年二十遠近聞者爲之歎惜制贈太尉執事奏曰兩年漢子第生死無歷三公位者帝曰此兒爲善被禍予甚愍之自我作古寧有例乎遂行冊命

太師萬友高祖仲父太尉萬鈗高祖季父

太傅敬儒高祖兄並天福六年正月追贈

周大將軍守筠奉超定哥皆太祖姪乾祐末遇害廣

順元年二月太祖姪乾筠贈左領軍將軍改名愿奉

超贈左監門將軍定哥贈左千牛將軍賜名恣顯德

四年四月制曰故皇從弟贈左領軍衛將軍守愿贈

左監門衛將軍奉超贈左千牛衛將軍恣等天潢演

派棣萼騰芳咸敦悌悌之情並著謙和之譽頃因季

代不享遐齡每念作辜難忘有慟宜加贈典復賁泉

扃守愿可贈左衛大將軍奉超可贈左衛大將軍恣

可贈左武衛大將軍



冊府元龜

巡按福建監察御史

臣李嗣京

訂正

知閩縣事

臣曹鼎臣叅閱

知建陽縣事

臣黃國琦較釋

宗室部

領鎮第一

自成周之世並建宗室漢有天下分王子弟皆受分  
器列為戚藩曹魏革命無改前制西晉之後崇樹征  
鎮重方面之寄總師兵之重繇是遠監前古內選於  
親出膺督護之選以尸牧伯之任長人為政奉宣教



條訓戎經武式遏寇虜斯可以籍明茂之望聳懷柔之美夾輔京室克固於維城大庇本根以期於長世者已

晉大原成王輔宣王弟安平王孚第三子也咸寧三年監并州諸軍事

下邳獻王晃孚第五子也泰始九年詔曰南中郎將下邳王晃清亮中正體行明絜才周政理有文武策識其以晃爲使持節都督寧益二州諸軍事安西將軍領益州刺史晃以疾不行更拜尚書遷右僕射久之出爲鎮東將軍都督清徐二州諸軍事

高陽元王珪孚第七子也泰始初爲北中郎將督鄴城守諸軍事竟陵王楙義陽王望子也齊王冏輔政以楙爲平東將軍都督徐州諸軍事鎮下邳

彭城穆王權宣帝弟東武城侯馗之子泰始初出爲北中郎將都督鄴城守諸軍事

權子元王植自侍中尚書出爲安東將軍都督揚州諸軍事代淮南王允鎮壽春未發或云植助允攻趙王倫遂以憂薨

權弟高密文獻王泰泰始初拜遊擊將軍出爲兖州刺史加鷹揚將軍遷使持節都督寧益二州諸軍事



安西將軍領益州刺史稱疾不行轉安北將軍代權  
督鄴城守事遷安西將軍都督關中事後爲鎮西將  
軍領護西戎較尉假節代扶風王駿都督關中軍事  
以疾還京師泰子孝王略自秘書監出爲安南將軍  
持節都督沔南諸軍事遷安北將軍都督青州諸軍  
事懷帝即位遷使持節都督荊州諸軍事征南大將  
軍開府儀同三司略弟南陽王模初封平昌公爲北  
中郎將鎮鄴永興初成都王穎故帳下督公師藩樓  
擁郝昌等攻鄴模左右謀應之廣平太守丁邵率衆  
救模范陽王廞又遣兗州刺史荀晞援之藩等散走  
遷鎮東大將軍鎮許昌進爵南陽王永嘉初轉征西  
大將軍開府都督秦雍梁益諸軍事代河間王穎顯  
鎮關中

新蔡武哀王騰高密王泰第二子出繼叔父悌自太  
常轉持節寧北將軍都督并州諸軍事并州刺史永  
嘉初遷車騎將軍都督鄴城守諸軍事鎮鄴

范陽王廞康王綏之子累遷尚書出爲安南將軍都  
督豫州諸軍事持節鎮許昌進位征南將軍

譙閔王承剛王遜之子元帝欲樹藩屏會王敦表以  
宣城內史沈充爲湘州帝謂承曰湘州南楚險固在



上流之要控三州之會是用武之國也今以叔父居之何如承曰臣幸托末屬身當宿衛未有駸馳之勞頻受過厚之遇夙夜自厲思報天德君之所命惟力是視敢有辭焉然湘州蜀寇之餘人物雕盡若上憑天威得之所蒞比及三年請從戎役若未及此雖復灰身亦無益也於是詔曰夫王者躰天理物非群才不足濟其務外建賢哲以樹風聲內睦親親以廣藩屏是以太公封齊伯禽居魯此先王之令與古今之通議也我晉開基列國相望乃授琅邪武王鎮統東夏汝南文武揔一淮許扶風梁王迭據關右爰暨東羸作司并州今公族雖寡不逮曩時豈得替舊章乎散騎掌侍左將軍譙王承貞素款亮志存忠恪便蕃左右恭肅彌著今以承監湘州諸軍事南中郎將湘州刺史初劉隗以王敦威權太盛終不可制勸帝出諸心腹以鎮方隅故先以承爲湘州

承孫敬王恬爲侍中左衛將軍恬既宗室有勲望孝武帝時深仗之以爲都督兗青冀幽并楊州之晉陵徐州之南北郡軍事領鎮北將軍兗青二州刺史假節

恬子休之少仕清塗以平王恭虔楷功拜龍驤將軍



襄城太守鎮歷陽桓玄攻歷陽休之嬰城固守及兄尚之爲桓玄所敗休之以五百人出城力戰不捷乃還城攜子姪奔于慕容超聞義軍起復還京師大將軍武陵王令曰前龍驤將軍休之才幹真審功業既成歷陽之戰事在幾捷及至勢乖力屈奉身出奔循鳩集義徒崎嶇險阻既應親賢之舉宜委分陝之重可監荆益梁寧秦雍六州軍事領護南蠻較尉荊州刺史假節

汝南文成王亮宣帝子初封扶風郡王持節都督關中雍梁諸軍事吳將步闡來降假亮節都督諸軍事以納之後爲大司馬假黃鉞大都督督豫州諸軍事出鎮許昌

琅邪武王伷宣帝子魏末爲撫軍將軍南皮伯出爲鎮東大將軍假節徐州諸軍事代衛瓘鎮下邳伷鎮撫有方得將士死力吳人憚之加開府儀同三司改封琅邪王以東莞益其國頃之并督青州諸軍事扶風武王駿宣帝子初封汝陰王都督豫州諸軍事吳將丁奉寇芍陂駿督諸軍事距退之遷使持節都督揚州諸軍事代石苞鎮壽春尋復都督豫州還鎮許昌遷鎮西大將軍使持節都督雍梁等州諸軍事



代汝南王亮鎮關中

駿子新野莊王歆初封新野縣公齊王罔入維歆躬貫甲冑率所領導罔以勲進封新野郡王邑二萬戶遷使持節都督荊州諸軍事鎮南大將軍開府儀同三司

梁孝王彤宣帝子泰始中爲北中郎將督鄴城守事太康中代孔洵監豫州軍事加平東將軍鎮許昌頃之又以本官代下邳王晃監青徐州軍事進號安東將軍元康初轉征西將軍代秦王東都督關中軍事領護西戎較尉加侍中進督梁州復爲征西大將軍代趙王倫鎮關中都督涼雍諸軍事又領西戎較尉也  
也  
好時

趙王倫宣帝子咸寧中爲平北將軍督鄴城守事元康初遷征西將軍開府儀同三司鎮關中

齊獻王攸文帝子太康三年詔曰古者九命作伯或入毗朝政或出御方嶽周之呂望五侯九伯實得征之侍中司空齊王攸明德清暢忠允篤誠以母弟之親受台輔之任佐命立勲劬勞王室宜登顯位以稱具瞻其以爲大司馬都督青州諸軍事侍中如故假節將本營千人親騎帳下司馬大軍皆如舊增鼓吹



一部官騎滿二十人置騎司馬五人餘主者詳案舊制施行

攸子武閔王罔爲翊軍較尉趙王倫密與相結廢賈后以功轉游擊將軍罔以位不滿意有恨色孫秀微覺之且憚其在內出爲平東將軍假節鎮許昌

罔弟寔永寧初爲東平將軍假節加散騎嘗侍代齊王罔鎮許昌尋進安南將軍都督豫州軍事

燕王機文帝子咸寧初徵爲步兵較尉以漁陽郡益其國加侍中之服拜青州都督鎮東將軍假節以北平上谷廣寧郡增燕國

樂安平王鑒文帝子元康中以大將軍使持節都督豫州軍事安南將軍代清河王遐鎮許昌

楚隱王壽武帝子太康末之國都督荊州諸軍事平南將軍轉鎮南將軍

淮南忠莊王允武帝子太康十年之國都督楊江二州諸軍事鎮東大將軍假節

清河康王遐武帝子自散騎嘗侍平南將軍都督江州諸軍事

成都王穎武帝子爲散騎嘗侍車騎將軍賈謐嘗與皇太子博爭道穎在坐厲聲呵謐曰皇太子國之儲



君賈謐何得無禮謐懼繇此出穎爲平北將軍鎮鄴  
河間王顥大原烈王瓌之子元康初爲北中郎將監  
鄴城九年代梁王彤爲平西將軍鎮關中石函之制  
非親親不得都督關中顥於諸王爲踈特以賢舉  
東海孝獻王越高密王泰子初以世子爲騎都尉大  
安初惠帝北征鄴以越爲大都督六軍敗越奔下邳  
徐州都督東平王琳不納越徑還東海懷帝即位委  
政於越帝始親萬幾留心庶事越不悅求出藩帝不  
許越遂出鎮許昌尋詔越爲丞相領兖州牧都督兖  
豫司冀幽并六州越辭丞相不受自許遷於鄆城

琅邪孝王裒元帝子自後將軍拜散騎常侍使持節  
都督青徐兗三州諸軍事車騎將軍

會稽文孝王道子簡文帝子爲開府司徒及謝安薨  
詔曰新喪哲輔華戎未一自非朝賢懋德莫能綏御  
內外司徒琅邪王道子体道自然神識穎遠寔當且  
奭之重宜揔二南之任可領楊州刺史錄尚書假節  
鉞都督中外諸軍事衛府文武一以配驃騎府讓不  
受數年領徐州刺史道子世子元顯爲司徒錄尚書  
事求領徐州刺史加侍中後將軍開府儀同三司都  
督十六州諸軍事



宋長沙景王道憐高祖中弟也晉末高祖鎮京口以道憐爲龍驤將軍領堂邑太守戍石頭會鮮卑侵逼自彭城以南民皆堡聚山陽淮陰諸戍並不復立道憐請據彭城以漸脩創朝議以彭城懸遠使鎮山陽進號征虜將軍督淮北軍事北東海太守并州刺史加北徐州刺史移鎮彭城又徵爲都督兗青二州晉陵京口淮南諸軍郡事兗青二州刺史還鎮京口及江陵平以爲都督荆湘益秦寧梁雍七州諸軍驃騎將軍開府儀同三司鎮護南蠻較尉荊州刺史北府文武皆配之高祖平定三秦方思外略徵道憐還爲侍中都督徐兗青三州楊之晉陵諸軍事守諸軍尚書令徐兗二州刺史持節將軍如故元興元年解尚書令進位司空出鎮京口

長沙成王義欣道憐長子也初爲征虜將軍青州刺史魏郡太守戍石頭文帝元嘉三年爲南州刺史七年遷使持節監豫司雍并四州諸軍事豫州刺史給鼓吹一部鎮壽陽十年進號鎮軍將軍進監爲都督義欣子祗明帝初爲南兗州刺史

祗弟韞自太子中庶子侍中加荆湘南兗州刺史吳興太守侍中領左軍將軍又改領驍騎將軍撫軍雍



州刺史

新渝侯義宗義欣弟也元嘉中爲征虜將軍南兖州刺史

當陽侯秉彞義宗子也泰始中爲左衛將軍卅陽尹五年出爲前將軍淮南宣城太守不拜還復本任遷使持節都督南徐徐兗豫青冀六州都軍事後將軍南徐州刺史廢帝卽位改都督郢州豫州之西陽司州之義陽二郡諸軍郢州刺史未拜留爲尚書左僕射參選二年加散騎嘗侍卅陽尹

興安侯義賓義宗弟也元嘉中位至輔國將軍徐州刺史

營道侯義綦義賓弟也元嘉中歷右衛將軍湘州刺史

臨澧侯襲爲安成太守晉安王子勛爲逆襲據郡拒之子勛遣軍攻圍不下明帝嘉之以爲郢州刺史

臨川武烈王道規高祖少弟晉末爲振武將軍義昌太守累戰功進號輔國將軍督淮北諸軍事并州刺史時荊州湘江豫猶多桓氏餘燼往往屯結復以本官進督江州之武昌荊州之江夏隨郡義陽綏安豫州之西陽汝南潁川新蔡九郡諸軍事隨宜翦撲皆



悉平之遷使持節都督荆寧秦梁雍等州司州之河南諸軍事領護南蠻較尉荊州刺史進號西征大將軍開府儀同三司加散騎常侍固辭俄而寢疾改授都督豫章江州揚州之宣城淮南廬江歷陽安豐堂邑六郡諸軍事豫州刺史持節常侍如故以疾不拜臨川康王義慶晉未從高祖征長安還拜輔國將軍北青州刺史未之任徙督豫州諸軍事豫州刺史復督淮北諸軍事遷丹陽尹在京尹九年出爲使持節都督荆雍益寧梁南北秦七州諸軍事平西將軍荊州刺史荊州居上流之重地廣兵強資實兵甲居朝廷之半故高祖使諸子居之義慶以宗室令美故特有此授十六年改授散騎常侍都督江州之西陽晉熙新蔡三州諸軍事衛將軍江州刺史持節如故十七年即本號都督南兖州徐兖青黃幽六州諸軍事南兖州刺史

營蒲侯遵考高祖族弟也晉末自建威將軍彭城内史隨高祖北伐時高祖諸子並弱宗室唯有遵考長安平定以督并州司州之北河東北平陽北雍州之新平安定五郡諸軍事輔國將軍并州刺史領河東太守鎮蒲坂關中失守南還元嘉三年出爲使持節



都督雍梁南北秦四州荊州之竟陵順陽襄陽新野  
 隨六郡諸軍事征虜將軍寧蠻校尉雍州刺史襄陽  
 新野二郡太守八年督南徐兖州之江北淮南諸軍  
 事征虜將軍南兖州刺史領廣陵太守十五年監徐  
 兖二州豫州之梁郡諸軍事前將軍徐兖二州刺史  
 未之鎮留為侍中領左衛將軍明年出為使持節監  
 豫司雍并四州南豫州之梁郡弋陽馬頭荊州之義  
 陽四郡諸軍事豫州刺史領南梁郡太守遷吳興太  
 守秩中二千石二十七年魏軍南至瓜步率軍出江  
 上假節蓋三十年復出為使持節監豫州刺史元兗  
 立遣外監徐安期仰捷祖守之遵考斬安期等起義  
 兵應南譙王義宣加遵考鎮西將軍孝建元年除吳  
 興太守明年徵為湘州刺史三年轉丹陽尹六年領  
 徐州刺史景和元年出督南豫州諸軍事安西將軍  
 南豫州刺史遵考從弟思考為豫章會稽太守益徐  
 州刺史凡經十郡三州

廬陵孝獻王義真武帝第二子晉末從高祖北征及  
 關中平定高祖議欲東還而諸將行役既久咸有歸  
 願止留偏將不足鎮固人心乃以義真行都督雍梁  
 秦三州之河東平陽河北三郡諸軍事安西將軍領



護西戎較尉雍州刺史太尉諮議參軍京兆王修爲  
長史委以關中任高祖將還三秦父老請門流涕訴  
曰殘民不沾王化於今百年矣始覩衣冠方仰聖澤  
長安十陵長公家墳墓咸陽宮殿數千間是公家屋  
宅捨此欲何之高祖爲之愍然慰辭曰受命朝廷不  
得擅留感諸君戀本之意今留第二兒令文武賢才  
共鎮北境臨還自執義真手以授王修令修執其子  
孝孫手以授高祖義真尋正加節又進督并東秦二  
州司州之東安定新平二郡諸軍事領東秦州刺史  
次復都督司雍秦并梁五州諸軍事建武將軍司州

刺史持節如故時義真將鎮雒陽而河南蕭條未及  
修理改除楊州刺史鎮石頭永初元年移鎮東城高  
祖不豫以爲使侍節侍中都督南豫豫雍司秦并六  
州諸軍事車騎將軍開府儀同三司南豫州刺史出  
鎮歷陽

襲廬陵王紹文帝第五子元嘉二十年出爲南中郎  
將江州刺史時年十二二十二年入朝加棨戟進都  
督江州豫州之西陽晉熙新蔡三郡諸軍事在任七  
年改授左將軍南徐州刺史給鼓吹一部未之鎮乃  
遷揚州刺史



彭城王義康武帝第四子晉末年十二宋臺除都督  
豫司雍并四川諸軍事冠軍將軍豫州刺史時高祖  
自壽陽被徵入輔留義康代鎮壽陽又領司州刺史  
進督徐州之鍾離荊州之義陽諸軍事永初二年從  
監南豫司雍并五州諸軍事南豫州刺史三年遷使  
持節都督南徐兖二州楊州之晉陵諸軍事南徐州  
刺史太祖即位元嘉三年改授都督荆湘雍梁益寧  
南北秦八州諸軍事荊州刺史班劔三十人六年司  
徒王弘表義康宜還入輔徵侍中都督楊南徐兖三  
州諸軍事司徒錄尚書事領平北將軍南徐州刺史  
持節如故九年又領楊州刺史江夏文獻王義恭武  
帝第五子景平二年監南豫司雍秦并六州諸軍事  
將軍南豫州刺史代廬陵王義真鎮歷陽時年十二  
元嘉元年加使持節進號撫軍將軍給鼓吹一部三  
年監南徐兖二州楊州之晉陵諸軍事徐州刺史進  
監爲都督未之任太祖征謝晦義恭還鎮京口六年  
改都督荆湘雍益梁寧南北秦八州諸軍事荊州刺  
史九年徵爲都督南兖徐兖青冀幽六州豫州之梁  
郡諸軍事征之將軍開府儀同三司南兖州刺史鎮  
廣陵十七年大將軍彭城王義康有罪出藩徵義恭



爲侍中都督楊南徐兗三州諸軍事給班劔二十人  
置仗加兵二十七年春後魏寇豫州太祖因此欲開  
定河雒其秋以義恭總統郡帥出鎮彭城後以本官  
領南兗州刺史增都南兗豫徐兗青冀司雍秦幽并  
十一州諸軍事并前三州移鎮盱眙修治館宇擴  
制東城二十九州遭太妃憂改授太將軍都督楊南  
徐二州諸軍事南徐州刺史還鎮東府世祖踐祚授  
使持節侍中都督楊南徐三州諸軍事太尉錄尚書  
六條事楊南徐三州刺史孝建元年十一月還鎮京  
口二年春進督東南兗二州其冬徵爲揚州刺史

南豐縣王朗字元明義恭長子爲湘州刺史持節侍  
中領射聲較尉

襲江夏王子綏爲都督郢州諸軍事冠軍將軍郢州刺  
史進號後軍將軍加持節

襲江夏王躋後廢帝即位督會稽東陽新安臨海永  
嘉五郡軍事東中郎將會稽太守進號左將軍

襲江夏王伯禽官至輔國將軍湘州刺史

南郡王義宣武帝第六子元嘉元年十二拜左將軍  
鎮石頭七年遷使持節都督徐兗青冀幽五州諸軍  
事徐州刺史猶戍石頭八年改都督南兗兗州刺史



當鎮山陽未行明年遷中書監進號中軍將軍又領石頭戍事十三年出都督江州豫州之西陵晉熙新蔡三郡諸軍事鎮南將軍江州刺史初高祖以荆州上流形勝地廣兵強遺詔諸子次第居之謝晦平後以授彭城王義康義康入相次江夏王義恭又以臨川王義慶宗室令望且臨川武烈王有大功於社稷義慶又居其後應在義宣帝以義宣人才素短不堪居上流十六年以衡陽王義季代義慶而以義宣代義季爲南徐州刺史都督南徐州軍事征北將軍加散騎常侍而會稽公主每以爲言帝遲迴久之二十一年乃以義宣都督荆雍益梁寧南北秦七州諸軍事車騎將軍荊州刺史進位司空改侍中領南蠻較尉三十年遷司徒中軍將軍揚州刺史世祖即位以義宣爲中書監都督揚豫二州丞相錄尚書六條事揚州刺史加羽葆鼓吹給班劍四十人持節侍中如故封次子宜陽侯愷爲南譙王義宣固辭內任及愷王爵於是改授都督荆湘雍益梁寧南北秦八州諸軍事荆湘二州刺史持節侍中丞相如故

衡陽文王義季武帝第七子元嘉八年領石頭戍事九年遷使持節都督南徐州諸軍事右將軍南徐州



刺史十六年代臨川王義慶都督荆湘雍益梁寧南  
 北秦八州諸軍事安西將軍荆州刺史二十一年為  
 都督南兖徐青冀幽六州諸軍事征北大將軍開府  
 儀同三司南兖州刺史二十二年進督豫州之梁郡  
 遷徐州刺史

始興王濬文帝第二子初鎮京口後求鎮江陵尚書  
 令何尚文等咸謂濬太子次弟不應遠出文帝以上  
 流之重宜有至親故以濬為衛將運開府儀同三司  
 荆州刺史加都督領護南蠻較尉

南平穆王鐸文帝第四子元嘉十七年都督湘州諸  
 軍事冠軍將軍湘州刺史不之鎮戍石頭事二十二  
 年遷使持節都督南豫豫司雍秦并六州諸軍事南  
 豫州刺史時太祖方事外畧乃罷南豫併壽陽即鐸  
 為豫州刺史

竟陵王誕文帝第六子元嘉二十二年監南兖州諸  
 軍事北中郎將南兖州刺史出鎮廣陵尋以本號徙  
 南徐州刺史二十六年出為都督雍梁南北秦四州  
 荆州之竟陵隨二郡諸軍事後將軍雍州刺史遷都  
 督廣交二州諸軍事安南將軍廣州刺史當鎮始興  
 未行改授都督會稽東陽新安臨海末嘉五郡諸軍



事安東將軍會稽太守給鼓吹一部孝武即位徵爲持節都督荆湘雍益梁寧南北秦八州諸軍事衛將軍開府儀同三司荆州刺史南譙王義宣不肯就徵以誕爲侍中驃騎大將軍楊州刺史建平二年出爲使持節都督南兗徐二州諸軍事太子太傅南徐州刺史大明元年又出爲都督南兗南徐青冀幽六州諸軍事南兗州刺史

建平宣簡王宏文帝第十子元嘉二十四年爲中護軍領石頭戍事出爲征虜將軍江州刺史

宏子景素初爲寧朔將軍監南豫豫州諸軍輔國將

軍南豫州刺史不拜太宗初加冠軍將軍南兗州刺

史丹陽尹吳興太守使持節監湘州諸軍事湘州刺

史泰始六年都督荆湘雍益梁寧南北秦八州諸軍

事爲散騎嘗侍後將軍太嘗未拜授使持節都督南

徐兗青冀六州諸軍鎮軍將軍南徐州刺史

廬江王縉文帝第八子元嘉二十六年以爲侍中後

軍將軍領石頭戍事出爲會稽太守二十九年遷使

持節都督廣交二州荆州之始興安二州諸軍事將

軍平越中郎將廣州刺史孝武踐祚復爲會稽太守

加撫將軍明年徵爲秘書監加散騎嘗侍尋出爲撫



軍將軍江州刺史進號平南將軍置吏大明二年徵爲散騎嘗侍中書令領驍騎將軍給鼓吹一部又出爲南豫州刺史

晉熙王昶文帝第九子世祖踐祚自太嘗出爲東中郎將會稽太守監會稽東陽臨海永嘉新安五郡諸軍事孝建元年立東楊州拜昶爲刺史大明中都督江州郢州之西陽豫州之新蔡晉熙二郡諸軍事前將軍江州刺史前廢帝即位出爲使持節都督徐兗南兗青冀幽六州豫州之梁郡諸軍事征北將軍徐州刺史

武昌王渾文帝第十子孝武即位授征虜將軍南彭城東海二郡太守出鎮京口孝建元年遷持節監雍梁南北秦四州荊州之竟陵隨二郡諸軍事寧蠻校尉雍州刺史



梁

東

昌王

册府元龜

巡按福建監察御史臣李嗣京 訂正

知甌寧縣事 臣孫以敬 參閱

知建陽縣事 臣黃國琦 較釋

宗室部

領鎮第二

宋始安王休仁文帝第十二子孝建三年都督南兖

徐二州諸軍事冠軍將軍兗州刺史大明元年入為

侍中四年出為湘州刺史加號平南將軍八年遷使

持節督江州南豫州之晉熙新蔡郢州之西陽三郡

册府元龜 宗室部



諸軍事安南將軍江州刺史未拜前廢帝景和元年  
遷使持節都督雍梁南北秦四州諸軍事安西將軍  
寧蠻較尉雍州刺史未之任留爲散騎常侍護軍將  
軍太宗立以爲使持節侍中都督楊南徐二州諸軍  
事司徒尚書令楊州刺史薛安都據彭城招引後魏  
復都督北討諸軍事時豫州刺史殷琰據壽春未平  
晉平王休祐先督征討諸軍事休祐出領江陵休仁  
又代督西討諸軍事泰始五年進都督豫司二州休  
仁子伯融歷南豫州刺史琅邪臨淮二郡太守寧朔  
將軍廣州刺史不之職

晉平刺王休祐文帝十三子大明元年領長安較尉  
遷東揚州刺史未拜徙湘州刺史加號征虜將軍四  
年爲使持節都督豫司二州南豫州之梁郡諸軍事  
右將軍豫州刺史明帝定亂以爲使持節都督荆湘  
雍益梁寧南北秦八州諸軍事驃騎大將軍荊州刺  
史改都督江郢雍湘五州江州刺史又改都督江南  
豫司州南豫州刺史又改都督豫江司三州豫州刺  
史時豫州刺史殷琰據壽春反叛休祐出鎮歷陽督  
劉劭等討琰琰未平劭築長城守之休祐復徙都督  
荆湘雍益梁寧南北秦八州諸軍事荊州刺史泰始



六年徵爲都督南徐南兗徐兗青冀六州諸軍事南  
徐州刺史加侍中帝以休祐貪虐不可蒞民留之京  
邑遣上佐行府州事

休祐子宣翊爲寧朔將軍湘州刺史未拜免

海陵王休茂文帝第十四子大明二年以爲使持節  
都督雍梁南北秦四州郢州之竟陵隨二郡諸軍北  
中郎將寧蠻校尉雍州刺史

桂陽王休範文帝第十八子大明三年出爲江州刺  
史明帝定亂以爲使持節都督南徐州未拜以驃騎  
大將軍遷爲江州進督越州諸軍事

巴陵哀王休若文帝第十九子大明四年出爲都督  
徐州諸軍事增督豫州之梁郡明年徵爲散騎嘗侍  
左右郎將吳興太守復徵爲散騎嘗侍明帝秦始皇元  
年出爲使持節都督會稽東陽永嘉臨海新安五郡  
諸軍事領安東將軍會稽太守率衆東討進督吳興  
晉陵二郡進號衛將軍給鼓吹一部又進督晉安二  
郡諸軍事二年遷督雍梁南北秦四州荊州之竟陵  
隨二郡諸軍事寧蠻校尉雍州刺史四年遷使持節  
都督湘州諸軍事進號征南將軍湘州刺史仍爲都  
督荆湘雍益梁寧南北秦八州諸軍事征西將軍荆



州刺史六年荆州刺史晉平王休祐入以休若監荆  
州事進號征南將軍湘州刺史仍爲都督荆湘雍益  
梁寧南北秦八州諸軍事征西將軍荊州刺史七年  
被徵代休祐爲都督南徐南兖徐青冀六州諸軍事  
征北大將軍南徐州刺史  
豫章王子尚孝武帝第二子孝建三年都督南徐南  
兖二州諸軍事北中郎將南兖州刺史其年遷揚州  
刺史大明二年加撫軍將軍三年浙江西立王畿以  
江東爲揚州子尚都督揚州江北之鄱陽晉安三郡  
諸軍事揚州刺史五年改封豫州領會稽太守七年  
加使持節前廢帝即位罷王畿復徵子尚都督揚南  
徐二州諸軍事領尚書令解督東揚州

晉安王子勛孝武帝三子大明四年都督南兖州徐  
州之東海諸軍事征虜將軍南兖州刺史七年改督  
江州南豫州之晉熙新蔡郢州之西陽三郡諸軍事  
前將軍江州刺史八年遷使持節都督雍梁南北秦  
四州郢州之竟陵隨二郡討軍事諸鎮軍將軍寧蠻  
較尉雍州刺史未拜以鎮軍將軍還爲江州景和元  
年加使持節

松滋侯子房孝武第六子末光元年自宣城太守遷



東陽州刺史景和元年罷東陽州子房以本號督會稽東陽新安臨海永嘉五郡諸軍事會稽太守明帝即位改督爲都督進號安東將軍

臨海王子項孝武第七子大明五年自吳興太守遷使持節都督廣交二州湘州之始興始安臨賀三郡諸軍事征虜將軍平越中郎將廣州刺史未之鎮徙荆州刺史廢帝即位以本號都督荆湘雍益梁寧南北秦八州諸軍事刺史如故明帝即位解督雍州以爲鎮軍丹陽尹尋留本任進督雍州

始平孝敬王子鸞孝武第八子大明五年自吳郡太守遷北中郎將南徐州刺史領南琅邪太守六年加都督南徐州諸軍事八年加中書令領司徒前廢帝即位解中書令領司徒加持節之鎮

末嘉王子仁孝武第九子大明五年年五歲監雍梁南北秦四州之竟陵隨二郡諸軍事北中郎將寧蠻較尉雍州刺史遷東中郎將吳郡太守六年又遷丹陽尹前廢帝即位加征虜將軍領衛尉尋出爲左將軍南兖州刺史景和元年遷南徐州刺史泰始中四方平定以爲使持節都督湘廣交三州諸軍事平南將軍湘州刺史



始安王子真孝武第十一子大明七年自吳興太守  
遷使持節監廣交二州始興始安臨賀三郡諸軍事  
平越中郎將廣州刺史不之鎮遷征虜將軍南彭城  
太守領石頭戍事景和元年爲丹陽尹尋爲南兖州  
刺史

邵陵王子元孝武第十三子景和元年出爲湘州刺  
史  
晉熙王燮明帝第六子元徽元年年四歲以爲使持  
節監郢州豫州之西陽司州義陽二郡諸軍事征虜  
將軍郢州刺史以黃門郎王奐爲長史撫府州之任

明年太尉江州刺史桂陽王休範舉兵逼朝廷燮遣  
中兵參軍馮景祖襲尋陽休範留中兵參軍毛惠連  
州別駕程罕之居守開門詣景祖降進燮號安西將  
軍加督江州諸軍事四年又進燮鎮西將軍加鼓吹  
一部順帝即位徵爲使持節督揚南徐二州諸軍事  
撫軍將軍揚州刺史先是齊世子蕭順爲燮安西長  
史行府州事時亦被徵爲左衛將軍與燮俱下會荆  
州刺史沈攸之舉兵反世子因奉燮鎮尋陽之益城  
據中流爲內外形援攸之平燮還京邑齊王蕭道成  
爲徐州燮解督南徐進督南豫江州諸軍事號中軍



將軍開府儀同三司

邵陵麴王友明帝第七子元徽二年年五歲出爲使持節督江州豫州之西陽新蔡晉熙三郡諸軍事南中郎將江州刺史順帝即位進號左將軍改爲郡都督昇明二年徙都督南豫司三州諸軍事安南將軍南豫州刺史歷陽太守

武陵王贊明帝第九子元徽四年出爲使持節南徐兗青冀五州諸軍事北中郎將南徐州刺史順帝昇明元年遷持節督郢州司州之義陽諸軍事前將軍郢州刺史二年爲沱攸之所圍徙都荆湘雍益梁寧

南北秦八州諸軍事安西將軍荊州刺史攸之平乃之鎮

隨陽王翽明帝第十子昇明元年爲使持節督郢州司州之義陽諸軍事西中郎將郢州刺史未拜徙督湘州諸軍事南中郎將湘州刺史

南齊豫章文獻王嶷太祖第二子太祖爲宋相嶷出鎮東府加冠軍將軍出爲使持節都督江州豫州之新蔡晉熙二郡軍事左將軍江州刺史徙都督荆湘雍益梁寧南北秦八州諸軍事鎮西將軍荆史刺史持節太祖即位遷侍中尚書令都督揚州南徐二州



諸軍事驃騎將軍開府儀同三司揚州刺史會北邊騷動帝思爲經略乃詔曰神牧揔司王畿誠爲治要荆楚領馭遐遠任寄弘隆自頃公私彫盡緩撫之宜尤重嘗曰復以爲都督荆湘雍益梁寧南北秦八州諸軍事南蠻較尉荆湘二州刺史入爲都督楊南徐三州諸軍事中書監司空揚州刺史

臨州獻王映太祖第三子宋末沈攸之事難作太祖時領南徐州以映爲寧朔將軍鎮京口事寧除淮南宣城二郡太守並不拜仍爲假節都督南兗徐青冀五州諸軍事行兗州刺史復爲冠軍將軍南兗州刺

史太祖踐祚以映爲使持節都督荆湘雍益梁寧南北秦八州諸軍事平西將軍荊州刺史又領湘州刺史不行改授散騎常侍都督楊南徐二州諸軍事前將軍揚州刺史出爲都督荆湘雍益梁巴寧南北秦九州諸軍事鎮西將軍荊州刺史

長沙威王晃太祖第四子宋順帝昇明二年自寧朔將軍淮南宣城二郡太守遷爲持節監豫司二州之西陽諸軍事西中郎將豫州刺史尋遷使持節都督南徐兗二州諸軍事後將軍南徐州刺史世祖加晃鎮寧將軍轉丹陽尹



武陵昭王暉太祖第五子建元三年出爲持節都督會稽東陽新安永嘉臨海五郡軍事會稽太守世祖以暉爲江州刺史又爲丹陽尹

成安恭王暕太祖第六子建元二年除冠軍將軍鎮石頭戍領軍事四年出爲使持節督江州豫州之晉熙諸軍事南中郎將江州刺史永明二年爲南徐州刺史九年遷散騎嘗侍秘書監領石頭戍事

鄱陽王鏘太祖第七子建元四年世祖即位以鏘爲使持節督雍梁南北秦四州荊州之竟陵司州之隨郡軍事北中郎將寧蠻校尉雍州刺史七年轉征虜

將軍丹陽尹尋加散騎嘗侍特進號撫軍出爲江州刺史九年始親府州事加使持節督江州諸軍安南將軍

桂陽王鐸字宣朗太祖第八子永明二年出爲南徐州刺史鎮京口歷代鎮府鐸藩始省軍府

始興簡王鑑太祖第十子永明二年世祖始以鑑爲持節都督益寧二州軍事前將軍益州刺史八年進號安西將軍明年爲散騎嘗侍秘書監領石頭戍事衡陽王鈞太祖第十一子出繼元王道度永明四年爲江州刺史累遷左衛將軍爲世祖所知兄弟中意



遇次鄱陽王鏘十年轉中書令領石頭戍事

江夏王鋒太祖第十二子永明七年自輔國將軍南  
彰城王平二郡太祖遷左衛將軍仍轉侍中領石戍  
事九年出爲徐州刺史

南平王銳太祖第十五子永明十年出爲持節都督  
湘州諸軍事南中郎將湘州刺史

宜都王鑑太祖第十六子永明十一年爲持節都督  
南豫司二州軍事冠軍將軍南豫州刺史

晉熙王鈇太祖第十八子隆昌元年出爲持節都督  
郢司二州軍事冠軍將軍郢州刺史

河東王鉉太祖第十九子隆昌元年爲驍騎將軍出  
爲徐州刺史

竟陵文宣王子良世祖第二子宋末昇明三年爲使

持節都督會稽東陽臨海永嘉新安五郡輔國將軍  
會稽太守太祖建元三年穆妃薨去官仍爲征虜將

軍丹陽尹世祖卽位以爲使持節都督南徐兖二州  
諸軍事鎮北將軍南徐州刺史永明元年徙爲侍中

都督南兖徐青冀五州征北將軍南兖州刺史持節  
如故明年入爲護軍將軍兼司徒鎮西州十年領尚

書令尋爲使持節都督揚州諸軍事揚州刺史隆昌



元年進督南徐州

廬陵王子卿世祖第三子世祖即位爲使持節都督  
郢州司州之義陽軍事冠軍將軍郢州刺史永明元  
年從都督荆湘益寧梁南北徐七州安西將軍荊州  
刺史十年遷使持節都督南豫司三州軍事驃騎將  
軍南豫州刺史

魚復侯子響世祖第四子永明三年自輔國將軍南  
彭城臨淮二郡太守遷使持節都督豫州郢州之西  
陽汝南二郡軍事冠軍將軍豫州刺史四年進號右  
將軍進督南豫州之歷陽淮南潁川汝陽四郡尋出

爲江州刺史七年遷使持節都督荆湘雍梁南寧北  
秦七州軍事鎮軍將軍荊州刺史

安陸王子敬世祖第五子永明二年出爲持節監南  
兖州軍事平西將軍荊州刺史十年轉散騎常侍撫  
軍將軍丹陽尹隆昌元年遷使持節都督南兖徐  
青冀五州征北大將軍南兖州刺史

晉安王子懋世祖第七子永明三年爲持節都督南  
豫豫司三州南中郎將豫州刺史魚復侯子響爲豫  
州子懋解督四年進號征虜將軍南豫新置力役寡  
少加子懋宣城太守五年爲監南兖徐青冀五州



軍事後將軍南兖州刺史六年徙監湘州平南將軍  
湘州刺史明年加持節都督八年進號鎮南將軍九  
年親府州事十一年爲使持節都督雍梁南北秦四  
州郢州之竟陵司州之隨郡軍事征北將軍雍州刺  
史隆昌元年爲都督江州刺史

隨郡王子隆世祖第八子永明三年自輔國將軍南  
琅邪彭城二郡太守遷江州刺史未拜遷持節都督  
會稽東陽新安臨海永嘉郡東中郎將會稽太守八  
年代魚復侯子響爲使持節都督荆雍梁寧南北秦  
六州鎮西將軍荊州刺史其年始興王鑑罷益州進  
號督益州九年親府州事

建安王子真世祖第九子永明四年自輔國將軍南  
琅邪彭城二郡太守遷持節都督南豫司二州軍事  
冠軍將軍南豫州刺史領宣城太守進號南中郎將  
七年進號右將軍遷丹陽尹出爲使持節都督郢司二  
州事平西將軍郢州刺史

西陽王子明世祖第十子永明六年爲使持節都督南  
兖兖徐青冀五州軍事冠軍將軍南兖州刺史十年  
進左將軍督會稽東陽臨海永嘉新安五郡軍事會  
稽太守



南海王子罕世祖第十一子末明六年爲北中郎將  
南琅邪彭城二郡太守帝初以白下地帶江山徙琅  
邪郡自江金城治之子罕始鎮此城十年爲持節督  
南兖兖徐青冀五州軍事征虜將軍南兖州刺史  
巴陵王子倫世祖第十三子永明七年爲持節督南  
豫司二州軍事南中郎將南豫州刺史十年遷北中  
郎將南豫刺史二郡太守

始安王暹光太祖次兄貞王道度之孫明帝欲即位  
誅賞事唯暹光共謀議建武元年以爲持節都督楊  
南徐二州諸軍事前將軍揚州刺史無子以江陵公

寶覽爲後末元二年爲持節督湘州輔國將軍湘州  
刺史

暹光弟暹欣延興元年明帝樹置以暹欣爲持節督  
兖州緣淮軍事寧朔將軍兖州刺史仍爲督豫州之  
西陽司州之汝南二郡輔國將軍豫州刺史未之任  
建武元年進號西中郎將遷使持節督荆雍益寧梁  
南北秦七州軍事右將軍荊州刺史明帝子弟弱小  
晉安王寶義有廢疾故以暹光爲揚州居中暹欣居  
陝西在外權勢并在其門四年進號平西將軍末泰  
元年以雍州魏兵至詔暹欣本官領刺史寧蠻較尉



移鎮襄陽魏兵退不行遙欣弟遙昌延興元年除黃門郎未拜仍為持節督郢司二州軍事寧所將軍郢州刺史徙督湘州郢州之西陽司二州之汝南二郡軍事征虜將軍豫州刺史

桂陽王昭絜文惠太子第四子鬱林王立以皇弟封永嘉郡王南徐州刺史延興元年出為使持節都督荆雍益寧梁南北秦七州軍事西中郎將荆州刺史安陸昭王緬明帝弟末明二年自太子詹事出為會稽太守遷使持節都督雍梁南北秦四州竟陵司之

隨郡軍事左將軍寧蠻校尉雍州刺史

緬子寶聖嗣安陸王為持節都督湘州軍事輔國將軍湘州刺史

巴陵王昭秀文惠太子第三子隆昌元年為使持節督荆雍益寧梁南北秦七州軍事西中郎將荆州刺史

巴陵隱王寶義明帝長子建武元年為持節都督揚南徐州軍事前將軍揚州刺史寶義少有廢疾故止加除授仍以始安王遙光代之轉寶義為右將軍領兵置佐鎮石頭二年出為使持節都督南徐州軍事鎮北將軍南徐州刺史東昏即位進征北大將軍始



安王暹光誅爲都督揚南徐二州軍事驃騎大將軍  
揚州刺史

江夏王寶玄明帝第三子建武元年爲征虜將軍領  
石頭戍事爲持節都督郢司二州軍事西中郎將郢  
州刺史永泰元年還爲前將軍領石頭戍事未拜未  
明元年進軍騎將軍代晉安王寶義爲使持節都督  
南徐兗二州軍事南兗徐二州刺史

廬陵王寶源明帝第五子建武元年爲北中郎將鎮  
琅邪城遷右將軍領石頭戍事仍出爲使持節都督  
南兗兗徐青冀五州軍事後將軍南兗州刺史徙爲

都督會稽東陽臨海永嘉新安五郡軍事會稽太守  
鄱陽王寶寅明帝第六子建武二年爲北中郎將鎮  
瑯邪城明年出爲持節督江州郡事南中郎將江州  
刺史東昏即位爲使持節都督郢司二州軍事征虜  
將軍郢州刺史永元二年徵爲撫軍領石頭戍事未  
拜三年爲車騎將軍開府儀同三司鎮石頭和帝立  
西臺以寶寅爲使持節都督南徐兗二州軍事衛將  
軍南徐州刺史少帝以爲使持節都督荆益寧雍梁南  
北秦七州軍事荊州刺史

邵陵王寶攸明帝第九子建武三年爲北中郎將鎮



瑯琊城末元元元年為持節都督南北徐兗青冀五州軍事南兖州刺史未拜遷征虜將軍領石頭戍事丹陽尹陳顯達平出為持節督江州軍事左將軍江州刺史

晉熙王寶嵩明帝第十二子末元二年為冠軍將軍丹陽尹仍遷使節督南徐兖二州軍事南徐州刺史將軍如故

桂陽王寶貞明帝第十一子末元二年為中譙軍北中郎將領石頭戍事

二百七十九卷終

册府元龜

巡按福建監察御史臣李嗣京 訂正

新建縣舉人 臣戴國士叅閱

知建陽縣事 臣黃國琦較釋

宗室部

領鎮第三

梁臨川靜惠王宏字宣達太祖第六子高祖義師下宏至新林奉迎拜輔國將軍建康元年遷西中護軍領石頭戍軍事天監元年為使持節散騎常侍都督揚南徐二州諸軍事後將軍揚州刺史四年冬權以



宏爲都督南北兗北徐青冀豫司霍八州北討諸軍事八年爲持節都督揚南徐二州諸軍事司空揚州刺史十七年以公事左遷侍中普通元年復爲持節都督揚南徐二州諸軍事太尉揚州刺史

安成康王秀太祖第七子高祖義師至新林諸王侯悉自收伏來謁高祖以秀爲輔國將軍是時東昏弟晉熙王寶嵩爲冠軍將軍南徐州刺史鎮京口長史范岫行府州事遣使請兵高祖以秀爲冠軍長史南東海太守鎮京口城建康平仍爲使持節都督南徐兗二州諸軍事南徐州刺史天監二年徵領石頭戍

事六年出爲持節都督江州諸軍事平南將軍江州刺史七年遷都督荆湘雍寧南北梁秦等州諸軍事平西將軍荊州刺史十一年徵爲侍中衛將軍領宗正卿石頭戍事十三年復出爲使持節散騎常侍都督郢司霍三州諸軍事安西將軍郢州刺史十六年遷使持節都督雍梁南北秦四州郢州之竟陵司州之隨郡諸軍事鎮北將軍寧蠻校尉雍州刺史便道之鎮

季子機嗣安成王普通二年自寧遠將軍會稽太守遷明威將軍丹陽尹三年遷持節湘衡桂三州軍事



寧遠將軍湘州刺史

南平元襄王偉太祖第八子高祖義師起南康王承制板爲冠軍將軍留行雍州州府事齊和帝詔以偉爲使持節都督雍梁南北秦四州郢州竟陵司州之隨郡諸軍事寧蠻較尉雍州刺史天監元年進督荆寧二州四年徙都督南徐州軍事南徐州刺史五年至都改爲撫軍將軍丹陽尹六年遷持節都督揚南徐二州諸軍事右將軍揚州刺史未拜進號中權將軍七年以疾表解州改爲侍中中撫軍知司徒事九年遷護軍石頭戍軍事是年出爲使持節散騎嘗侍

都督江州諸軍事鎮南將軍江州刺史

鄱陽忠烈王恢太祖第九子天監元年爲侍中前將軍領石頭戍軍事二年出爲使持節都督南徐州諸軍事征虜將軍南徐州刺史四年改都督郢司二州諸軍事後將軍郢州刺史七年進號雲麾將軍進督霍州十年徵爲侍中護軍將軍石頭戍軍事十一年使持節都督荆湘雍益寧梁南北秦九州諸軍事平西將軍荊州刺史十三年遷散騎嘗侍都督益寧南北秦沙等州諸軍事鎮西將軍益州刺史便道之鎮十八年爲使持節散騎嘗侍都督荆湘雍梁益寧南



北秦八州諸軍事征西將軍開府儀同三司荊州刺史

始興忠武王憺字僧道達太祖第十子高祖爲雍州

刺史請與憺同行義師起南康王承制以憺爲冠軍

中郎與南平王偉留守和帝將發江陵詔以憺爲使

持節都督荆湘益寧南北秦六州諸軍事平西將軍

荊州刺史天監七年還朝八年爲平北將軍護軍領

石頭戍軍事是秋出爲持節散騎掌侍都督南北兗

徐青冀五州諸軍事鎮北將軍南兗州刺史九年春

遷都督益寧南梁南北秦沙六州諸軍事鎮西將軍

益州刺史十四年遷都督荆湘雍寧梁南北秦七州

諸軍事鎮右將軍荊州刺史

長沙王業高祖長兄宣武王懿子天監二年襲封長

沙王六年遷右衛將軍尋爲中護軍領石頭戍軍事

七年出爲使持節都督南兗徐青冀五州諸軍事

仁威將軍南兗州刺史九年除中書令改授安後將

軍鎮琅琊彭城二郡領南琅琊太守十年徵爲安右

將軍散騎掌侍十四年復爲護軍領南琅琊彭城鎮

于琅琊復徵爲中書令出爲輕車將軍湘州刺史

業弟西昌侯藻天監元年出爲持節都督益寧二州



諸軍事冠軍將軍益州刺史十年爲左驍騎將軍領南琅琊太守八爲侍中十一年出爲使持節都督雍梁秦三州竟陵隨二郡諸軍事仁威將軍寧蠻較尉雍州刺史十三年徵爲使持節都督南交充徐青冀五州諸軍事交州刺史頻蒞數鎮民吏稱之大通元年遷侍中中護軍時涪陽始降仍以藻爲使持節北討都督征北將軍鎮于涪陽三年爲中將軍太子詹事出爲丹陽尹大同五年出爲使持節督南徐州刺史

求陽王伯游高祖次兄敷之子天監元年四月詔曰兄子伯游雖年識未弘意尚粗可浙東奧區且須撫涖可督會稽東陽新安永嘉臨海五郡諸軍事輔國將軍會稽太守襲封求陽郡王

衡陽嗣王元簡高祖第四弟暢之子天監三年襲封除中書郎遷會稽太守十三年入爲給事黃門侍郎出爲持節都督廣交越三州諸軍事平越中郎將廣州刺史遷爲太子中庶子遷使持節都督郢司霍三州諸軍事征遠將軍郢州刺史

桂陽王象長沙宣武王第九子出繼桂陽王融起家寧遠將軍丹陽尹出爲持節督司霍郢三州諸軍事



征遠將軍鄂州刺史尋遷湘衡二州諸軍事輕車將軍湘州刺史除中書侍郎俄以本官行石頭戍軍事遷命中太子詹事未拜改授持節督江州諸軍事信武將軍江州刺史

吳平侯景高祖從父弟也天監元年封仍爲持節都督北兖徐青冀四州諸軍事冠軍將軍南兖州刺史七年遷左衛將軍兼領軍管天下兵要尋出爲使持節督雍梁南北秦郢州之竟陵司州之隨郡諸軍事信武將軍寧蠻較尉雍州刺史十一年徵左衛將軍領石頭戍軍事十二年復爲使持節督南北兖比徐

青冀五州諸軍事信威將軍南兖州刺史十三年徵爲領軍將軍直殿省十七年太尉揚州刺史臨川王宏坐法免詔曰揚州應須緝理宜得其人侍中領軍將軍吳平侯景才任此舉可以安右將軍監揚州並置佐使郎宅爲府十九年出爲使持節散騎常侍都督郢司霍三州諸軍事安西將軍郢州刺史景弟昌天監六年自豫章內史寧朔將軍遷使持節督廣交越桂四州諸軍事輔國將軍平越中郎將廣州刺史九年分湘州置衡州以昌爲持節督廣州之綏建湘州之始安諸軍事信武將軍衡州刺史



昌弟昂天監初自司徒右長史出爲輕車將軍監南  
兖州徵爲琅琊彭城二郡太守復以輕車將軍出爲  
廣州刺史

南康簡王績高祖第四子天監八年出爲輕車將軍  
領石頭戍軍事十年遷使持節都督南徐州諸軍事  
徐州刺史進號仁威將軍十六年徵爲宣毅將軍領  
石頭戍軍事十七年爲使持節都督南兖徐青冀  
五州諸軍事南兖州刺史普通四年徵爲侍中雲麾  
將軍領石頭戍軍事五年出爲使持節都督江州諸  
軍事江州刺史丁董淑儀憂居喪過禮高祖手詔勉  
之使攝州任固求解職乃徵授安右將軍領石頭戍  
軍事

績子會理嗣爲南康王年十五拜輕車將軍湘州刺  
史又領石頭戍諸軍事遷侍中兼領將軍尋除宣惠  
將軍丹陽尹置佐吏出爲使持節都督南北徐青冀  
東徐譙七州諸軍事平北將軍南兖州刺史

廬陵威王續高祖第五子天監十六年自會稽太守  
爲都督江州諸軍事雲麾將軍江州刺史普通元年  
徵爲宣毅將軍領石頭戍軍事三年爲使持節都督  
雍梁秦沙四州諸軍事西中郎將南徐州刺史大通



二年又爲使持節都督雍梁寧沙四州諸軍事平北將軍寧蠻較尉雍州刺史給鼓吹一部大同元年爲使持節都督江州諸軍事安南將軍江州刺史三年徵爲護將軍領石頭戍軍事五年爲驃騎將軍開府儀同三司又出爲使持節都督荆郢司雍南北秦梁巴華九州諸軍事荊州刺史

邵陵麴王綸高祖第六子普通元年領石頭戍軍事尋爲江州刺史五年以西中郎將權攝南兗州中大通元年爲丹陽尹大同七年出爲使持節都督郢定霍司四州諸軍事平西將軍郢州刺史尋遷爲安前將軍丹陽尹中大同元年出爲鎮東將軍南徐州刺史

史  
綸子末安侯確太清中爲南中郎將廣州刺史

尋陽王大心太宗第二子高祖太同元年出爲使持節都督郢南北司定新五州諸軍事輕車將軍郢州刺史七年徵爲侍中兼石頭戍軍事太清元年出爲云麾將軍江州刺史

南海王太臨太宗第四子大寶元年出爲使持節都督揚南徐二州諸軍事安南將軍揚州刺史

南郡王大連字靖太宗第五子大同十年以侍中兼



石頭戍軍事太清元年出為使持節輕車將軍東陽州刺史

安陸王大春字仁經太宗第六子大同中以為寧遠將軍知石頭戍軍事太寶元年為使持節雲麾將軍

東陽州刺史

新興王大壯太宗第十三子大寶元年為使持節都

督南徐州諸軍事宣毅將軍南徐州刺史

西陽王大鈞太宗第十四子大寶元年出為宣惠將

軍卅陽尹二年監揚州

武寧王大威太宗第十五子大寶二年為信威將軍

卅陽尹

建平王大球太宗第十七子大寶二年為輕車將軍

兼石頭戍軍事

陳宜黃侯惠紀高祖之從孫光大元年以功除持節

通宜散騎嘗侍宣達將軍豐州刺史大建十年吳明

徹北討敗績以紀為持節智武將軍緣江都督兗州

刺史尋除使持節散騎嘗侍宣毅將軍都督郢巴二

州諸軍事至德二年遷使持節散騎常侍雲麾將軍

都督荆信二州諸軍事荊州刺史

始興王伯茂世祖第二子永定三年自寧遠將軍除



使持節都督南琅琊彭城諸軍事彭城太守進號宣  
惠將軍揚州刺史天嘉三年除鎮東將軍開府儀同  
三司東陽州刺史

鄱陽王伯山世祖第三子天嘉六年爲沿江都督平  
北將軍南徐州刺史光大元年徙爲鎮東將軍揚州  
刺史大建元年徵爲中衛將軍中領軍七年又爲征  
北將軍南徐州刺史尋爲征南將軍江州刺史至德  
四年出爲持節都督東陽豐二州諸軍事揚州刺  
史

晉安王伯恭世祖第六子太建元年爲中衛將軍楊  
州刺史六年出爲安南將軍南豫州刺史十四年出  
爲安南將軍湘州刺史

衡陽王伯信世祖第七子天嘉元年爲宣惠將軍丹  
陽尹禎明元年出爲鎮南將軍衡州刺史

廬陵王伯仁世祖第八子太建七年遷冠軍將軍中  
領軍尋爲平北將軍南徐州刺史

江夏王伯義世祖第九子太建初爲宣惠將軍東陽  
州刺史尋爲宣毅將軍持節散騎嘗侍都督合霍二  
州諸軍事合州刺史

武陵王伯禮字用之世祖第十子太建初爲雲麾將



軍持節都督吳興諸軍事吳興太守

永陽王伯智世祖第十二子累遷尚書左僕射出爲使持節都督東陽豐二州諸軍事平東將軍領會稽內史

桂陽王伯謀世祖第十三子太建中爲信威將軍丹陽尹十年加侍中出爲持節都督吳興諸軍事東中郎將吳興太守

豫章王叔英高宗第三子太建元年爲宣惠將軍都督東陽州諸軍事揚州刺史五年進號平北將軍南豫州刺史十一年爲鎮前將軍江州刺史

長沙王叔堅高祖第四子太建四年自東中郎將吳郡太守爲宣毅將軍江州刺史七年進號雲麾將軍鄧州刺史未拜轉爲平越中郎將廣州刺史尋爲平北將軍合州刺史八年復爲平西將軍鄧州刺史十一年入爲翊左將軍丹陽尹是年進號驃騎將軍開府儀同三司揚州刺史至德三年出爲征西將軍荊州刺史

建安王叔卿高宗第五子大建四年授東中郎將東揚州刺史七年爲雲麾將軍鄧州刺史九年進號安南將軍又征南將軍湘州刺史



宜都王叔明字子昭高宗第六子太建七年授東中郎將東陽州刺史十三年出爲使持節雲麾將軍南徐州刺史

河東王叔獻高宗第九子太建七年爲散騎嘗侍中師將軍南徐州諸軍事徐州刺史

新蔡王叔齊高宗第十一子太建中出爲東中郎將東陽州刺史

晉熙王叔文高宗第十二子太建中爲輕車將軍揚州刺史至德元年授持節都督江州刺史二年遷信威將軍督湘衡武桂四州諸軍事湘州刺史

始興王叔重高宗第十四子太建末爲仁威將軍揚州刺史明年加使持節江州諸軍事江州刺史岳陽王叔慎高宗第十六子至德四年拜侍中智武將軍丹陽尹禎明元年出爲持節都督湘衡桂武四州諸軍事智武將軍湘州刺史

義陽王叔達高宗第十七子禎明元年除丹陽尹南平王嶷後主第二子至德元年自南琅琊彭城二郡太守遷揚州刺史進號鎮國將軍尋爲使持節都督鄧荆湘三州諸軍事征西將軍鄧州刺史末嘉王彥後主第三子至德中爲忠武將軍南徐州



刺史進號安南將軍持節都督江邑東衡三州諸軍事江州刺史

南海王虞後主第五子禎明二年出爲平北將軍南

徐州刺史

信義王祗後主第六子至德中爲壯武將軍使持節

都督智武將軍琅琊彭城二郡太守

會稽王莊後主第八子至德中爲翊前將軍除使持

節都督揚州諸軍事揚州刺史

後魏曲陽侯素延桓帝之後道武征討諸部初定荆

州爲刺史中山平拜幽州刺史

宜都王自辰桓帝之後孝文即位除雍州刺史鎮長

安

司徒石平文帝之玄孫也從大武南討至瓜步山進

位尚書令雍州刺史

松滋侯萇平文帝之後宣武時爲比中郎將帶河內

太守歷位度支尚書侍郎雍州刺史

萇子華孝莊初除齊州刺史後除濟州刺史孝靜初

除南兖州刺史

河間公齊烈帝玄孫也齊孫志字猛略宣武時除荆

州刺史孝明帝時爲揚州刺史



衛王儀昭成帝孫從道武征伐有功中山平道武將  
遷代都置山中行臺詔儀守尚書令以鎮之

儀子中山簡王纂始五歲道武命養於宮中恩與皇  
子同太武踐祚除定州刺史

義孫沛郡公禎孝文時拜南豫州刺史

陳留景王崇昭成曾孫道武時拜荊州刺史崇孫琛  
位鎮朔二州刺史

隴西公嶮昭成帝之後文成即位除秦州刺史

淮南靖王他道武孫太武時除使持節都督豫雒河  
南諸軍事鎮南將軍開府儀同三司鎮虎牢從征於

懸瓠破之拜使持節都督雍秦二州諸軍事鎮西將  
軍開府儀同三司雍州刺史鎮長安時宋侵南鄙以

他威信素著復爲虎牢鎮都督大將高宗時轉使持  
節都督京州諸軍事鎮西大將軍

他子篤自光祿勳卿出除平北將軍幽州刺史

他孫法壽自中散大夫出除龍驤將軍安州刺史  
法壽弟法僧自司馬掾除龍驤將軍益州刺史後徵

拜光祿大夫出爲東平將軍兗州刺史轉安東將軍  
徐州刺史

淮南康王世遵靖王曾孫也宣武時拜前將軍行幽



州事兼西中郎將又行青州事尋遷驃騎將軍出爲  
征虜將軍幽州刺史孝明時爲荊州刺史尋加前將  
軍沔南蠻酋及襄陽民望密引世遵請以襄陽內附  
世遵表求赴應朝儀從之詔加世遵持節都督荊州  
及沔南諸軍事平南將軍加散騎常侍後除平北將  
軍定州刺史

武昌成王提道武孫太武時拜使持節鎮東大將軍  
平原鎮都大將在任十年大著威名後與淮南王他  
討平吐京叛胡遷使持節車騎大將軍統萬鎮都大  
將

子簡王平原獻文時蠕蠕犯塞從駕擊之平原戰功  
居多拜假節都督齊兗二州諸軍事鎮南大將軍齊  
州刺史孝文時遷都督秦雍梁益四州軍事征南大  
將軍開府雍州刺史鎮長安

原子悼王鑿孝文時出爲征虜將軍齊州刺史宣武  
初以本將軍轉徐州刺史

鑿兄和襲鑿爵爲河南王孝明時出爲輔國將軍涼  
州刺史

鑿弟馮自太僕少卿出除安西將軍東秦州刺史  
南平安王渾道武孫爲廣平王連後太武時拜假節



都督平州諸軍事領護東夷較尉鎮東大將軍儀同  
三司平州刺史鎮和龍在州綏導有方徙涼州鎮將  
都督西戎詣軍事領護西域較尉渾子哀王纂孝文  
時出爲安北將軍平州刺史

纂弟之子武貞王仲冏孝文時出爲輔國將軍光州  
刺史遭母憂還孝昌末除秦州刺史

江陽武烈王繼南平王霄之子爲江陽王振後孝文  
時除使持節安北將軍撫宜鎮都督大將軍轉都督  
柔玄撫冥懷荒三鎮諸軍事鎮北將軍柔玄鎮大將  
軍入爲左衛將軍兼侍中又兼中領軍留守維京尋

除持節平北將軍鎮攝舊都宣武時除征虜將軍青  
州刺史轉平北將軍鎮州刺史

繼子羅爲平東將軍青州刺史梁武遣將寇邊又爲  
撫軍都督青光南青三州諸軍事入爲宗正卿出帝  
時除使撫節驃騎大將軍開府儀同三司梁州刺史  
樂安王範明元子太武以長安形勝之地乃拜範衡  
大將軍開府儀同三司長安鎮都大將

範子簡王良文成時襲王爵拜長安鎮都大將雍州  
刺史

東平王翰太武子自中軍大將軍鎮袍罕以信惠撫



衆羗戎敬服子道符襲爵中軍大將軍猷文踐祚拜  
長安鎮都大將軍

臨淮懿王提太武孫爲梁州刺史

提子孝友襲爵臨淮王累遷滄州刺史

廣陽懿烈王嘉太武孫孝文時拜徐州刺史後爲尚

書左僕射與咸陽王禧等輔政遷司州牧

嘉子忠武王琛孝明時拜泗州刺史歷鎮州刺史入

爲侍中右衛將軍定州刺史

琛子文獻王湛孝靜初累遷冀州刺史入爲侍中後

行司州牧

京兆王子推景穆帝子初爲侍中征南大將軍長安

鎮州將秦雍之人服其威惠孝文即位拜侍中開府

儀同三司青州刺史子推子大興襲爵拜長安鎮大

將軍

大興弟饒陽男遙孝明帝時自左光祿大夫仍領護

軍遷冀州刺史

大興子暹莊帝初爲南兗州刺史累遷秦州刺史普

泰元年除涼州刺史

大興孫文王綜孝靜時累遷司州牧青州刺史

任成康王雲景穆帝子和平五年封拜使持節侍中



征東大將軍和龍鎮都大將獻文時除都督徐充二州緣淮諸軍事征東大將軍開府徐州刺史後爲冀州刺史廼心政事甚得下情孝文嘉之遷使持節都督陝西諸軍事征南大將軍長安鎮都大將軍雍州刺史

子文宣王澄孝文時除都督梁益荆三州諸軍事征南大將軍梁州刺史後轉征東大將軍開府徐州刺史甚有聲績從坐公事免官尋兼吏部尚書鎮州刺史宣武時出爲平西將軍梁州刺史辭以母老除安東將軍湘州刺史後固辭改授安西將軍雍州刺史

尋徵赴季秋講武除都督淮南諸軍事鎮南大將軍開府揚州刺史鎮北大將軍定州刺史

澄子順爲給事黃門侍郎時元乂威刑左盛順曾詣乂至於朝論得失順嘗鯁言正議不阿旨繇此見憚出除北平將軍鎮州刺史轉爲安東將軍齊州刺史順弟嵩宣武時以武衛將軍兼侍中出爲平南將軍荊州刺史又除平北將軍鎮州刺史轉平東將軍徐州刺史又轉安南將軍揚州刺史

嵩子衛縣男世雋自河南尹除鎮東將軍青州刺史嵩弟瞻自宗正少卿龍驤將軍光州刺史遷平東將



軍兗州刺史

高平 濟寧 汶上 泗水 臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

汶上 泗水 臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

泗水 臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

汶上 泗水 臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

泗水 臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

汶上 泗水 臨沂 鄒縣 滕縣 嶧縣 微山 魚台 金鄉 嘉祥 汶上 泗水 臨沂 鄒縣 滕縣 嶧縣 微山 魚台 金鄉 嘉祥

